



4A  
26  
16  
3

4A

26

16

3

Foi: 4-68-19-8

Sept 1 1859

2. 2. 2.

7-4-9 =  
~~Opt: f. n. G.~~

W. W. N. 2

4A  
26  
16  
3



Faint, illegible text impressions, possibly bleed-through from the reverse side of the page, located in the lower half of the document.



GALILÆUS GALILÆI LYNCEUS

PHILOSOPHUS et MATHEMATICUS

Ser:<sup>mi</sup> Hetruriæ magni Ducis.

*J. Müller. Scit.*



GALLÆI GALILÆI LYNCEI  
 Dialogi, tam eos quos edidit  
 DE SYSTEMATE MUNDI  
 quam quos  
 DE MOTU LOCALI.



*Ptolemaeus*

*Aristoteles*

*N. Copernicus*

LUGD. BATAV. Apud { FREDERICUM HAARING et DAVIDEM SEVERINUM } Bibliopolas.  
 M. D. CC.



*J. Mulder Fecit.*

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

# GALILÆI GALILÆI,

Lyncei, Academiarum Pisanae  
ac Patavinæ

*Philosophi ac Mathematici summi*

## SYSTEMA COSMICUM.

IN QUO

Dialogis IV. de duobus maximis

### MUNDI SYSTEMATIBUS.

PTOLEMAICO & COPERNICANO,

Rationibus utrinque propositis indefinitè ac solidè discribitur.

*Accessit alterâ hâc Editione*

Præter conciliationem Locorum S. Scripturæ cum  
Terræ Mobilitate,

EJUSDEM TRACTATUS

### D E M O T U,

*Nunc primum ex Italico sermone in Latinum versus.*



LUGDUNI BATAVORUM,

Apud { FREDERICUM HAARING, }  
          {                   ET                   } Bibliopolas, 1699  
          { DAVIDEM SEVERINUM. }

GALLIÆ  
GALLIÆ

Lyncol, Academiarum Præsides

ac Patentes

Trincom et Trincom in Trincom

SYSTEMA COSMICUM.

IN 1700

Diologia IV. de duobus maxime

MUNDI SYSTEMATIBUS.

PROLEMAICO & COPERNICANO,

Rationibus uniusque propolis inchoantibus solido dilucidantur.

Abiit etiam de Latinis


Latini copulatio inchoantibus & Siquidem per

Terminis

Ejusdem Tractatus

D E M O T U.

Aut primis ex hisse formis in Latinis copul.



LUCIUNI BATAVORUM

FREDERICUM HAARING,

Bibliopolas, 1699

DAVIDEM SEVERINUM.

Apud



SERENISSIMO PRINCIPI

FERDINANDO II.

HETRVRÆ MAGNO-DVCI.

SERENISSIME

MAGNE-DVX.

**D**IFFERENTIAM illam, quæ homines inter ac animantia cætera reperitur, etsi longe maximam, si quis tamen ab ista, quæ ipsos rursus homines inter sese discriminat, parum abesse dixerit, haud absurde fortasse judicaverit. Quantum à millenario numero superatur unitas? At nihilo minus vulgari proverbio jactatur: Unum hominem valere milles alios, ubi milles non valeant unum. Discrimen autem istud à diversis ingeniorum habilitatibus dependet quod eò reduco, ut quis sit Philosophus, aut nec-Philosophus: quandoquidem Philosophia, tanquam proprium eorum, qui eo nutrirî possunt, alimentum, re ipsa à communi fœce vulgi separat, idque sublimiore humilioreve gradu, nimirum pro illius ipsius nutrimenti varietate. Qui altius aciem oculorum intendit, is supra reliquos altiùs attollitur. Cæterùm modus sublevandæ oculos hic est, si quis ad grandem illum Naturæ librum, seu proprium objectum Philosophiæ, sese convertat: in quo libro licet omnia quæ leguntur, ut Artificis Omnipotentis opera, perfectissima sibi mutuo proportionè respondeant: majoris tamen perfectionis dignationisque sunt habenda, ex quibus visui nostro major opera & insignitius artificium ingentur.

Com-

Compages hæc Univerſi, meo iudicio, principem locum meretur inter res naturales, quæ intellectu noſtro capi poſſunt. Ea quippe, ſicuti magnitudine, res omnes complexu ſuo contentas excellit: ita quoque, tanquam regula & lex omnium, nobilitate eaſdem ut antecedit oportet. Ideoque ſi cui unquam intellectus magnitudine ſupra reliquos mortales immenſum emineret contigit, PTOLEMÆVS atque COPERNICVS hanc gloriam adepti ſunt, utpote in hoc Mundano Systemate legendo profundè adeò ſpeculati philoſophatique. Circa quorum opera cum iſti mei Dialogi præcipue ſint occupati, neſas mihi videbatur, eoſdem alii alicui, quam Sereniſſimæ Tuæ Celſitudini dedicare. Cum enim in hiſce contenta doctrina, fundata ſit in duobus iſtis ingeniis, quæ ego pro maximis habeo omnium, quorum ad nos in hoc ſpeculationum genere ſcripta pervenerunt, ne longius à tanta magnitudine diſcederem, oportuit ea ſuffulcire favore Illius apud me Maximi, unde & gloriam conſequi, & patrocinium poſſent. Inſuper cum iſti duo tantam intellectui meo facem alluxerint, ut hoc opus meum, magnâ ex parte, illorum dici queat; non minus idem Tuæ quoque Sereniſſimæ Celſitudini poterit adſcribi, cujus Magnificâ liberalitate non modò otium & quietem neceſſariam hæc ſcriptio nacta eſt: ſed & ope efficaciſſimæ adjuta ſubſidii, quod in honorando ornandòque me nunquam languit, ad poſtremum lucem vidit.

Eandem itaque ſolitâ benignitate Sereniſſima Tua Celſitudo accipiat: & ſi quidem nonnihil hic invenerit, unde ſtudioſi Veritatis aliquem fructum ſubſidiūve cognitionis amplioris haurire poſſint, agnoſcat id pro Suo & proprio: maximè cum ad juvandum tam ſit aſſuefacta T. C. ut ſub felici Regimine Ejus, nec unus inveniat, qui univerſalium, quæ Mundum adſiſtant, anguſtiarum ullâ ſeſe coarctari turbarive ſentiat. Cum quo ſinem facio, Tuæque Celſitudini precatus omnem proſperitatem ad perpetuum tam pii & magnanimi Sui moris incrementum, Eandem humilime veneror

Sereniſſ. Tuæ Celſit.

Humillimus devotiſſimusque  
Servus & vaſſallus,

GALILÆVS GALILÆI.

Cele-

*Celeberrimo ac Recondita Eruditionis*

V I R O

D. BURCHERO

DE

V O L D E R,

*In Illustri Academia Lugd. Bat. Philosophiæ &*

*Matheseos Professori Meritissimo*

S.



Illustrissimo GALILÆO GALILÆI  
ob novorum inventorum, ac concin-  
norum ratiociniorum soliditatem,  
multum deberi laudis, nemo, nostro  
quidem iudicio, inficiari sustineat,  
qui æquo animo ac attenta mente,  
*Magni illius Viri* scripta legit ac pen-  
sitavit unquam: Ratiocinandi me-  
thodum, consequentiarumque aliarum ex aliis fluen-  
tium nexum si spectemus, eas & legitimas, & iusto or-  
dine deductas esse ultro fateamur necesse est.

Tantis certe bonis carere posteritatem noluimus, ea  
propter tractatum de Mundi Systemate, ut & eum de  
motu, denuo typis mandare, posterioremque latinita-  
te donatum publico exhibere, utrumque autem TIBI  
Vir Celeberrime inscribere æquum duximus; ab illo  
\* \* \* \* \*  
enim

enim tempore, a quo *novam hanc editionem* meditari  
cœpimus, istud imprimis negotii nobis datum esse cre-  
didimus, ut eam tutelæ atque patrocínio vestro reve-  
renter offerremus, utpote Viri, cujus nomen non tan-  
tum apud omnes inclaruit eruditos, verum etiam cui  
hujus generis studia sunt perspectissima.

Multis equidem præconiis T U A in Remp. Littera-  
riam, Mathematicam præsertim ac Philosophicam de-  
prædicare merita non est animus, quoniam nos (ut fa-  
teamur quod res est) iis, non dicam extollendis, sed  
simpliciter enarrandis, sumus impares, & probe scimus  
quam nolint laudari illi qui maximam Laudem meren-  
tur: Unum hoc obnixè T E rogamus, ægre ne feras  
*Utilissimos hosce ac Egregios* TIBI dicari libros, neque  
ullo dubitamus modo, quin vel eo nomine omnibus  
cordatis rerum philosophicarum arbitris futuri sint ac-  
ceptissimi.

Vale Vir Celeberrime atque diu in studiorum, inge-  
nuarumque artium, (quæ Proh Dolor! impræsentia-  
rum tam tepida sunt ac languida) & Reip. Litterariæ  
emolumentum sanus vegetusque vive, & ulteriore tuo  
favore ac benevolentia prosequi perge

*Celeberrimi Nominis Tui*

Cultores Perpetuos

Lugd. Batav.  
ipsis Calend. Januar.  
1699.

FRED. HAARING,

D. SEVERINUM.

*Bibliopolas.*

EPI-



EPITAPHIUM EJUS  
GALILÆO GALILÆI FLORENTINO

PHILOSOPHO ET GEOMETRIÆ VERE LYNCEO,  
NATURÆ OEDIPO  
MIRABILIUM SEMPER INVENTORUM MACHINATORI  
QUI INCONCESSA ADHUC MORTALIBUS GLORIA  
CÆLORUM PROVINCIAS AUXIT  
ET UNIVERSO DEDIT INCREMENTUM.  
NON ENIM VITREOS SPHÆRARUM ORBES  
FRAGILESQUE STELLAS CONFLAVIT  
SED ÆTERNA MUNDI CORPORA  
MEDICÆ BENIFICENTIÆ DEDICAVIT  
CUJUS INEXTINCTA GLORIÆ CUPIDITAS  
UT OCULOS NATIONUM  
SÆCULORUMQUE OMNIUM  
VIDERE DOCERET  
PROPRIOS IMPENDIT OCULOS  
CUM JAM NIL AMPLIUS HABERET NATURA  
QUOD IPSE VIDERET.  
CUJUS INVENTA VIX INTRA RERUM LIMITES COMPREHENS  
FIRMAMENTUM IPSUM NON SOLUM CONTINET  
SED ETIAM RECIPIT.

QUI RELICTIS TOT SCIENTIARUM MONUMENTIS  
PLURA SECUM TULIT, QUAM RELIQUIT.

GRAVI ENIM

SED NONDUM AFFECTA SENECTUTE

NOVIS CONTEMPLATIONIBUS

MAJOREM GLORIAM AFFECTANS

INEXPLEBILEM SAPIENTIÆ ANIMAM

IMMATURO NOBIS OBITU

EXHALAVIT

ANNO DOMINI

M. DC. XLII.

ÆTATIS SUÆ

LXXVIII.



A D  
PRUDENTEM  
LECTOREM.



ROMULGATUM est Romæ proximis annis Edictum salutare, quo, ut periculosis scandalis ævi præsentis obviam iretur, opportunum imponebatur opinioni Pythagoricæ de Terræ mobilitate silentium. Non desuere tamen, qui temerè affirmare audent, istud decretum non ex judicioso examine, sed ex affectu, causâ parum cognitâ, fuisse profectum: audiebanturque querele, Consultores, observationum Astronomicarum imperitos omnino, non debuisse per improvisum istud interdictum alas incidere talia rimantium ingeniorum. Provocavit vocem meam zelus, temeritatem hoc genus lamentorum non sustinens. Itaque statui, tanquam prudentissimi istius decreti solidè gnarus, in hoc Mundi Theatro, sinceræ veritatis testis publicè comparere, Eram id temporis in re præsentis Romæ: Eminentissimi Curie illius Prælati non audientiam mihi modò, sed & applausum tribuerant: nec sine aliqua mea informatione præcedente, istius postea Decreti publicatio secuta est. Inde consilium mihi, præsentis mei labore ostendere Nationibus exteris, in Italia, & quidem Romæ, tan-

eum in isthac materia sciri, quantum ejus unquam imaginari sibi Transalpina diligentia potuisset; & colligendo insimul omnia ad Systema Copernicanum pertinentia theoremata, notum facere, isthac omnia prius fuisse cognita Romæ, quàm ista Censura prodiret; simulque demonstrare, ex hoc nostro Climate non modò ad salutem animæ conferentia Dogmata, sed insuper ad ingeniorum delicias inventa subtilia sublimiaque provenire.

Eum in finem in hoc Dialogo Copernicanas partes mihi sumpsit, procedendo in pura Hypothesi Mathematica, quam omni artificiosâ viâ conatus sum alteri Hypothesi Terram immobilem facienti præferendam ostendere, non absolutè quidem, sed quatenus hanc propugnant nonnulli, qui cum se Peripateticos profiteantur, solum exinde nomen retinent, sine peripato spatiisque Umbras adorare contenti, nec propriis ex observationibus philosophantes, sed solâ memoriâ perperam intellectuum quatuor principiorum.

Tria porrò maximè capita exsequemur. Primò conabor ostendere, omnia experimenta, quæ in Terra fieri possunt, ad inferendam ejus mobilitatem esse insufficientia: sed indifferenter accommodari posse tam mobili, quàm quiescenti Terræ. Quâ ratione multas observationes incognitas antiquitati, manifestatum iri spero: Deinde phænomena caelestia examinabuntur, corroborando Copernicanam Hypothesin, quasi victricem absolutè futuram, adjungendo novas speculationes, quæ tamen conducant ad facilitatem Astronomiæ, non etiam ad naturæ necessitatem. Tertio loco proponam ingeniosum commentum. Dixisse memineram ante complures annos, obscurum illud de æstu maris problema posse lucem aliquam accipere, si motus Terræ concederetur. Vox isthac mea per hominum ora volitans, misericordes aded quosdam invenerat, ut se tanquam partus expositi patres profiterentur, adoptarentque inventum istud pro ingenii proprii fætu. Nunc autem ne quis unquam externus existere possit, qui nostris armis communitus exprobret nobis negligentiam cecitatemve in accidente tam singulari; probabiles illas rationes aperire constitui, quibus istud credibile reddi possit, concesso, Terram moveri. Confido nosciturum ex considerationibus hisce genus humanum, quod, si Natio-

nes aliæ plus navigarint, nos non contemplati sumus minùs: itemque quòd,  
continere se ab assensu stabilitatis terræ, & velut ex quadam opinione  
mathematica, apprehendere contrarium, non inde nascatur, quasi non &  
nos animadverterimus, quæ de hac re sunt ab aliis excogitata: sed quòd  
id proveniat potius è rationibus cum aliis, tum his præcipuè, quas Pic-  
tas atque Religio, quas Omnipotentia Divinae cognitio, & infirmitatis  
ingenii humani conscientia nobis subministrant.

Porro conceptus istos in forma Dialogi proponere, non incommodum  
existimavi, quod hac ratione, dum ad rigidam legum mathematicarum  
observantiam haud adstringimur, ad excursus interdum ipso argumento  
principali non minus amœnos campus aperiatur.

Ceterùm cum multis abhinc annis crebrò in admiranda Venetiarum ur-  
be agerem, conversatus sum cum Domino Joanne Francisco Sagredo,  
Viro natalibus illustrissimo, ingenio acutissimo. Commoverat eodem ex  
urbe Florentia Dominus Philippus Salviatus, cui ex claritudine sangui-  
nis opumque magnificentia minimum splendoris erat, quamvis utroque  
polleret: sed eminebat intellectus, qui nullis deliciis avidius nutriebatur,  
quàm speculationibus exquisitissimis. Cum his duobus crebrò colloqui so-  
lebam de materiis istis, interveniente Peripatetico quodam Philosopho,  
quem à cognitione Veri, res nulla magis avocare videbatur, quàm quòd-  
famam in interpretationibus Aristotelicis acquisitam, omnibus modis tuen-  
dam sibi putaret.

Enimvero quando mors acerbissima Venetias, Florentiamque binis istis  
magnis luminibus, in melioribus eorum annis orbarit; ac famam eorum-  
dem, quantum ejus per virum mearum temeritatem licebit, in hoc meo  
scripto vivacem efficere constitui, ipsos de præsentì controversia tanquam  
colloquentes introducendo. Nec deerit locus suus illi bono Peripatetico,  
cujus nomen taceri propter incredibilem erga Simplicii commentarios affe-  
ctum, conveniens videbatur, ejusque loco relinqui illud alterum scriptoris  
quem tantoperè venerabatur. Propicia autem accipiant binæ istæ magnæ  
animæ, meo quidem animo æternùm venerabiles, publicum hoc amoris  
mei nunquam intermorituri monumentum; expositurumque me Posteritati  
contemplationes promissas, eloquentiæ suæ memoriâ juvent.

Vivis:

Viris istis Colloquia varia, prout fors & occasio tulerat, eoque subinde interrupta, ut fieri amat, intercesserunt, quibus, in ingeniis eorum, discendi suis accensa potius quàm extincta fuerat. Ideoque sapienti consilio decrevère, dies aliquot integros congressui atque colloquiis impendere, per quos, sepositis omnibus aliis negotiis, unicè ad Mirabilia Dei tam in Cælo quàm Terrâ, accuratiori speculatione consideranda, mentem intenderent. Conventui autem isti designatum est Palatium Illustrissimi Sagredi, ubi post debita, brevia tamen officia, Dominus Salvatus orsus est in hanc formam.





# GALILÆI GALILÆI

LYNCÆI, ACADEMIÆ  
PISANÆ MATHEMATICI,

*De Mundi Systemate.*

DIALOGUS PRIMUS

*Personæ Colloquentes.*

SALVIATUS, SAGREDUS,  
ET SIMPLICIUS.



ERI convenerat inter nos, ut hodierno die, distinctè, quoad ejus fieri posset, exactèque differeremus, de rationibus naturalibus, earúmque momentis, quæ hætenus ab utraque parte, tum Hypotheos Aristotelicæ Ptolemaicæque faultrice, tum Systematis Copernicani sectatrice, in medium allatæ fuerunt. Et quia Copernicus Terram mobilibus Cæli corporibus annumerat, at proinde Globum eam Planetæ similem constituit, bene fecerimus, si disputationem nostram

*Copernicus  
Terram, globum  
Planetæ  
similem  
constituit.*

A

ordia-

*Substantia  
Caelestes in-  
alterabiles,  
& Elemen-  
tares altera-  
biles, necessa-  
ria in natu-  
ra, ex mente  
Aristotelis.*

*Aristoteles  
Mundum fa-  
cit perfectum  
eò quod tri-  
plici dimen-  
sione constet.*

*Demonstra-  
tiones Ari-  
stotelis tres  
tantum, nec  
plures dimen-  
siones esse.*

*Numerus  
ternarius Py-  
thagoricis  
celebratus.*

ordiamur ab examinando, quæ quantâque vis sit & energia Peripateticæ disputationis in demonstrando, quòd hypothesis ista prorsus sit impossibilis, eò quod omnino necesse sit introducere in natura substantias inter sese diversas, hoc est, Caelestem, & Elementarem; illam impassibilem & immortalem, hanc alterabilem & caducam. Quod quidem argumentum tractat Aristoteles in libris de Cælo, idque primo per discursus, generalibus quibusdam hypothesis innixos insinuat: postmodum experientiâ & specialibus demonstrationibus confirmat. Quem eundem secutus ordinem, eadem illa proponam, subjectâ liberè sententiâ meâ: quam censuræ vestræ, cum primisque Simplicii, tam strenui propugnatoris Aristotelicæ doctrinæ, submitto.

Ac primus quidem gradus Peripatetici progressus is est, quo Aristoteles integritatem perfectionemque Mundi probat ex eo, quod is neque sit simplex linea, nec sola superficies, sed corpus longitudine, latitudine, profunditatēque præditum: cumque demensio- nes non sint plures quàm istæ tres, Mundus autem eas habeat, eum omnes habere, & proinde totum atque perfectum esse concludit. Porrò quòd ad magnitudinem illam simplici longitudine constantem, quæ Linea vocatur, accedente latitudine, fiat Superficies; & additâ insuper altitudine sive profunditate, nascatur Corpus; & ab hac triplici dimensione non detur progressus ad aliam, sic ut tribus solis terminetur integritas, & ut ita dicam, totalitas; id equidem optaverim ab Aristotele mihi demonstratum apodicticis ac necessariis rationibus, maximè cum id clarè satis atque promptè liceat exsequi.

SIMP. Quid ergo deest illis pulcherrimis demonstrationibus in textu 2. 3. & 4. post definitionem Continui? annon isthic habetur primò, quod præter tres dimensiones non sit ulla alia, propterea quod ipsa tria omnia sunt, & ipsum ter omniquaque? & hoc nonne confirmatur auctoritate atque doctrinâ Pythagoricorum, qui asserunt, omnia tribus esse determinata, principio, medio, ac fine, eumque ipsius *Omnis* esse numerum? Et ubi relinquis alteram rationem, quod nimirum, naturæ quadam lege numerus ille ad sacrificia Deorum adhibetur? quòd item, utique dictante sic Naturâ, rebus, quæ numero tres sunt, non autem paucioribus, attribuitur vocabulum *Omnes*? Duo enim *Ambo* quidem dicimus, & duos *Ambos*; *Omnes* autem non dicimus, nisi tres sint. Atque hæc omnis



nis doctrina traditur in textu 2. Postea textu 3. plenioris scientiæ causâ legitur, quod *Omne*, & *Totum* & *Perfectum*, formaliter unum idemque sint, ac proinde solum Corpus inter magnitudines sit perfectum: solum enim ipsum tribus determinatur: hoc autem est *Omne*. Tripliciter autem cum sit divisibile, omniquaque divisibile est. At verò cæterarum magnitudinum alia divisibilis est uno modo, alia duobus. Ut enim numerum adeptæ sunt, sic etiam divisionem, & continuationem: atque ita una magnitudo continua est versus unam partem, altera versus duas: tertia verò, scilicet Corpus, omniquaque continuatur. Præterea textu 4. post quædam exposita, numquid id ipsum aliâ quadam demonstratione probat? scilicet, cum transitio non fiat nisi secundum aliquem defectum (quomodo à lineâ transitur ad superficiem, cum lineâ latitudine careat) & verò impossibile sit, Perfectum deficere; Omniquaque enim est: proinde non datur transitus à Corpore ad aliam magnitudinem. Jam his omnibus locis annon abundè probatum esse videtur, quod ultra tres dimensiones, longitudinem, latitudinem, & profunditatem, non possit fieri transitio ad aliam: & quod proinde Corpus, quippe omnibus illis præditum, sit perfectum?

SALV. Ut verum fatear, hac omni disputatione tuâ non ultrà me constringi sentio, nisi ut concedam, quicquid principium, medium ac finem habet, id posse atque debere dici perfectum: quod autem postea, quoniam principium, medium & finis, Tria sunt, ideo ternarius numerus sit numerus perfectus, & iis rebus, quæ eo numero constat, perfectionem conferendi vim habeat, nullam video rationem quæ me moveat ad id concedendum: nec etiam intelligo, neque credo, quod v. g. ad usum pedum, numerus ternarius magis sit perfectus quàm quaternarius, aut binarius; neque scio, an quaternarius causa sit alicujus imperfectionis in Elementis: & an Elementa perfectiora futura fuerint, si tria tantùm essent. Rectius igitur erat, illo lenocinio ad Rhetores ablegato, propositum demonstratione necessaria confirmare. Sic enim in scientiis apodicticis fieri par est.

SIMP. Tu mihi videris in risum jocumque trahere rationes illas, quæ tamen omnes haustæ sunt è doctrina Pythagoricorum, qui numeris tantam vim attribuerunt: & jam te, qui Mathematicus es, ac ut opinor etiam in multis opinionibus Philosophus Pythagoricus, apparet eorum mysteria contemnere.

*Intellectus  
humanus eo  
quod Numeros  
intelligit,  
divinitatis  
particeps Pla-  
toni.*

*Mysteria  
numerorum  
Pythagori-  
corum fabu-  
losa.*

*De Papyrio  
prætextato  
Gellius 1.23.*


SALV. Numerorum scientiam à Pythagoricis in summo pretio habitam, ipsumque Platonem admiratum esse humanum intellectum, eumque participem existimasse Divinitatis, eâ solâ causâ, quod is numerorum naturam exploratam habeat, equidem optimè novi, nec ab eo iudicio mea quoque sententia discrepat. Quod autem ista mysteria, quorum nomine Pythagoras, ejusque sectatores, numerorum scientiam aded magni fecerunt, illæ ipsæ nugæ sint, quæ vulgi sermones atque chartas implent, ut credam, adduci nullo modo possum. Imò mihi constat, ipsos, ne doctrinæ suæ miracula, contemptui atque contumeliis imperitæ plebis exponerentur, instar sacrilegii duxisse, si quis fuisset ausus in vulgus enunciare magis reconditas proprietates numerorum & quantitatum incomensurabilium & irrationalium ab ipsis investigatarum: eos verò qui hæc talia publicarent, in altero Mundo suppliciiis infernalibus excruciiari prædicabant. Unde crediderim, ex ipsorum grege quempiam, ad pascendam plebeculæ curiositatem, ut molestos interrogatores submoneret, ista levicula, quæ postea in vulgus emanarunt, pro mysteriis suis numeralibus venditasse, eâque in re sagacis illius adolescentis astutiam imitatum esse, qui matri, nescio, an uxori curiosæ, ad prodenda secreta Senatûs importunè sese sollicitanti, pro veris secretis confictam à se fabulam quandam recitavit, unde postea & ipsa, & ceteræ mulieres, risui & ludibrio ejusdem Senatûs expositæ fuerunt.

SIMPL. Equidem nolim eorum numero, qui mysteriorum Pythagoricorum nimis curiosi sunt, accenseri: verum tamen ut proposito nostro inhæreamus, rationes ab Aristotele productas, ad probandum, dimensiones non esse, nec posse esse plures tribus, concludendi vim habere respondeo: nec si qua demonstratio magis necessaria posset adferri, omisurum eam Aristotelem fuisse credo.

SAGR. Adde minimùm, si quam aliam scivisset, aut si qua in mentem ei venisset. Tu verò Salviate, pergratum mihi feceris, si rationem aliquam suppeditaveris evidentem, & ita claram, ut à me comprehendi possit.

SALV. Imò & à te; & à Simplicio ipso: nec comprehendi solùm: verùm etiam quam jam antè sciveritis, etsi fortè non adverteritis, animum. Facilioris intelligentiæ gratiâ, sumamus hanc cum penna chartam, quam in tales usus appositam esse video, & aliquid figuræ


figuræ describamus. Initio notemus hæc duo puncta A, B : & ab uno ad alterum ducamus, tum curvas ACB : ADB, tum rectam AB. Quæro jam ex te, quænam harum, distantiam inter terminos AB, determinare videatur animo tuo, & quare?



*Demonstratio Geometrica trina dimensionis.*

SAGR. Dicerem, id præstare Rectam, non verò Curvas : tum quia recta omnium est brevissima : tum etiam quia unica, sola, & determinata : cum aliæ sint infinitæ, inæquales, & longiores : determinatio verò, meo quidem iudicio, ex eo fieri debet, quod est unum atque certum.

SALV. Ergo lineam rectam habeamus pro determinatrice longitudinis inter duos terminos. Adjungamus nunc aliam rectam, & parallelam ipsi AB, quæ sit CD: sic ut hæc duæ superficiem interjectam comprehendant. Ejus superficiem velim abs te mihi latitudinem assignari, & quidem ex termino A. Quomodo procedes ergo, & quem constitues alterum in linea CD. terminum ad assignandam interjecti inter has lineas spatii latitudinem? an, inquam, determinabis eam ex quantitate curvæ AE, aut rectæ AF, an verò ex aliqua alia?



SIMP. Ex recta AF, & non ex curva : cum à tali usu, curvæ jam fuerint exclusæ.

SAGR. Ego verò nec hanc, nec illam adhiberem, cum appareat, rectam AF. obliquè incedere; sed ducerem lineam, quæ lineæ CD perpendiculariter insisteret. Hæc enim mihi videretur brevissima & unica, ex infinitis majoribus & inter se inæqualibus, quæ ex termino A, ad alia atque alia oppositæ lineæ CD puncta produci possunt.

SALV. Electio tua, cum adducta ratione, perfectissima mihi videtur. Hactenus ergo habemus, quòd prima dimensio determinetur lineâ rectâ, secunda, hoc est, latitudo, aliâ lineâ non solum rectâ: verùm etiam ad angulos rectos insistente alteri longitudinem determinanti : atque ita definivimus duas superficiem di-


mensiones, hoc est, longitudinem & latitudinem. Quod si verò altitudinem, exempli causa, trabis istius, à pavimento pedibus nostris subjecto determinare jubearis: cum ex quocunque puncto trabis, infinitæ lineæ, & curvæ, & rectæ, omnésque diversæ longitudinis, ad infinita subjecti pavimenti puncta duci possint, quamnam ex istis talibus lineis adhiberes;

SAGR. Ego verò de trabe filum appenso plumbo suspenderem, liberéque extentum, proximè in pavimentum demitterem. Hujus fili longitudo, cum sit linea recta, & quidem brevissima omnium quotquot ex eodem puncto ad pavimentum demitti possunt, eam veram hujus conclavis altitudinem esse pronunciarerem.

SALV. Optimè. Quod si ex puncto notato in pavimento à dependente isto filo, (præsupponitur autem pavimentum ad libellam exactum, seu horizontale, non inclinatum) describerentur aliæ duæ rectæ lineæ, una pro longitudine, altera pro latitudine superficiæ ejusdem pavimenti, quosnam angulos illæ cum filo isto continerent?

SAGR. Continerent absque dubio rectos; cum & filum perpendiculare sit, & pavimentum bene complanatum ac horizontale.

SALV. Quod si ergo punctum aliquod statuas caput ac terminum dimensionum, ex eoque deducas rectam lineam, ceu determinatricem primæ dimensionis, hoc est, longitudinis; necessariò altera linea latitudinem definitura, primæ illi ad angulos rectos insistet; & illa denotatrix altitudinis, hoc est, tertix dimensionis, ex eodem progressa puncto, formabit utique cum D reliquis duabus angulos non obliquos, sed rectos: atque ita à tribus perpendicularibus, tanquam à tribus lineis unis, & certis, & brevissimis determinatas habebis tres dimensiones; putà longitudinem AB, latitudinem AC, altitudinem AD.



Et quia perspicuum est, quod in eodem illo puncto non possit alia aliqua linea concurrere, quæ cum istis tribus angulos rectos efficiat: cumque dimensiones à solis lineis rectis inter se rectos angulos efficientibus determinari debeant; ex eo sequitur, dimensiones tribus plures non esse: & quod tres habet, id omnes habere; & quod omnes habet, quaquaversum esse divisibile: quodque tale est, esse perfectum, &c.

**SIMPL.** Equis hoc credat, alias hinc non posse duci lineas; Quidni enim ex inferiori parte liceat aliam describere lineam, ceteris lineis ad punctum A, perpendiculariter occurrentem?

**SALV.** Tu profectò non nisi tres lineas rectas solas, quæ inter se rectos angulos constituent, in eodem puncta committere queas.

**SAGR.** Omnino. Nam illa linea, quam Simplicius innuit, eadem mihi futura videtur cum linea DA, ad partes inferiores prolongata: quo pacto produci quoque possent reliquæ duæ; sed hæ cum primis illis tribus eadem essent, nec ab iis differrent, nisi quod, ut nunc sese solummodo contingunt, tunc etiam secarent invicem: at novam dimensionem non apportarent.

**SIMPL.** Nolo quidem huic tuæ ratiocinationi concludendi vim adimere: sed cum Aristotele certè dixero, in rebus naturalibus non semper esse demonstrationis Mathematicæ necessitatem exigendam.

*In probationibus Physicis accuratio Geometrica requirenda non est.*

**SAGR.** Ita fortè quidem, ubi haberi ea nequit: at cùm est in promptu, quidni adhiberemus illam? Verumtamen rectius fuerit nihil verborum amplius in hanc partem impendere. Credo namque, Salviatum Aristoteli ac tibi vel sine ulla demonstratione concessurum fuisse, Mundum esse Corpus, & esse perfectum, imò perfectissimum, utpote opus Dei maximum.

**SALV.** Sic est revera. Prorsus igitur omisâ generali contemplatione totius, veniamus ad considerationem partium, quarum Aristoteles in prima divisione quas facit, easque inter se diversissimas, ac certo modo contrarias: Cælestem scilicet, & Elementarem illam ingenerabilem, incorruptibilem, inalterabilem, impassibilem, &c. hanc verò continuæ alterationi, mutationique obnoxiam, &c. Quam differentiam à diversitate motuum localium, tanquam ab originario principio petit, ac tali methodo progreditur.

*Partes Mundi dua, Cælestis & Elementaris, juxta Aristot. inter se contraria.*

Exeundo, ut ita dicam, è Mundo Sensibili, seseque recipiendo in Mundum Idealem, orditur architectonicè considerare, quod, cùm natura sit principium motûs, corpora quoque naturalia motu locali mobilia esse conveniat. Declarat postea, motus locales esse trium generum, hoc est, circularem, rectum, & ex recto circularique mixtum. Priores duos vocat simplices, eò quod ex omnibus lineis, sola circularis & recta sunt simplices. Atque hoc loco sententiam suam explicatiùs aliquanto proponens, de novo definit, simplicium motuum unum esse Circularem, hoc est, illum qui fit circa medium;

medium: alterum Rectum, qui sit vel sursum, vel deorsum: sursum quidem à medio, deorsum autem ad medium. Hinc infert, necessariò convenire, ut omnes motus simplices restringantur ad hæc tres species, scilicet *ad medium*, *à medio*, & *circa medium*: id quod pulchra quadam proportione ( inquit ) iis respondet, quæ suprà de Corpore dicta sunt, ipsius quoque perfectionem tribus rebus constare, perinde ac motum.

Porrò confirmatis his motibus, docere pergit, quòd, cum corpora naturalia alia sint simplicia, & alia è simplicibus composita, ( vocat autem corpora simplicia ea, quæ à natura principium motus habent, ut sunt Ignis & Terra ) par quoque sit, ut corporum simplicium motus sint simplices, & compositorum mixti? ita tamen, ut composita sequantur motum partis in compositione prædominantis.

SAGR. Quæso, Salviate, subsiste nonnihil hoc loco. Tot enim undique mihi dubia ex jam dictis occurrunt, ut necesse habeam, aut eadem proponere, si modò his quæ deinceps dicturus es, attentionem præstare velim: aut, si memoria dubiorum servando sit, attentionem ab iis quæ porrò dicturus es, avocare.

SALV. Ego verò lubens subsistam. Experior enim eandem tecum fortunam, ac in singula momenta periclitor excuti cursu, dum inter scopulos ac undas adeò procellosas, erepto mihi Cælo, turbatâque pyxide nauticâ velificandum est. Itaque propone quicquid habes dubiorum, antequam iis major cumulus accedat.

Definitio natura vel imperfecta: vel intempestivè ab Aristotele producta.

SAGR. Statim initio cum Aristotele nonnihil abduxisti me à Mundo sensibili, ut mihi ostenderes Architecturam, quâ fabricandus ille fuerat: & ad gustum meum explicare cœpisti, quòd corpus naturale suâ naturâ mobile sit, eò quod alibi Natura definitur esse principium motûs. Hîc aliquid mihi dubii subortum est, nimirum qua de causa dicere prætermiserit Aristoteles, Corporum naturalium alia esse Mobilia naturâ, & alia Immobilia: liquidem in definitione Naturæ dicitur, illam esse principium Motus & Quietis. Quod si corpora naturalia cuncta motûs principium habent; aut omittenda fuerat in definitione Naturæ mentio Quietis: aut isto loco talis definitio non adducenda.

Helix circa Cylindrum, linea simplex dici potest.

Deinde quod attinet ad declarationem, quid Aristoteles intelligat per Motus simplices, & quomodo spatiis eos determinet, appellando Simples illos, qui fiant per lineas simplices, quales sint Cir-

Cir-

Circularis & recta tantummodò? hæc omnia lubens admitto; nec morosè objicio instantiam de linea Helice circa Cylindrum; quæ cum ex omni parte sit sibi ipsi similis, etiam ipsa lineis simplicibus annumeranda videri queat. Illud verò concoquere non possum, quod video, Simples motus eum ita restringere, (dum aliis verbis easdem definitiones repetere velle videtur) ut illorum unum appellet Motum circa Medium alterum verò sursum ac deorsum: qui termini non usurpantur extra Mundum fabricatum; sed eum præsupponunt non quidem fabricatum, sed jam à nobis habitatum. Quod si motus rectus est simplex ob simplicitatem lineæ rectæ, sique motus simplex est naturalis, quacunque versum ille fiat, hoc est, sursum, deorsum: prorsum, retrorsum: dextrorsum, sinistrorsum: & quacunque differentiam aliam imaginari licet, modò à recto non diversam; oportebit illum competere alicui corpori naturali simplici: sin minus, Aristotelis suppositio manca erit. Apparet insuper, Aristotelem innuere, quod unus tantum in Mundo sit motus Circularis, & per consequens unum solummodo centrum ad quod unicum motus recti sursum deorsumque facti referantur. Omnibus indicijs apparet, hoc Aristoteli propositum esse, ut præstigijs nos circumscribat, & architecturam accommodet ad Mundanam hanc fabricam, non autem fabricam præceptis architecturæ conformet. Quod si dixero, Naturæ hac in universitate mille posse dari motus circulares, & consequentur mille centra; dabuntur quoque mille motus sursum ac deorsum. Præterea constituit, ut dixi, motus simplices, & motum mixtum. appellando simplices, circularem & rectum: mixtum verò, ex his compositum. Corporum verò naturalium alia vocat simplicia (hoc est, illa quæ habent principium naturale ad motum simplicem) alia composita. Porrò motus simplices attribuit corporibus simplicibus, & compositum compositis: sed per motum compositum non amplius intelligit mixtum è recto & circulari, qualis in Mundo adhuc inveniri potest: verum introducit motum mixtum tam impossibilem, quàm est impossibile miscere motus oppositos in eadem linea recta factos, ita ut exinde nascatur aliquis motus, qui partim sursum, partim deorsum fiat. Quam absurditatem impossibilem ut moderetur ac temperet, ad hanc denique descendit assertionem, talia corpora mixta moveri secundum partem simplicem prædominantem. Unde necessariò consequitur,

*Aristoteles  
architectura  
præcepta fa-  
brica mun-  
dana, non  
autem fabri-  
cam præce-  
ptis accom-  
modat.*

B

*Motus recti  
quandoque*

*simplex,  
quandoque  
mixtus, ex  
mente Ari-  
stotelis.*

quod etiam motus factus per eandem lineam rectam, sit aliquando simplex, aliquando compositus, sic ut simplicitas motus non amplius ex simplicitate lineæ solum æstimetur.

SIMP. Quid igitur? an non tibi sufficere videtur hæc differentia, si motus simplex & absolutus multò velocior dicatur eo, qui nascitur ex prædominio? Quantò, quæso, velociore lapsu, puræ terræ frustum quàm ligni frustulum, ad ima descendit?

SAGR. Bene, mi Simplici. Veruntamen sic simplicitas ideo mutanda erit; præterquam quod infinitæ motus mixti species, inde nascentur, tu mihi non poteris determinare motum simplicem: imò, si major minorque velocitas possunt alterare simplicitatem motus, nullum corpus simplex amplius movebitur motu simplici: siquidem in omni motu recto naturali velocitas semper increfcit, & proinde mutat simplicitatem, quæ tamen ob id ipsum quia simplicitas est immutabilis esse debet. Quin hoc amplius, tu novam Aristoteli notam impingis, quod in definitione motus compositi non fecerit mentionem tarditatis aut velocitatis, quam nunc tu ceu necessariam & essentialem definitionis partem exigis. Accedit, quòd ex ista regula tua nihil emolumenti lucraris. Sunt namque mixta corpora, nec ea pauca, quorum alia tardiùs, alia velociùs moventur simplicibus: Exempli causâ, plumbum & lignum respectu terræ: & tamen ex horum motibus, quemnam tu simplicem vocabis, & quem compositum;

SIMP. Utique simplicem illum, qui peragitur à corpore simplici: & mixtum, qui à composito.

SAGR. Optimè profectò. Ecquid ais, Simplici; Paulò antè staturabas, è motu simplici & composito cognosci, quænam sint corpora simplicia, & quæ mixta: jam verò è corporibus simplicibus ac mixtis me vis deducere in cognitionem qualis sit motus simplex, & qualis compositus. Excellens mehercule regula, ut neque motum amplius, neque corpora percipias.

Præterea jam significas, non amplius tibi sufficere majorem velocitatem, sed requiris adhuc tertiam conditionem ad definiendum motum simplicem: pro quo Aristoteles unâ solâ contentus fuit, hoc est, simplicitate spatii: jam verò ex tua sententia motus simplex erit is, qui sit per lineam simplicem, cum certâ determinatâque velocitate, à corpore mobili simplici. Jam esto, sicuti tibi placet, & ad Aristotelem redeamus. Is mihi motum mixtum defini-



nivit illum; qui componitur ex recto & circulari. Sed ita non inuenio corpus ullum, quod naturaliter tali motu mobile sit.

SALV. Revertor igitur ad Aristotelem: qui postquam bene & methodicè suum discursum exorsus esset, sed tamen ad scopum initidè statim animo suo præfixum potiùs oculos intenderet, quàm quò eum progressio recta deductura fuerat; interrumpendo filum, eò per transversum delabatur, ut inferat ceu rem notam ac manifestam, quod motus recti sursum deorsumque naturaliter competant Igni ac Terræ: & quod proinde necessarium sit, ut præter ista corpora, quæ nobiscum sunt, aliud aliquod in natura detur cui motus circularis conveniat: quod quidem corpus tanto sit excellentius, quanto motus circularis motu recto perfectior est. Quantò autem alter altero sit perfectior, hoc ex perfectione linearis circularis præ linea recta determinat, illam appellando perfectam, hanc imperfectam: imperfectam ideo, quia si sit infinita; caret fine ac terminis: si verò finita, quippiam est extra eam, ubi prolongari potest. Hic primus lapis, hæc basis, hoc fundamentum est universæ Mundi Aristotelici fabricæ: huic innituntur omnes ceteræ proprietates, ut gravitate levitatèque carere, esse ingenerabile, incorruptibile, & omnis mutationis expers, excepto motu locali &c. Et omnes hæc passiones affirmat esse proprias corporis simplicis ac mobilis motu circulari: contrarias autem affectiones gravitatis, levitatis, corruptibilitatis, &c. assignat corporibus quæ naturaliter moventur motu recto. Unde, quotiescunque fundamentum hucusque stabilitum, vitio laborare deprehenditur, haud abs re cætera quoque quæ superstructa sunt omnia in dubium vocaveris.

Non nego, Aristotelem ea, quæ discursu generali, à principiis universalibus ac primis dependente, hæctenus introduxit, in progressu postea denuo confirmare rationibus particularibus, & experientis: quas omnes distinctè pensulatèque considerare necesse est. Jam autem, cùm in hæctenus allatis occurrant haud pauca nec exigua difficultates, (& tamen par erat, ut prima principia ac fundamenta, certa, firma, stabilia essent, quo tutius iisdem inædificare liceret) fortè non inconsultum fuerit, antequam dubiorum cumulus augeatur, experiri, num fortè sicut existimo, diversum sectantibus iter, aliam tutiorèmq; viam invenire liceat, & accuratius expensis architecturæ præceptis prima fundamenta stabilire.

*Linea circularis perfecta, secundum Arist. recta verò imperfecta. & quare.*

*Mundum  
perfectè or-  
dinatum esse  
præsupponis  
autem.*

bilire. Seposito itaque nunc Aristotelico progressu, quem suo tempore resumptum sigillatim examinabimus, ajo, in iis rebus, quas proposuit hucusque, cum eo mihi convenire: & concedo, Mundum esse corpus omnibus præditum dimensionibus, & proinde perfectissimum, addo, quod quatenus tale, necessariò sit ordinatissimum, hoc est, partibus summo & perfectissimo ordine inter sese dispositis absolutum. Quam hypothesein nec à te, nec ullo alio negatum iri credo.

SIMPL. Quis hoc negaret; Nam prior pars (de Mundi dimensionibus) Aristotelem ipsum auctorem habet: ejus deinde denominatio (Mundum esse ordinatissimum) non aliunde videtur esse desumpta, quàm ex ordine, quo illo perfectissimo absolvi-  
tur.

*Motum re-  
ctum in  
Mundo bene  
ordinato im-  
possibilem  
esse.*

SALV. Firmato itaque tali principio, nil obstat quin immediatè concludamus, si Mundi corpora integralia suâ naturâ mobilia esse debent, impossibile esse, ut motus illorum sit rectus, aut alius quàm circularis. Manifesta & in promptu ratio est: nam quicquid motu recto movetur, id mutat locum, continuatòque motu, magis magisque dimovetur ab iis unde progressum est terminis, & ab omnibus locis quæ successivè transmittit. Quod si talis motus naturaliter ei competit, sequitur quod à principio non fuerit in suo loco naturali: & proinde partes Mundi non sint ordine perfecto dispositæ. Atqui nos præsupponimus, illas esse perfectè ordinatas: & proinde, quatenus tales, est impossibile, ut naturæ necessitate mutant locum, & per consequens motu recto moveantur. Præterea cùm motus rectus suâ naturâ sit infinitus, eo quod infinita sit & indeterminata linea recta; impossibile est, ut mobile ali-quod à natura principium habeat motûs per lineam rectam, hoc est, in illam partem quò nunquam perveniri potest, cùm nullus ibi præfinitus sit terminus. Et natura, ut Aristoteles ipse rectè dicit, non suscipit illa faciendâ quæ fieri nequeunt: neque motum eò molitur, quò pervenire impossibile est.

*Motus rectus  
sua natura  
infinitus.*

*Impossibilia  
facta non  
tentat natu-  
ra.*

Possit aliquis objicere, quòd, quamvis linea recta, & ex consequenti motus per illam, in infinitum produci possit, hoc est, indeterminatus sit; nihilominus natura suo pte, ut ita dicam, arbitrio, ei certos terminos assignaverit, suisque corporibus naturalibus naturales instinctus, quibus ad illos terminos ferantur, indiderit. Respondeo, fabulari fortè quem posse, quod primum Chaos tale quid passum fue-

*Motus re-  
ctus forsan in  
primo Chao.*

rit,

rit, ubi confuse sineque ordine, materiæ indistinctæ vagabantur: ad quas in ordinem redigendas natura perquam concinnè fuerit usa motu recto: qui motus sicuti bene constituta corpora turbandi, sic pravè disposita rectius ordinandi vim habeat. Sed postquam omnia rectè distributa collocataque sunt, impossibile est, in iis restare naturalem inclinationem, ut moveantur amplius motu recto, quo jam id solum consequerentur, ut suo proprio ac naturali loco exciderent, hoc est, in pristinum Chaos confusionemque redirent. Possumus ergo dicere, motum rectum inservire contrahendæ materiæ ad fabricandum opus: sed jam fabricatum illud, aut immobile manere: aut, si moveatur, circulariter solummodo moveri. Nisi tamen cum Platone statuere malimus, corpora Mundana etiam tum, cum jam fabricata & omnino stabilita essent, aliquandiu, sic ordinante Cenditore, motu recto agitata fuisse; sed postquam ad certa determinatæque loca pervenissent, paulatim in gyrum revolvi cœpisse, motu recto commutatocum circulari, in quo postea perstiterunt, sempérque perstunt. Profunda certè speculatio, & Platone dignissima: de qua memini communem nostrum quoque amicum, Academicum Lynceum, in hunc modum si rectè memini disseruisse. Omne corpus, quacunque de causa constitutum in statu quietis, sed sua natura mobile, libertati suæ permissum, movebitur: ita tamen, ut inclinatione naturali certum ac particularem ad locum feratur. Si enim indifferens ei esset, ad quemcunque ferri locum, utique in sua quiete permaneret: cum non sit ratio; cur in hunc potius quàm illum locum contendat. Cum igitur hanc inclinationem habeat, inde necessariò consequitur, ut motum suum continuè accelerando conficiat: & à motu tardissimo incipiens, non acquirat ullum velocitatis gradum, nisi prius omnes gradus velocitatis minoris, aut si lubet ita dicere, tarditatis majoris, pertransierit. Nam quando excedit è statu quieris, (quæ tarditatis motûs infinitæ gradus est) non est ulla ratio, cur determinatum ejusmodi gradum velocitatis ingredi debeat, antequam minorem subierit; & cur alium adhuc minorem, antequam illum: imò rationi maximè congruum videtur, pertransire prius per gradus viciniores ei, unde exierat & ab his ad remotiores abire. Sed gradus, unde mobile motum suum auspicatur, est summæ tarditatis, hoc est, quietis. Porrò hæc acceleratio motûs non fiet, nisi mobile suo hoc motu quippiam acquirat: non acquirit autem aliud, nisi ut accedat ad locum desideratum, hoc est, ad quem inclinatione naturali trahitur: eò

*Motus rectus accommodatus ad inordinata corpora in ordinem redigenda.*

*Corpora Mundana initio motu recto, deinde circulari motu, secundum Platonem.*

*Mobile constitutum in quiete, non movebitur, nisi habeat inclinationem naturalem ad certum aliquem locum.*

*Mobile motum accelerat, cum ad appetitum locum fertur. Mobile quietem deserens, omnes tarditatis gradus transit.*

*Quies est gradus tarditatis infinite.*

*Mobile motum non accelerat, nisi vicinitatem*

*ad terminum  
acquirat.*

*Natura mobi-  
bili certum  
velocitatis  
gradum in-  
ditura, facit  
id ferri motu  
recto.*

*Velocitas  
uniformis  
motui circu-  
lari convenit.*

*Inter quie-  
tom & quem-  
cumque velo-  
citatibus gra-  
dum interce-  
dunt infiniti  
gradus velo-  
citatibus mi-  
noris.*

*Natura non  
confert im-  
mediatè ter-  
minatum  
gradum ve-  
locitatis, etsi  
id posset.*

*Mobile reli-  
quæ quiete  
pertransit  
omnes gra-*

verò viâ brevissimâ, hoc est, per lineam rectam deducetur. Itaque non sine ratione dici potest, quod natura, mobili alicui primùm in quiete constituto determinatam velocitatem collatura per aliquod tempus, & per aliquod spatium adhibeat motum rectum. His præsuppositis, imaginemur Deum creasse corpus v. g. Jovis, cui talem velocitatem indere constituerit, qualem is postea debeat uniformem perpetuò servare. Cum Platone igitur dicere poterimus, Deum Jovi dedisse ut à principio moveretur motu recto & accelerato: & cum postea certum illum gradum velocitatis attigisset, rectum ejus motum convertisse in circularem, cujus postea velocitatem naturaliter uniformem esse conveniat.

SAGR. Magna cum voluptate te differentem audio, quam futuram credo majorem, ubi difficultatem aliquam mihi submoveris. Ea est, quod non satis capio, cur necesse sit, ut mobile quietem deserens, & motum inclinatione naturali subiens, omnes transeat gradus præcedentis tarditatis, qui inter quemcumque certum velocitatis gradum, & statum quietis, interjecti sunt: qui quidem gradus infiniti sunt, ita ut natura corpori Jovis subito creatum motum suum circularem cum tot illis velocitatum gradibus contribuere non potuerit.

SALV. Non dixi, nec ausim dicere, naturæ ac Deo impossibile esse, velocitatem illam quam dicis, immediatè conferre: sed hoc affirmo, quod id natura de facto non præstet. Si verò præstaret, ea operatio naturæ cursum excederet, ac proinde miraculosa foret.

SAGR. Credis ergo, lapidem relicta quiete, susceptoque motu suo naturali versus centrum Terræ, transire per omnes gradus tarditatis inferiores ad quemcumque gradum velocitatis;

SALV. Credo, imò ita firmiter habeo persuasum, ut tibi quoque citra hæsitacionem id credendi auctor esse possim.

SAGR. Si nullum alium ex hodierno colloquio fructum caperem præter unam hujusce rei cognitionem, satis magnum operæ me prætium fecisse putarem.

SALV. Quoad quidem assequi datur ratiocinationem tuam, pars magna tuæ difficultatis in eo consistit, quòd in uno tempore & quidem brevissimo, transeundi sunt infiniti gradus tarditatis præcedentis quamcunque velocitatem, à mobili in isto tali tempore acquisitam.

Priusquam igitur ad alia progrediar, hunc tibi scrupulum eximere conabor, idque negotio non magno, dummodo noveris, quod mobile transeat quidem per dictos gradus: verùm iste transitus eâ ratio-

ne fiat, ut nullibi moram faciat. Cùm autem transitus non plus unico temporis momento desideret, quantulumcunque verò temporis spatium infinita momenta contineat; itaque non deerit, unde affignemus suum cuique de infinitis gradibus tarditatis, quantumvis tempus exiguum fuerit.

*aus velocitatis, sic ut nulli immoretur.*

SAGR. Hucusque dicta bene capio. Sed interim hoc mihi mirum videtur, quod ista sphaera tormentalia (talem enim pro mobili cadente mihi propono) quamvis adeo præcipiti cursu descendat, ut minori quàm quod decem arteriæ pulsibus respondet tempore plusquam ducentos cubitos altitudinis emetiatur, tamen in hoc suo cursu cùm tam exiguo velocitatis gradu conjuncta fuisse deprehendatur, ut si in eo gradu permanens motum nihilo magis accelerando continuasset, ne die quidem integro spatium hoc emensura fuerit.

SALV. Imò ne integro quidem anno, dixeris, nec decem annis, nec vel mille, id quod persuadere tibi conabor, fortè nihil contradicturno nonnullis simplicibus quæstionibus quas tibi proponam. Itaque dicito mihi, numquid dubites concedere, sphaeram hanc in suo descensu majorem subinde velocitatem ac impetum acquirere.

SAGR. Id quidem habeo persuasissimum.

SALV. Quod si dicam, impetum in quocunque motus ejus loco acquisitum, tam esse concitatum, ut sufficiat ad sphaeram reducendam in eam unde exierat altitudinem, an & hoc concedes;

SAGR. Concedam absque contradictione, cum hac limitatione tamen, si sphaera absque ullo impedimento totum suum impetum applicare possit ad illam solam operationem, seipsum, aut aliud quippiam sibi æquale reducendi ad eandem altitudinem. Id quod fieret, si terra perforata esset per hoc foramen demitteretur. Persuasum enim habeo, fore, ut illa sphaera centrum prætercurrat, tantundem spatii in ascensu, quantum antea in descensu conficiens. Atque hoc experientia confirmat accidere in pondere aliquo quod è fune dependet. Nam si illud à perpendiculo suo, qui status quietis ejus est, removeatur, & postea libertati suæ relinquatur, remeabit ad illud perpendiculum, idque transmittet ad idem cum priore, aut certe tanto minus intervallum, quanto per aërem, aut funem, aut alia obstacula fuerat impeditum. Idipsum etiam in Aqua conspicitur, cujus per siphonem ascensus descensui est æqualis.

*Mobile grave descendendo acquirit, eum impetum, quò illi ad eandem altitudinem reducendo sufficiat.*

SALV. Tu exactè differis. Et quia novi, te non hæsitanter hoc largiri, quod incrementum ipsius impetus fiat elongatione à termino unde


unde mobile digreditur, & appropinquatione ad centrum quo motus progreditur; dubitâsne concedere duo mobilia æqualia, licet per diversas lineas descendantia, sine ullo tamen impedimento, æquale sui impetûs incrementum capere, sic ut appropinquatio ad centrum sit æqualis?

SAGR. Non rectè quæstionem assequor.

SALV. Descriptâ figurâ melius explicabo mentem meam. Esto linea A B Horizonti parallela.

Ex puncto B, excitabo perpendicularem BC. Has denique jungam inclinâtâ C A.

Jam concipiamus lineam CA esse planum inclinatum, exquisitè politum ac durum, per quod descendat sphaera perfectè rotunda, materiâ du-



rissimâ constans; decidat item similis alia libero motu per perpendicularem C B. Jam quæro, num concedas, quod impetus sphaeræ descendens per planum C A, postquam illa terminum A, attigerit, æqualis esse possit impetui acquisito ab altera in puncto B. post casum per perpendicularem C B.

*Impetus mobilium æqualiter à centro distantium sunt æquales.*

SAGR. Hoc affirmare non dubito. Nam revera ambæ sphaeræ centro æqualiter appropinquarunt: & per jam concessa à me, illorum impetus æqualiter sufficient ad ipsas in eandem altitudinem reducendas.

SALV. Jam dicito mihi, quid factura tibi videtur eadem illa sphaera, horizontali plano A B incumbens?

SAGR. Quiescet utique, cùm planum istud inclinatione careat.

SALV. Sed per planum inclinatum C A descenderet, etsi motu lentiore, quàm per perpendicularem C B.

SAGR. Etiam hoc ipsum concedere nihil dubitarem, nisi necessarium esse videretur, ut motus per perpendicularem C B velocior sit quàm per inclinatam C A. Quod si ita est, quomodo igitur per inclinatam descendens, & punctum A attingens, tantum impetum, hoc est, talem gradum velocitatis obtinere poterit, qualem & quantum habebit ea quæ per perpendicularem decidit in puncto B? Istæ duæ propositiones contradictoriæ videntur.

*Velocitas per planum inclinatum*

SALV. Multo minus ergo credibilia putabor affirmare, si dixero, quòd velocitates per perpendicularem & per inclinatam descendentium

tium, absolutè sint æquales. Et hæc tamen propositio tam certa est, quàm illa quoque, quæ affirmat, quod descendens per perpendicularem velocius moveatur, quàm per inclinatam.

SAGR. Hæc propositiones mearum aurium iudicio contradictoriæ sunt: numquid & tuarum, Simplici?

SIMP. Mihi idem videtur.

SALV. Tu me ludis, opinor, dum simulas, ea te non capere, quæ me rectiùs intelligis. Ergo dic mihi, Simplici, quando mobile aliquod altero velocius esse cogitas, quidnam animo tuo concipis?

SIMP. Concipio, unum mobile majus altero spatium in eodem tempore conficere: aut spatium æquale, sed minori tempore.

SALV. Optimè. Sed de mobilibus æquè velocibus, qui mentis tuæ conceptus est?

SIMPL. Concipio, quod æquali tempore spatium æquale transmittant.

SALV. Et nihil præterea?

SIMPL. Hæc mihi videtur esse propria definitio motuum æqualium.

SAGR. Quin adjiciamus amplius alteram illam, scilicet, Velocitates æquales etiam appellari, quando transmissa spatia habent eandem proportionem cum temporibus, quibus transmissa sunt: eritque definitio magis universalis.

SALV. Sic est: nam comprehendit æqualia spatia transmissa temporibus æqualibus, atque etiam inæqualia transmissa temporibus inæqualibus, sed proportionalibus ad ipsa spatia. Redi nunc ad eandem figuram, & applicando conceptum tuum de motu velociore, dic mihi, quare velocitas decidentis per  $CB$ , major sit velocitate descendentis per  $CA$ .

SIMPL. Opinor ideo, quia dum decidens emetitur totam lineam  $CB$ , in eo tempore descendens emetitur de linea  $CA$  partem aliquanto minorem quàm  $CB$ .

SALV. Sic est, atque hinc elucescit, mobile moveri velocius per perpendicularem quàm per inclinatam. Nunc considera, num in eadem illa figura deprehendi quodammodo possit etiam alterius conceptus tui veritas, & ostendi, quod mobilia sint æquè velocia in utraque linea  $CA$ ,  $CB$ .

SIMPL. Ego nihil hinc tale deprehendo: quin potius existimo hæc esse contradictoria.

*aqualis est  
velocitati per  
lineam per-  
pendicula-  
rem: & mo-  
tus per per-  
pendicula-  
rem velocior  
est motu per  
inclinatam.*

*Velocitates  
dicuntur æ-  
quales, cum  
spatia conse-  
cta tempori-  
bus sunt pro-  
portionalia.*

SALV. Et tu Sagrede, quid sentis; Nolim equidem illud docere te, quod tute novisti, & cujus mihi jam modò definitionem supeditasti.

SAGR. Adducta à me definitio sic habet, mobilia æquè velocia dici posse, quando spatiorum ab iis confectorum eadem est proportio, quæ temporum, in quibus ea confecerunt. Quæ definitio si in præsentis casu locum habere deberet, necesse esset,

tempus descensus per CA, ad tempus casûs per CB, habere eandem proportionem, quam habet eadem linea CA ad CB. Sed non intelligo quomodi id fieri queat, ut nihilominus interim motus per CB sit velocior motu per CA.


SALV. Et tamen adigam te ut intelligas. Age dic mihi, motus isti numquid continuè accelerando fiunt?

SAGR. Omnino: sed acceleratio major est in perpendiculari quam in inclinata.

SALV. Atquæ acceleratio ista in perpendiculari si comparatur cum acceleratione per inclinatam, ita sese habet, ut acceptis duabus partibus æqualibus in quocunque loco linearum istarum, perpendicularis & inclinatæ, motus in parte perpendicularis semper sit velocior, quàm in parte inclinatæ.


SAGR. Nego hoc: imò potero spatium inclinatæ sumere, in quo velocitas multo sit major, quàm in altero æquali spatio lineæ perpendicularis: idque fiet, si spatium in perpendiculari sumatur vicinum termino C in inclinata verò remotissimum ab eo.

SALV. Vides ergo, quod propositio, motum in perpendiculari, multò quàm in inclinata velociorem asserens, non sit universaliter vera, nisi de iis motibus, qui incipiunt à primo termino, hoc est, à quiete: qua conditione omissa, propositio adeo deficeret, ut etiam ejus contradictoria posset esse vera, hoc est, motum in inclinata velociorem esse quàm in perpendiculari: siquidem verum est, quod in inclinata possimus accipere spatium à mobili transmissum in minori tempore, quàm huic æquale spatium transmissum in perpendiculari. Porrò cum motus per inclinatam in aliquibus locis velocior sit, in aliis





aliis minus velox, quàm per perpendicularem; igitur in aliquibus locis inclinatae tempus motus ipsius mobilis ad tempus motus alterius mobilis per aliqua loca lineae perpendicularis, habebit majorem proportionem quàm transmissum spatium ad alterum spatium, & in aliis locis proportio temporis ad tempus erit minor proportione spatii ad spa-




tium. Exempli causâ. Duo mobilia exeant è quiete, hoc est, ex puncto C unum per perpendicularem CB, & alterum per inclinatam CA. Eo tempore, quo unum mobile totam perpendicularem CB transmisit, alterum mobile confecit minus spatium CT, ac proinde tempus motus per CT ad tempus per CB, (quod ei est æquale) majorem proportionem habebit quàm linea TC ad CB: siquidem eadem linea ad minorem habet majorem. Et per oppositum, si in linea CA productâ quantum est necesse, sumatur pars æqualis ipsi CB, sed breviori tempore transmissa; tempus inclinatae ad tempus ipsius perpendicularis haberet proportionem minorem, quàm quæ sit spatii ad spatium. Si igitur in inclinata & in perpendiculari possumus intelligere spatia & velocitates tales, ut proportionibus inter ipsa spatia sint & minores & majores proportionibus temporum; haud absque ratione concedere quoque possumus, ibidem esse spatia, per quæ motuum tempora retineant eandem proportionem, quàm ipsa spatia.

SAGR. Jam sentio magnum mihi scrupulum exemptum, & percipio, non solum esse possibile, sed etiam necessarium id quod mihi contradictorium videbatur. Interim tamen nondum intelligo, quod ullus istorum casuum possibilium aut necessariorum, sit is ipse quo in præsentia opus est nobis, sic ut verum sit, quod tempus descensus per CA ad tempus casus per CB habeat eandem proportionem quàm linea CA ad CB: unde absque contradictione dici queat, quod velocitates per inclinatam CA, & per perpendicularem CB sint æquales.

SALV. Acquiesce nunc in eo, quod præstiti, ne tibi hæc incredibilia viderentur: scientiam autem alio tempore tradendam expecta,

pecta, nimirum quando res demonstratas videbis ab Academico nostro circa motus locales: ubi demonstratum animadvertes, quod eo tempore dum mobile decidit per totam lineam  $CB$ , alterum mobile descendat per  $CA$ , usque ad punctum  $T$ , in quod incidit perpendicularis ducta ex puncto  $B$ . Quod si placeat investigare, quoniam in puncto lineæ perpendicularis iuveniatur illud ipsum mobile decidens, dum alterum descendens attingit punctum  $A$  ducatur ex  $A$  perpendicularis ad lineam  $CA$  occurrens prolongatæ lineæ  $CB$  & punctum concursus erit id ipsum quod quæritur. Interea vides esse verum, quod motus per lineam  $CB$  sit velocior quàm per inclinatam  $CA$ , (ponendo terminum  $C$  pro principio motuum quos inter se comparamus.) Nam lineam  $CB$  major est lineam  $CT$ , & altera lineam à  $C$  usque ad concursum perpendicularis ex  $A$  ductæ, insistentisque ipsi  $CA$ , major est lineam  $CA$ , & proinde motus per illam velocior est quàm per  $CA$ : sed quando comparamus motum factum per totam lineam  $CA$  non cum toto motu, factum in eodem tempore per prolongatam perpendicularem, sed cum eo qui factus est in parte temporis per solam partem  $CB$ , nihil obstat, quin mobile per  $CA$  continuato descensu ultra  $T$  possit in tali tempore pervenire ad  $A$ : ut, qualis proportio deprehenditur inter lineas  $CA$ ,  $CB$ , talis sit etiam inter ipsa tempora. Jam ut ad primum propositum nostrum redeamus, quo monstrabatur, mobile grave, quietem exuens, descendendo transire per omnes gradus tarditatum præcedentium, ad quemcunque gradum velocitatis acquisitæ, resumamus eandem figuram, & memoriâ repetamus, inter nos convenisse, quod decidens per perpendicularem  $CB$ , & descendens per inclinatam  $CA$ , in terminis  $BA$ , æquales velocitatis gradus acquisivisse inveniuntur. Ut jam ulterius progrediamur, opinor, haud gravatè te mihi concessurum, quod super alio plano minus elevato quàm  $A$   $C$ , quale fuerit, exempli causâ,  $DA$ , motus descendens esset adhuc multò tardior quàm in plano  $CA$ . Unde minimè dubitandum est, notari posse plana adèò parum elevata supra horizontem  $AB$ , ut mobile, hoc est, illa ipsa sphaera, in quantumvis longissimo tempore perventura sit ad terminum  $A$ . ad quem per planum  $BA$ , ut perveniat, ne quidem infinitum tempus sufficit: motumque tantò semper tardiozem fieri, quantò minor est plani declivitas. Necessariò itaque fatendum est, posse supra terminum  $B$  punctum accipi, ipsi  $B$  tam propinquum, ut educto inde ad punctum  $A$  plano,

sphaera



C sphaera illud ne quidem anno integro transfret. Porro scias oportet, impetum, hoc est, gradum velocitatis, quem sphaera ad punctum A degressa acquisivisse apprehenditur.

ita sese habere, ut si sphaera motum suum in eodem gradu uniformiter, hoc est, sine acceleratione aut retardatione, continuaret; æquali tempore quanto emensa est planum inclinatum, confectura sit duplum ad longitudinem inclinati plani spatium. Hoc est (exempli causâ) si sphaera confecisset planum DA unâ horâ; continuando motum uniformiter in illo gradu velocitatis quem in termino A fuit adeptâ, conficeret unâ horâ spatium duplum longitudinis DA: cumque (sicuti dicebamus) gradus velocitatis acquisiti in punctis B A à mobilibus, quæ exeunt à quocunque puncto accepto in perpendiculari C. B, quæque descendunt, unum per planum inclinatum, & alterum per ipsam perpendicularem, semper sint æquales? ideoque mobile decidens per perpendicularem, potest exire à termino tam propinquo ipsi B, ut gradus velocitatis acquisitus in B, non sufficeret (si semper idem maneat) ad conducendum mobile per spatium duplum longitudinis plani inclinati, uno anno, nec decem, nec adeò centum. Possumus ergo concludere: si verum est, ordinario naturæ cursu, mobile, remotis omnibus impedimentis externis & accidentariis, moveri super plana inclinata tardius tardiusque, prout inclinatio decreverit, ita ut tarditas illa tandem reducatur ad infinitum, quod fit, cum finitur inclinatio, & redigitur in planum horizontale: pariterque si verum est, quod gradui velocitatis acquisito in quocunque puncto plani inclinati, sit æqualis ille gradus velocitatis, quem per perpendicularem decidens obtinet in puncto sectionis lineæ horizonti parallelæ ex isto plani inclinati puncto descripto? necessariò quoque concedendum erit, quod mobile decidens, dum exit è quiete, transeat per omnes infinitos tarditatis gradus, quodque per consequens, ad acquirendum determinatum velocitatis gradum opus sit, ut moveatur primò per lineam rectam, descendendo per breve aut longum spatium, prout veloci-

locitas acquirenda debet esse minor majorve, & prout planum per quod descendit, minus aut magis est inclinatum: Ita ut planum dari possit inclinatione tam exigua, ut ad acquirendum talem velocitatis gradum opus sit prius motu per longissimum spatium, & in longissimo tempore? sic ut in plano horizontali nulla quantulacunque velocitas naturaliter acquiratur amplius, quandoquidem mobile non amplius ibi movebitur: sed motus per lineam horizontalem, quæ neque deprimitur, nec assurgit, est motus circularis circa centrum. Ideoque motus circularis nunquam acquireretur naturaliter absque præcedente motu recto: sin autem acquisitus jam fuerit uniformi verocitate perpetuò continuabitur. Horum veritatem pluribus declarare, atque etiam demonstrare possem: sed nolo digressione adeo proluxa, principale nostrum colloquium interrumpere: potius alia quapiam occasione eò revertemur: maximè cum in hunc sermonem delapsi simus, non ut ea ceu necessaria demonstratione uteremur, sed ut illustraremus conceptum quendam Plonicum: cui aliam quandam eamque mirabilem Academici nostri observationem adjungam. Fingamus, Architectum divinum decrevisse in Mundo creare globos istos, quos continuo motu in gyrum volvi cernimus, & fixum conversionum illis attribuisse centrum, in eoque Solem immobilem collocasse, postea fabricasse dictos globos omnes in eodem loco, atque inde movendi sese iisdem inclinationem indidisse, sic ut versus centrum delabantur usque dum acquisiverint illos velocitatis gradus, quos eidem divinæ menti visum esset: quibus acquisitis, in gyrum actos fuisse in suo quemque circulo, retinendo jam conceptam velocitatem. Quæritur, quanta altitudine atque distantia à Sole fuerit ille locus, ubi primò creati fuerint isti globi: & an fieri possit, ut omnes in eodem loco creati fuerint. Ad hoc investigandum, à peritis Astronomis petendæ sunt magnitudines circularum in quibus planetæ revolvuntur, pariterque tempora revolutionis eorum: qua duplici cognitione discitur, quantum, verbi gratia, motus Jovis sit velocior motu Saturni: & si deprehendamus quod res est, Jovem velocius moveri, colligimus inde, quod, cum ex eadem altitudine delapsi essent, Jupiter adhuc ulterius descenderit quàm Saturnus: id quod etiam reverà sic esse scimus, cum Orbis ejus orbe Saturni sit inferior. Ut autem progrediamur ulterius, ex proportione Jovis atque Saturni velocitatum inter se, & è distantia inter illorum orbes, eque proportione accelera-

*Motus circularis non potest unquam acquiri naturaliter absque præcedente motu recto.*

*Motus circularis perpetuò uniformis.*

*Magnitudo orbium, & velocitas motuum plane-*

lera.

lerationis motus naturalis, inveniri potest, quanta fuerit illius loci, unde initio delapsi sunt, altitudo atque distantia à centro revolutionis eorum. Quo invento & firmato, investigatur, an Martis inde usque ad suum Orbem delapsi, magnitudo Orbis, & velocitas motus, cum eo quod calculus eis assignat, convenient. Idem fit de Terra, Venere, & Mercurio, in quibus magnitudines circulorum, & velocitatis motuum, ad calculum (res miranda) quam proximè accedunt.

SAGR. Summa cum voluptate percepi contemplationem illam tuam: ac nisi putarem, ista præcisè supputare velle, longum nimis operosumque, & fortè difficilior esse quàm ut à me capi possit, non omitterem id ipsum abs te contendere.

SALV. Operatio certè prolixa est atque difficilis, & haud scio an inventu satis mihi prompta. Reservabimus igitur in aliam occasionem, & nunc revertemur ad primum nostrum propositum, ea repetita parte, à qua digressi sumus. Si rectè memini, fuimus in eo, ut ostenderemus, motum per lineam rectam non posse ullum usum præstare in partibus Mundi bene dispositi: & dicere pergebamus, non idem accidere de motibus circularibus, in quibus is qui sit à mobili in seipsum, semper ipsum retinet in eodem loco: is verò, qui per circumferentiam circuli, circa centrum stabile & fixum, ipsum mobile circumagit, nec sui ipsius, nec vicinorum ordinem turbat. Nam talis motus primùm est finitus & terminatus, imò sine terminòque caret: cùm in circumferentia nullum detur punctum quod non primus simul & ultimus sit circumgyrationis terminus. Deinde cum in assignata sibi circumferentia continuetur, quicquid & intra & extra illam est, id alienis usibus liberum relinquit, absque impedimento aut confusione ulla. Hic talis motus cùm id præstet, ut mobile semper & recedat à termino & ad eum redeat; primum ipse solus esse potest uniformis: quandoquidem acceleratio motus fit in mobili, quando id fertur ad terminum inclinatione naturali desideratum: retardatio autem accidit per repugnantiam, qua illud ipsum agrè discedit ac removetur ab eodem termino. Et cùm in motu circulari mobile semper discedat à termino naturali, eundemque semper repetat; in eo itaque repugnantia & inclinatio semper æqualem vim habent: à qua æqualitate provenit nec retardata velocitas, hoc est, ipsius motus uniformitas. Ex hac uniformitate terminata sequi potest continuatio perpetua, reiterata semper cir-

*variorum respondet proportionabiliter descensui ex eodem loco.*

*Motus circulares finiti, & terminati, partes Mundi non perturbant.*

*In motu circulari, nunquamque circumferentia punctum & principium & finis.*

*Motus circularis solus uniformis.*

*Motus circularis perpetuo continuari potest.*

*Motus rectus non potest naturaliter esse perpetuus.*

*Motus rectus, corporibus naturalibus attributus, ut ea perfectò ordini, cum eo exciderint, restituat.*

*Sola quies, & motus circularis, apti sunt ad conservationem ordinis.*

*Experimenta sensu capta, ratiocinationibus humanis anteponenda.*

*Sensum negant, eo privari mereantur.*

*Sensus ipse monstrat, gravia moveri ad medium, & levia ad cavum.*

cumgyratione, quæ in linea interminata, & in motu continuè retardato aut acceleratiò, naturaliter inveniri non potest: dico, naturaliter: quia motus rectus, si retardatur, violentus est, & proinde perpetuus esse non potest: si acceleratur, necessariò pervenit ad terminum, si quem habet: & si nullum habet, etiam eò moveri non potest. Natura enim non movet eò quò pervenire impossibile est. Ex his concludo: solum motum circularem posse naturaliter convenire corporibus naturalibus Universum integrantibus, & in optima dispositione constitutis: rectum autem, si plurimum largiamur, assignatum esse à natura corporibus & eorum partibus, quotiescunque extra loca sua in prava dispositione constituta esse, & proinde reductione ad statum naturalem per viam brevissimam indigere deprehenduntur. Unde satis rationabiliter concludi posse videtur, ad conservandum perfectum inter Mundi partes ordinem esse necessarium, ut mobilia motu circulari tantum ferantur: & si quæ sunt, quæ eo carent, illa necessariò esse immobilia: cum præter quietem & motum circularem, nihil ac conservationem ordinis aptum invenitur. Et mihi sanè permirum videtur, Aristotelem, qui tamen globum terrenum in centro Mundi collocatum, ibique immobiliter hærentem facit, non etiam dixisse, quod corporum naturalium alia sint mobilia per naturam, & alia immobilia; maximè cum Naturam motus & quietis principium esse jam ante definiverit.

SIMP. Aristoteles, ut is qui perspicacissimo licet ingenio suo non tamen plus quàm par erat permetteret, eam tenuit in philosophando rationem, ut existimaret experientiam sensu nixam, ante ponendam esse cuicunque ratiocinationi ingenii humani, ac diceret, eos qui sensum negarent, hanc mereri pœnam, ut eodem sensu priventur. Jam quis ita cæcutit, ut non pervideat, partes Terræ & Aquæ, quippe graves, moveri naturaliter deorsum, hoc est, versus centrum Universi, quod natura ipsa motus recti deorsum facti finem ac terminum constituit: qui item non videat, Ignem & Aërem moveri sursum, rectâ versus concavum Orbis Lunaris, tanquam ad motus sursum facti terminum naturalem? Quæ cum adeò manifestè cernamus, cumque certi simus, eandem esse rationem totius & partium, quidni veram hanc propositionem ac manifestam esse dicemus, quod motus Terræ naturalis sit rectus ad medium; & ipsius Ignis, rectus à medio;

SALV. Vigore ratiocinationis hujusce tuæ, si, quoad ejus fieri potest,

potest, plurimum tibi concedamus, hoc unum evincere potes, quod, quemadmodum partes Terræ avulsæ à suo toto, hoc est, à loco suo naturali, hoc est, (nam id denique sequitur) ad pravam & inordinatam dispositionem reductæ, ad locum suum ultrò redeunt: sic etiam (concesso quod eadem sit ratio totius & partium) inferri possit, globum terrestrem, loco suo naturali, vi quadam excussum, eò reversurum esse per lineam rectam. Hoc nimirum est, uti dixi, quod unum, si vel maximè liberales atque faciles esse velimus, tibi concedi potest. Ceterum si quis hæc ipsa rigidiùs excutere vellet, primò negaret tibi, quod partes Terræ, totum suum repetentes, moveantur per lineam rectam, & profectò satis difficile tibi fuerit, contrarium demonstrare: sicut apertè cognosces ex responsionibus ad rationes & experientiam particularem à Ptolemæo & Aristotele adductam. Deinde si quis alius affirmaret, partes Terræ moveri, non ut Mundi centrum petant, sed ut reduniantur cum suo toto, eaque de causa ipsas habere naturalem inclinationem versus centrum globi terreni, quâ inclinatione conspirent ad formandum illum atque conservandum; ecquodnam aliud totum, quod aliud Mundo centrum inventurus esses, ad quod integer globus terrenus inde excussus, reditum quæreret, ut ratio totius & partium esset eadem? Adde, quod nec Aristoteles, neque tu, unquam probabitis, Terram esse reipsa in Universi centro collocatam: sed si quidem Universo centrum aliquod assignari potest, Solem potius ibi locatum inveniemus, ut in progressu cognosces.

Jam sicut ex concordia omnium Terræ partium ad formandum suum totum conspersione sequitur, illas partes undiquaque isthuc æquali inclinatione concurrere, & ut quoad fieri potest maximè uniantur, in sphericam formam coalescere; quidni credibile quoque sit, Lunam, Solem, & cetera corpora mundana, ipsa quoque non aliâ de causa figuram obtinere rotundam, quàm instinctu concordia, & concursu naturali partium ex quibus componuntur omnium? quorum si quando aliqua, vi quapiam à suo toto separetur, annon rationi consentaneum est credere, ultrò & naturali instinctu ipsam eò reversuram; & hoc modo concludere, motum rectum æqualiter omnibus corporibus mundanis competere?

SIMP. Non est ullum dubium, te, cum non modo principia scientiarum, sed manifestam experientiam, ipsòsque sensus, audeas negare, nunquam convinci posse, nec ab ulla opinione concepta dimo-

D

veri.

*Gravia descendunt, dubium est, an moveantur motu recto.*

*Terra spherica est per conspersionem partium ad suum centrum. Sol probabilius collocatur in Universi centro, quàm Terra.*

*Cuncta partes omnium globorum mundanorum inclinatione naturali revertuntur ad sua centra.*

*Motus gravium rectus sensu comprehenditur.*

*Argumentum Aristotelis, probans, ideo moveri gravia, ut ferantur ad centrum Universi.*

*Gravia moventur ad centrum Terra per accidens.*

*Vanum est investigare, quid ex impossibili sit secuturum.*

*Corpora caelestia neque gravia sunt, neque levia, secundum Aristotelem.*

*Aristoteles, fallaciam committere non potest, cum Logica sit inventor.*

veri. Acquiescam itaque potius eò quia contra negantes principia disputandum non est, quàm persuasus momentis rationum tuarum. Et ut inhæreamus à te modò pronuntiatis (siquidem ipsum quoque motum gravium in dubium vocas, an sit rectus nec ne) ullàne ratione probabili negare potes, partes Terræ hoc est, materias gravissimas, versus centrum motu recto descendere, si demittuntur ex altissima turri, parietibus rectissimis & ad perpendicularum extructis constante, sique turrim lambunt, ut ita dicam, & in terra feriunt id ipsum punctum ad unguem, quod à perpendicularo in illo ipso præcisè loco, unde saxum demittitur, suspenso, designatur? Nunquid hoc argumentum plusquam evidens est, illum motum rectum esse, & versus centrum tendere? Secundò loco vocas in dubium, an partes Terræ moveantur, ut Aristoteles affirmat, ad Mundi centrum; quasi verò non conclusivè hoc demonstraverit per motus contrarios, dum in hunc modum argumentatus est: Motus gravium motui levium, contrarius est. Atqui motus levium, ut apparet, directè sursum tendit, hoc est, versus circumferentiam Mundi. Ergo motus gravium rectà tendit versus centrum Mundi: fitque per accidens, ut tendat versus centrum Terræ, cum ista centra fortuitò coincidant. Investigare postea velle, quid factura sit pars globi Lunaris aut Solaris, à suo toto avulsæ, id verò vanissimum est: quæreretur enim id quod esset secuturum ex præsupposito quodam impossibili. Nam, ut Aristoteles quoque demonstrat, corpora caelestia sunt impatibilia, impenetrabilia & infrangibilia: sic ut ille casus nunquam dari possit: & si vel maximè daretur, sique pars separata rediret ad suum totum; non rediret tamen ut gravis aut levis: quandoquidem idem Aristoteles, corpora caelestia neque gravia neque levia esse probat.

SALV. Quàm non sine ratione dubitem, an gravia moveantur per lineam rectam & perpendiculararem, id audies, ut modò dixi, quando particulare istud argumentum examinavero. Quod ad alterum caput, mirosequidem, opus esse, ut ille tibi paralogismus Aristotelicus, qui tamen per se tam manifestus est, detegatur: nec animadvertere te, quod Aristoteles præsupponat id quod est in quæstione. Et audi tamen.

SIMP. Quæso, Salviate, honorificentius aliquantò de Aristotele loquere. Cui namque tu persuadere poteris unquam, illum ipsum, qui primus, unicus & admirabilis exitit auctor explicatorque formæ Syllogisticæ, Demonstrationis, Elenchorum, modorum cognoscendi



scendi Sophismata & Paralogismos, atque adeo Logicæ universæ; postea gravem aded commisisse fallaciam, ut id quod in quæstione est, pro noto supponeret? Vos ô mei, necesse est, ut perfectè prius intelligamus Aristotelem, ac tum demum in eo impugnando vires nostras experiamur.

SALV. Eo fine, mi Simplici, familiare colloquium hoc inter nos est institutum, ut veritatem investigemus. Ego sanè nunquam tibi succensebo, si detexeris errores meos. Quod si mentem Aristotelis non sum assecutus, modò liberè me reprehendas, & gratiam à me feres. Interim hoc mihi concedito, ut, quæ me dubia, quæ difficultates urgeant, exponam, & ut ad postrema quoque verba tua de Philosophiæ instrumento Logica nonnihil respondeam. Sanè sicuti fieri potest, ut artifex aliquis excellat in conficiendis musicis instrumentis, qui tamen artis iisdem canendi sit imperitus: ita quoque magnus dari potest Logicus, sed qui Logicâ parum uti noverit, non secus ac multi reperiuntur, qui poëticam universam mente ac memoriâ complectuntur; interim nec quatuor versiculos feliciter componere sciunt: alii cuncta Vinci præcepta in numerato habent, at ne quidem scabellum pingere possunt. Organo canere non discitur ab iis, qui facere sciunt Organa, sed qui ipsi canere iis sciunt. Poëtica facultas è frequenti lectione poëtarum hauritur: pingendi scientia, assiduè delineando pingendoque comparatur: demonstrandi notitia lectione librorum demonstrationibus plenorum acquiritur, quales sunt foli Mathematici, & non Logici. Jam ut ad propositum redeamus, ajo, Aristotelem in motu corporum levium hoc solum vidisse quòd Ignis ex quocunque superficiei terreni globi loco excedens, altum rectâ petat: & hoc revera est, moveri versus circumferentiam majorem eâ quæ terram ambit. Imò Aristoteles ipsum Ignem ferri facit ad concavum Lunæ. Quod autem postea talis circumferentia sit eadem quæ Mundi, aut ei concentrica, sic ut moveri versus eam, sit moveri versus Mundi quoque circumferentiam, id verò non potest affirmari, nisi præsupponatur, quod centrum Terræ, à quo videmus ascendentia levia discedere, sit idem cum centro Mundi, atque ided quod globus terrenus Mundi centrum occupet. Atqui hoc ipsum est, de quo dubitabamus, & quod Aristoteles probandum suscepit: & ain' tu non esse manifestum hunc Paralogismum?

SAGR. Argumentum illud Aristotelis, etiam alio defectu laborare,

*Paralogismus Aristote-*

*telis, in probando, Terram in centro Mundi constitutam esse.*

*Paralogismus Aristotelis alia ratione detegitur.*

re, nec concludendi vim habere mihi visum fuit, utut ei concederetur, circumferentiam quam rectâ petit Ignis, illam ipsam esse, quæ Mundum amplectitur. Nam si intra circulum, non modò centrum ipsum, sed quodlibet aliud punctum accipiamus, unumquodque mobile, quod inde per lineam rectam, versus quamcunque partem procedit, absque ullo dubio circumferentia petet, continuatòque motu, illam etiam assequetur: sic ut verissimè dicatur, illud moveri versus circumferentiam: at non verè dixeris, id mobile, quod per easdem lineas motu contrario fertur, ad centrum contendere, nisi acceptum punctum sit ipsum centrum, aut motus fiat per eam solam lineam, quæ à dato puncto producta, centrum petranseat. Itaque si quis dicat: Ignis motus rectâ petit Mundi circumferentiam: Ergo partes Terræ, quæ per easdem lineas moventur motu contrario, petunt centrum Mundi; hæc inquam conclusio non valet, nisi præsupponamus, lineas motûs Ignis prolongatas transire per centrum Mundi: cumque de iis certò sciamus, quod transeant per centrum Terræ (quippe superficiæ terrenæ perpendiculares, non inclinatæ) ut igitur inferatur conclusio, præsupponendum est, centrum Terræ esse idem cum centro Mundi: vel certè, partes Ignis atque Terræ non ascendere neque descendere, nisi per unam solam lineam, centrum Mundi transeuntem, id quod postea falsum est, & experientiæ repugnat, qua docemur, partes ignis non per unam solam lineam, sed per infinitas quaquaversum à centro Terræ productas, semper per lineas ad superficiem terreni globi perpendiculares ascendere.

SALV. Tu verò Sagrede, perquam ingeniosè ad idem absurdum deducis Aristotelem, apertam Fallaciam ei monstrando. Sed addas oportet aliud absurdum. Videmus Terram esse sphericam, & proinde centrum habere suum, ad quod omnes ejus partes ferri cernimus, Sic enim dicere necesse est, cum motus earum omnes sint perpendiculares ad superficiem terrenam: intelligimus etiam, quòd appetendo Terræ centrum, moveantur ad suum totum, & ad matrem suam universalem: & tamen adedò faciles postea sumus, ut persuaderi nobis sinamus, eas instinctu naturali ferri non versus Terræ centrum, sed versus Universi centrum, quod nescimus tamen ubi sit, neque an sit: quodque, si maximè detur, aliud nihil est, nisi punctum imaginarium, atque adedò nihilum, omni facultate destitutum.

*Rationabilius affirmari probatur, quod gravia tendant ad centrum Terræ, quam ad centrum Universi.*

Quod

Quod ad ultimum Simplicii pronunciatum attinet, quod scilicet vanum sit contendere, num partes Solis, aut Lunæ aut alterius corporis cælestis, à suo toto separatæ, naturaliter ad id redituræ sint, eò quod casus ille sit impossibilis, cum constet ex Aristotelis demonstrationibus, corpora cælestia esse impatibilia, impenetrabilia, impartibilia &c. Respondeo, nullam conditionum, per quas Aristoteles corpora cælestia ab Elementaribus discriminat, aliud habere fundamentum, præter id quod ex diversitate motuum naturalium utriusque deducitur: adeò quidem, ut negato, motum circularem tantum cælestibus corporibus competere, & affirmato, eum omnibus corporibus naturalibus mobilibus esse communem, per necessariam consequentiam inferatur, attributa illa generabilitatis aut ingenerabilitatis, alterabilitatis aut inalterabilitatis, partibilitatis, aut impartibilitatis, &c. æqualiter communiterque convenire omnibus corporibus Mundanis, hoc est, tam Cælestibus quàm Elementaribus: aut Aristotelem malè ac per errorem ea deduxisse à motu circulari, quæ corporibus cælestibus assignavit.

*Conditiones  
& attributa,  
quibus cælestia  
corpora  
differunt ab  
elementari-  
bus, depen-  
dent a moti-  
bus qui iis as-  
signantur ab  
Aristotele.*

SIMPL. Hæc philosophandi ratio tendit ad subversionem totius philosophiæ naturalis, & ad confusionem concussionemque Cæli, & Terræ, ac totius Universi. Verumtamen habeo persuasum, fundamenta Peripateticorum esse tam firma, ut metuendum non sit, ne novæ ex illorum ruina scientiæ exædificentur.

SALV. Tu verò jam omitte de Cæli, vel & Philosophiæ subversione sollicitudinem. Nam quod ad Cælum, frustra times ei, quod ipsemet inalterabile & impatibile judicas. Quod ad Terram, nos nobiliorem illam perfectiorémque reddere satagimus, dum eam corporibus cælestibus similem facere laboramus, & quod ammodo collacare in Cælo, unde vestris à philosophis exterminata fuit. Quin ipsa Philosophia nostris è disputationibus non nisi beneficium recipit. Nam si vera proponimus, nova ad eam accessio fit: sin falsa, refutatione eorum sententiæ priores tanto magis stabilientur. Tu potius suscipe curam aliquorum, ut eos adjuves atque sustineas, quàm ipsius scientiæ, quæ non potest nisi in melius provehi. Et ut revertamur ad nostrum propositum: liberè producito quicquid occurrit ad confirmandam summam differentiam, quam constituit Aristoteles inter corpora Cælestia & partem Elementarem, dum illa facit ingenerabilia, incorruptibilia, inalterabilia, &c. hanc verò corruptibilem, alterabilem, &c.

*Disputatio-  
nes & con-  
tradictiones  
Philosopho-  
rum, ad phi-  
losophiam  
ipsam ampli-  
ficandam  
conducere  
possunt.*

*Disputatio  
Aristotelis ad  
probendam  
incorruptibi-  
litatem cali.*

*Generatio &  
corruptio  
tantum est  
inter contra-  
ria, secun-  
dum Arist.  
Motui circu-  
lari nullus  
alius est  
contrarius.  
Calum Deo-  
rum immor-  
talium habi-  
saculum.  
Immutabili-  
tas cali,  
sensibus  
comprehensa.  
Probat motui  
circulari ni-  
hil esse con-  
trarium.*

SIMP. Nondum equidem videre possum, ullis auxiliis opus esse Aristoteli, cum adhuc firmus & integer insistat pedibus: imò la-cessitus saltem à vobis, nedum de gradu dejectus fuerit. Quis autem erit in hoc assultu primo pròpugnator vester? Scribit Aristoteles: Quicquid generatur, id fit ex contrariis in certo subjecto, paritèrque in certo subjecto à contrario in contrarium corrumpitur: ita ut (quod bene notandum) generatio & corruptio non detur nisi inter contraria. Atqui contrariorum motus quoque sunt contrarii. Si ergo corpori Cælesti non potest attribui contrarium, eò quod motui circulari nullus motus alius contrarius sit, sequitur naturam optimè fecisse, eximendo à contrariis id, quod ingenerabile & incorruptibile esse debebat. Hoc primo stabilito fundamento, per expeditam consequentiam infertur, idem etiam esse inaugmentabile, inalterabile, impatibile, ac denique æternum, adeoque habitationem Diis immortalibus convenientem, ex opinione cunctorum etiam hominum qui in diis aliquem sensum habent. Idem postea confirmatur ex sensu: siquidem in omni præteritorum temporum memoria, nunquam traditum aut compertum fuit, ullam vel in toto Cælo ultimo, vel in aliqua ejus parte propria mutationem accidisse. Quod deinde motui circulari nullus sit alius contrarius, id multis modis probat Aristoteles, quas repetere omitto: sufficiat hæc aperta demonstratio: quia motus simplices non sunt plures quam tres: ad medium, à medio, & circa medium: quorum quo recti sursum & deorsum, sunt manifestè contrarii: cumque unum uni tantum sit contrarium, non restat igitur alius motus, qui circulari contrarius esse possit. Ecce tibi ratiocinationem Aristotelis accuratissimam, qua incorruptibilitas Cæli firmiter concluditur.

SALV. Ista verò nihil sunt amplius, quàm ipsissimus ille à me jam indicatus Aristotelis progressus, in quo quotiescunque tibi nego; motum quem corporibus Cælestibus attribuis, non competere etiam Terræ, nihil eo concluditur. Ajo itaque motum illum circularem, quem Cælestibus corporibus assignas, convenire quoque Terræ: ex quo, si modò reliqua tua ratiocinatio concludendi vim habet, unum horum trium sequetur, ut paulò antè dictum est, & jam tibi repeto: hoc est, ut aut terra etiam sit ingenerabilis & incorruptibilis, sicuti corpora Cælestia: aut ut corpora Cælestia non minus ac Elementaria: sint generabilia, alterabilia &c. vel denique ut ista differentia motum nihil ad generationem corruptionemque

que pertineat. Discursus Aristotelis ac tuus multas propositiones continet, quæ non temerè concedendæ sunt. Quas quo melius examinare possimus, operæ pretium fuerit, eas ad liquidum perducere, ac distinctè quoad fieri potest, proponere. Velim autem ignoscat mihi Sagredus, si fortè non sine tædio audiverit easdem res sæpius à me repeti: cogitetque, publicis in circulis disputantium ita moris esse, ut repetendo assumantur opponentium argumenta. Ais, generationem & corruptionem non fieri, nisi ubi sint contraria: contraria autem non esse, nisi inter corpora simplicia naturalia, mobilia motibus contrariis: motus contrarios esse tantùm illos, qui fiunt in lineis rectis inter terminos contrarios: horum motuum esse duo tantùm genera: scilicet à medio, & ad medium, quæ non aliis corporibus naturalibus, nisi Terræ, Igni, ac reliquis duobus Elementis conveniant. Ergo (infern) generatio & corruptio nulla nisi inter Elementa datur. Et quia tertius motus simplex, hoc est circularis circa medium, non habet contrarium (nam contrarii sunt ceteri duo: & unum uni tantùm est contrarium) ergo corpus illud naturale, cui is motus competit, contrario vacabit, & proinde erit in generabile, & incorruptibile, &c. Siquidem ubi nulla contrarietas, ibi neque generatio est, neque corruptio, &c. Atqui talis motus competit solummodò corporibus Cælestibus: Ergo ea sola sunt ingenerabilia, incorruptibilia, &c. Ac initio, mihi videtur haud paullo facilius esse, persuadere sibi, quod Terra, corpus vastissimum, nobisque propter vicinitatem tractabilissimum, moveatur motu maximo, qualis esset revolutio in seipsam, spatio 24. horarum, quàm intelligere, sibi que persuadere, quòd generatio & corruptio fiant à contrariis, imò quod generatio, & corruptio, & contraria, sint in rerum natura. Quod si tu mihi, Simplici, posses ostendere modum operationis Naturæ in generandis brevissimo tempore sexcentis culicibus vinariis è musti exiguo fumo, ac monstrare, quænam sint ibi contraria, quid & quomodo corrumpatur, pluris te facerem quàm facio: nam ego quidem nihil horum intelligo. Præterea cognoscere desidero, quomodo & qua de causa contraria ista corruptiva tam benefica sint erga cornices, tam immitia verò erga columbas, rursus adeo cervis propitia, & equis inimica, ut his ne totidem quidem septimanas, quot illis annos vitæ, hoc est incorruptibilitatis largiantur. Persicæ, & oleæ, radices agunt in eodem solo, iisdem frigoribus caloribusque sunt expositæ, iisdem obnoxia pluviis, ven-

*Creditu faci-*  
*lius est, Ter-*  
*ram moveri,*  
*quàm corrup-*  
*tionem fieri*  
*à contrariis.*

tis, & in summa contrarietatibus iisdem: & tamen illæ brevi tempore occidunt: hæ centenos aliquot annos vivunt. Insuper nunquam bene capere potui transmutationem istam substantialem, ( sic ut maneamus semper in puris terminis naturalibus ) per quam aliqua materia ita transformetur, ut necessariò dicendum sit, illam totaliter esse destructam, sic ut nihil de priori ejus essentia remaneat, & aliud corpus ab illa diversissimum inde producat: at verò ut corpus aliquod sese mihi offerat sub certo aspectu, & paulo post sub alio diverso aspectu, id mihi fieri posse videtur per simplicem partium transpositionem, sine nova ullius rei generatione vel corruptione, tales namque Metamorphoses quotidie nostris oculis obversantur. Itaque ut revertar ad respondendum tibi, si tu mihi persuadere voles, Terram non posse moveri circulariter, argumento à corruptibilitate & generabilitate ducto, haud paulo plus tibi negotii incumbet, quàm mihi, qui argumentis non parum difficilioribus, sed non minus firmis tibi contrarium probabo.

SAGR. Da quæso, salviatè, veniam interrumpenti sermonem tuum, quo sicuti valde delector, quippe iisdem constrictus difficultatibus: ita dubito, num, nisi principali materiâ nostrâ penitus ommissâ, ad finem perducere eundem queamus. Itaque si liceret ad primum nostrum discursum redire, consultum judicaverim, illam de generatione & corruptione quæstionem alii separato justòque colloquio reservare, id quod etiam, si tibi Simplicitateque videtur, in progressu colloquii subnascentibus fieri potest, quas memoriâ servatas seponam interim, ut alio die proponantur, ac minutim examinentur. Jam quod ad præsentia attinet, cum tu dicis, si negetur Aristoteli, motum circulaem non competere Terræ, sicut aliis corporibus Cælestibus, inde sequi, quod attributa Terræ generabilitas, alterabilitas &c. æquè Cælo quoque convenient, in medio relinquamus hoc, an generatio & corruptio sint vel non sint in natura: & ad investigationem globi terreni nos recipiamus.

SIMPL. Non possum secundis auribus accipere, nec æquo animo pati, ut in dubium vocetur, an generatio & corruptio sint in natura, cum ea res nunquam non oculis nostris objiciatur, de eaque quos justos libros scripserit Aristoteles. Sed si quis principia scientiarum negare velit, & res probari posse, & propugnari quodcunque paradoxum. Quod si tu non quotidie vides generari corrumpique herbas, plantas, animalia, quid ergo vides aliud? Quomodo late

*Simplex partium transpositione corpora sub diversis aspectibus representare potest.*

*Negatis scientiarum principiis, quodcunque liber paradoxon defendi potest.*

se te posset, contrarietatis perpetuâ inter sese pugna committi, & mutari Terram in Aquam, Aquam converti in Aërem, Aërem in Ignem, ac iterum Aërem in nubes, in pluvias, grandines tempestatesque condensari?

SAGR. Nos verò hæc utique videmus, & propterea volumus tibi concedere ratiocinationem Aristotelis, quoad hanc partem generationis & corruptionis à contrariis factæ. Sed si per easdem illas propositiones Aristoteli concessas ostendero, cælestia corpora non minus ac Elementaria, esse generabilia & corruptibilia, quid tum dices?

SIMPL. Dicam, fecisse te quæ factu sunt impossibilia.

SAGR. Dic mihi, Simplici, numquid affectiones istæ sunt inter se contrariæ?

SIMPL. Quas ais affectiones?

SAGR. En illas: Alterabile, inalterabile? patibile, impatibile; generabile, ingenerabile; corruptibile, incorruptibile.

SIMPL. Omnino maximè contrariæ sunt.

SAGR. Cùm hoc ita sit, & interim verum quoque sit, quod corpora Cælestia sint ingenerabilia & incorruptibilia, inde probo, necessario corpora Cælestia esse generabilia & corruptibilia.

SIMP. Hoc verò non potest non esse Sophisma quoddam.

SAGR. Audi prius argumentum, ac dein demum ei nomen indito, idemque solvito. Corpora Cælestia cùm sint ingenerabilia & incorruptibilia, per naturam habent sua contraria, quæ sunt corpora generabilia & corruptibilia. Jam autem ubi est contrarietas, ibi est generatio & corruptio. Ergo corpora Cælestia sunt generabilia & corruptibilia.

SIMP. Nonne dixi tibi, nil aliud quàm Sophisma hoc esse posse? Est illud ex eo cornutorum argumentorum genere, quæ Soritæ dicuntur. Quale est Cretensis cujusdam illud, qui dicebat, omnes Cretenses esse mendaces. Unde, cum ipsemet Cretensis esset, Cretenses mendaces dicendo, mendacium dicebat. Ergo necesse est, Cretenses esse veridicos: & per consequens, idem ille Cretensis est veridicus: & propterea, Cretenses mendaces dicendo, verum dixit: & comprehendendo seipsum tanquam Cretensem, eundem necesse est esse mendacem. Atque hoc genere sophismatis in infinitum, sine conclusione ad idem regyrando, proceditur.

SAGR. Tu nomen hæcenus argumento tribuisti: nunc id solvas oportet, & fallaciam ostendas.

E

SIMP;

*Corpora Cælestia eo ipso sunt generabilia & corruptibilia, cùm sint ingenerabilia & incorruptibilia.*

*Argumentum cornutum, quod aliàs Soritæ dicitur.*

*Inter corpora  
caelestia non  
est contra-  
rietas.*

SIMP. Id verò præstabo: nunquid autem vides initio manifestam contradictionem? Corpora Cælestia sunt ingenerabilia & incorruptibilia: Ergo corpora Cælestia sunt generabilia & corruptibilia. Deinde contrarietas non est inter corpora Cælestia, sed inter Elementa, quæ habent contrarietatem motûs sursum & deorsum, itemque levitatis & gravitatis: Cæli verò, qui circulariter moventur, cui motui nihil contrarium est, contrarietate carent, proindeque sunt incorruptibiles, &c.

*Contraria  
qua sunt  
caussa corru-  
ptionis, non  
residens in  
illo ipso cor-  
pore quod  
corrumpitur.*

SAGR. Pace tuâ, Simplici: Contrarietas illa per quam dicis aliqua corpora simplicia esse corruptibilia, num residet in ipso corpore quod corrumpitur: an ad aliud aliquod relationem habet? Quæro, exempli causâ, num humiditas illa, per quam pars Terræ corrumpitur, in ipsa Terra resideat, an vero in alio aliquo corpore, cujusmodi foret Aër, aut Aqua? Credo te responsurum, quemadmodum motus sursum & deorsum, itemque gravitas ac levitas, quæ tu prima contraria facis, non possunt esse in eodem subjecto; ita quoque nec humidum & siccum, calidum & frigidum. Oportet igitur ut concedas, quando corpus corrumpitur, id fieri per qualitatem contrariam in alio aliquo corpore existentem. Ea propter corpus Cæleste corruptibile faciamus, sufficit esse in natura corpora, cum Cælesti corpore contrarietatem habentia: talia autem sunt Elementa: si modò verum est, corruptibilitatem incorruptibilitati contrariam esse.

*Corpora Cæ-  
lestia tan-  
gunt Ele-  
menta; sed  
non vicissim  
ab iis tan-  
guuntur.*

SIMP. Ego verò nego, hoc sufficere. Elementa alterantur & corrumpuntur, quia sese contingunt & miscentur invicem, atque ita contrarietatem suam exercere possunt. At corpora Cælestia separata sunt ab Elementis, à quibus ne tanguntur quidem, etsi ab iisdem tanguntur Elementa. Si vis probare generationem & corruptionem in corporibus Cælestibus, oportet ut demonstrâtes, contrarietates in illis residere.

SAGR. Ecce, hoc ipsum demonstrabo. Primus fons, ex quo contrarietates Elementorum hauris, est contrarietas motuum illorum sursum ac deorsum. Oportet igitur, ut contraria quoque sint invicem illa principia, unde motus isti dependent: cumque unum sit mobile sursum propter levitatem, alterum deorsum propter gravitatem; necesse est, ut levitas & gravitas sint inter se contrariæ: nec minus credendum est, etiam illa principia esse contraria, quæ causa sunt, ut unum sit grave, & alterum leve. Atqui vestra ipsorum ex sententiâ levitas & gravitas proficiscuntur à raritate & densitate.



tate. Erunt igitur densitas raritasque contrariæ. Quæ affectiones utque aded reperuntur in corporibus Cælestibus, ut ipse statuas, nihil aliud esse Stellas, nisi densiorem orbis sui partem. Quod si sic habet, oportet ut densitas Stellarum infinito quasi intervallo superet densitatem reliquarum Cæli partium. Quod ex eo manifestum est, quia Cælum summè transparent, & Stellæ summè sunt opacæ: item quia suprâ non inveniuntur aliæ qualitates, quàm major minorve densitas aut raritas, quæ majoris, aut minoris transparentiæ principia esse possint. Cum ergo tales contrarietates inter corpora Cælestia dentur, necesse est, ipsa quoque esse generabilia & corruptibilia, eodem illo modo quo corpora Elementaria: aut certè contrarietatem non esse causam corruptibilitatis &c.

SIMP. Nec hoc, nec illud necessarium: nam densitas & raritas in corporibus Cælestibus non sunt inter se contrariæ, sicut in corporibus Elementaribus: quia non dependent à primis qualitatibus, calido & frigido, quæ contrariæ sunt: sed à multa vel pauca materia in proportionè ad quantitatem. Jam verò multum & paucum habent solummodo relativam oppositionem, quæ oppositionum minima est, cui cum generatione & corruptione nihil negotii intercedit.

SAGR. Igitur ad asserendum, quod densitas & raritas in Elementis sit causa gravitatis & levitatis, unde procedant motus contrarii sursum ac deorsum, ex quibus postea dependeant contrarietates pro generatione & corruptione, non sufficit, ut sint ex eo densitatis aut raritatis genere, quod sub eadem quantitate, vel potius mole, multam vel paucam materiam contineat: sed est necessarium, ut densa & rara sint beneficio primarum qualitatum, frigidi scilicet & calidi: alias nihil confieret. Verumtamen si hæc ita sint, Aristoteles nos decepit: nam à principio id monere, ac scriptum relinquere debebat, illa corpora simplicia esse generabilia & corruptibilia, quæ mobilia sunt motibus simplicibus sursum ac deorsum, dependentibus à levitate & gravitate, productâ à raritate, & densitate, quam efficiat multa & pauca materia vi caloris & frigoris: non autem oportebat eum inharere simplici motui sursum & deorsum. Nam hoc tibi confirmo, ut corpora gravia & levia reddantur, unde postea motibus contrariis mobilia fiant, sufficere qualemcunque densitatem & raritatem, sive à calore illa nascatur, sive à frigore, aut undecunque tibi placuerit. Nam calori & frigori nihil in hac operatione negotii est.

*Gravitas & levitas, raritas & densitas, sunt qualitates contrariae. Stellarum densitas reliqui Cæli substantiam infinite superat.*

*Raritas & densitas corporum celestium diversa est à raritate & densitate Elementorum.*

*Aristotelis defectus insignanda causa, cur Elementa sint generabilia & corruptibilia.*

Et videbis, ignitum ferrum, quod utique calidum appellari potest, tantundem pendere, eodémque modo moveri, ac frigidum. Sed ut etiam hoc mittamus, unde nosti tu, quod rarum densumque Cæleste non dependeant à frigido & calido?

SIMP. Id inde scio, quia tales qualitates non inveniuntur in corporibus Cælestibus, utpote quæ calida & frigida non sunt.

SALV. Video nos iterum ingredi pelagus immensum, unde nupiam exitus pateat. Hæc enim navigatio sine nauticæ pyxidis aut stellarum regimine, sine remis atque gubernaculo suscipitur; unde necessariò vel de scopulis in scopulos jactabimur, aut vadis obhærebimus, aut perpetuo fluctuabimus nec momentum de salute certi. Quod si verò juxta tuum consilium in nostra principali materia progredi lubet ulterius, opus est, ut sepositâ nunc illa generali consideratione, an motus rectus sit necessarius in natura, & aliquibus corporibus conveniat, accedamus ad demonstrationes, observationes, & experientiam singularem, proponendo primum omnia illa, quæ ab Aristotele, à Ptolemæo, & ab aliis hucusque fuerunt adducta ad probandam Terræ stabilitatem: deinde eadem solvendo: denique producendo ea, quibus persuaderi quis possit, Terram non minus ac Lunam, aut alium Planetam, corporibus naturalibus circulariter mobilibus annumerandam esse.

SAGR. Ego tanto lubentius hoc sequar, quanto magis acquiesco architectonico & generali tuo discursu, quàm Aristotelico illo: siquidem tuus ille sine offensione ulla satisfacit animo meo: at alter ad omnem gradum objecto aliquo obstaculo in transversum abripit. Ac nescio, quid obtiterit, ut Simplicius non è vestigio tuæ rationi assenserit, adductæ ad probandum, motum per lineam rectam non posse habere in natura locum, si modò præsupponamus, Universi partes optimâ constitutione dispositas, & perfectè ordinatas esse.

SALV. Subsiste, quæso, Sagrede. Jam enim in mentem venit modus quo satisfieri Simplicio queat, dummodo non ita strictè quibuscunque pronuntiatis Aristotelicis adhæreat, ut sacrilegium committere sibi videatur, si ab illorum sibi videatur, si ab illorum ullo sejungat opinionem suam. Neque verò dubium est, ad servandum optimam dispositionem ordinemque partium Universi perfectum, quoad localem situationem, nihil accommodatius invenire motu circulari & quiete. Motus verò per lineam rectam, non video cui rei servire possit alii, nisi ut particulam aliquam è corporum integralium aliquo, per accidens ali-

quod

quod avulsam, & à suo toto separatam, naturali constitutioni suæ restituat, uti suprâ dicebamus.

Consideremus nunc totum globum terrestrem, & videamus, quomodo is comparatus esse debeat, si & ipse, & cætera Mundana corpora in optima & naturali dispositione conservanda sint. Necessè est ut dicamus, Terram manere conservarique perpetuo immobilem in suo loco: aut in eodem loco manentem, in seipsam revolvi; aut circa centrum aliquod per circuli circumferentiam agitari. Quorum accidentium primum, hoc est, perpetuam in eodem loco quietem, & Aristoteles, & Ptolemæus, omnesque sectatores eorum, Terram & servasse semper, & in æternum servaturam esse perhibent. Cur ergo, per Deum immortalem, asserere vetamur, quod naturalis ejus affectio sit, immobilem esse potius, quàm naturaliter sursum ferri; quo motu tamen ipsa neque mota fuit unquam, neque movebitur? Et quod ad motum per lineam rectam, concedamus eam naturam uti ad reducendas in totum suum particulas Terræ, Aquæ, Aëris, Ignis, omnisque mundani corporis integralis, si qua illarum, aliquo casu inde separata, & proinde in locum convenientem alienumque translata fuerit. Nisi tamen ad hanc quoque restitutionem motus aliquis circularis accommodatior inveniatur. Meo quidem judicio, hæc primaria positio multo melius respondet, etiam Aristotelis ipsius methodum sequendo, omnibus aliis consequentiis, quàm si motum rectum tanquam intrinsicum & naturale principium Elementorum attribuamus. Id quod inde manifestum est: quia, si quæram ex Peripatetico, cum corpora Cælestia statuat incorruptibilia & æterna, num ergo credat, globum terrenum non etiam esse talem, sed corruptibilem & mortalem, sic ut aliquando venturum sit tempus, in quo, Sole, Luna, ceterisque stellis essentiam suam operationesque continuantibus, Terra non amplius inveniatur in Mundo, sed cum omnibus ceteris Elementis destruat & in nihilum redigatur? certò scio, responsurum esse negando, quamvis corruptio, & generatio detur in partibus, & non in toto, & quidem in partibus minimis ac superficialibus, quæ quasi sunt insensibiles in comparatione molis universæ. Et cum Aristoteles generationem corruptionemque deducat à contrarietate motuum rectorum, relinquamus tales motus partibus, quæ solæ alterantur & corrumpuntur: integro verò globo & spheræ Elementorum attribuamus aut motum rectum, aut perpetuam in loco proprio quietem:

*Aristoteles  
& Ptolemæus  
globum terre-  
strem ponunt  
immobilem.*

*Quies potius  
quam motus  
rectus sur-  
sum globo  
terrestri na-  
turalis dici  
debet.*

*Motus rectus  
potiori ratio-  
ne partibus  
quam inte-  
gris elemen-  
tis attribui-  
tur.*

quæ quidem affectiones ad perpetuam continuationem & stabilimentum ordinis perfecti solæ sunt idoneæ.

*Peripatetici minus ratiōnabiliter assignant Elementis, pro naturalibus motibus eos, quibus nunquam moventur: & pro præternaturalibus eos, quibus semper moventur.*

*Experimenta sensu capta ratiocinationibus humanis anteponenda sunt.*

Quod de Terra dicitur, id simili ratione de Igne, deque majore Aëris parte dici potest: quibus Elementis, eò Peripatetici considerunt ut assignent pro intrinseco & naturali motu talem, quo neque mota sunt unquam, neque movebuntur: contra, verò, motum eorum non naturalem appellant, quò & moventur, & mota sunt, & perpetuò movebuntur. Assignant enim Aëri & Igni motum sursum, quo neutrum istorum Elementorum unquam fuit motum, sed eorum solummodò particulæ, idque non alio fine, quàm ut extra locum naturalem constitutæ, constitutioni suæ perfectæ redderentur. E contra iisdem præternaturalem appellant motum circulare, quo tamen agitantur incessabiliter, obliti quodammodo ejus, quod sapius inculcavit Aristoteles, nullum violentum esse diuturnum.

SINPL. Ad omnia hæc objecta responsiones habemus accommodatissimas, quas nunc omitto, progressurus ad rationes specialiores experientiãque sensu nixam, quæ tandem, ut bene monet Aristoteles, omnibus iis, quæ humana ratiocinatione subministrari possunt, anteponi debet.

SAGR. Servemus igitur hucusque dicta, cùm jam à nobis hæc sit suscepta consideratio, uter ex duobus generalibus discursibus plus probabilitatis habet, Aristotelis inquam, ad persuadendum nobis, naturam corporum sublunarium esse generabilem & corruptibilem &c. eoque diversissimam ab essentia corporum Cælestium, quippe impatibilem, ingenerabilem, incorruptibilem, qui quidem discursus deducitur à diversitate motuum simplicium: an verò alter ille Salviati, qui præsupponendo Mundi partes integrales optimã constitutione dispositas per necessariam consequentiam excludit à corporibus simplicibus naturalibus motum rectum, utpote in natura inutilem, existimãtque, Terram ipsam quoque inter corpora Cælestia referendam, & quæ his conveniunt prærogativis omnibus exornatam esse. Qui quidem discursus hucusque longè plus quàm alter ille mihi arrisit. Itaque Simplicium oro, ne producere gravetur omnes speciales rationes, experientias & observationes tam naturales, quam astronomicas, quibus aliquis persuaderi possit, Terram esse diversam à corporibus Cælestibus, collocatam in centro Mundi, & quicquid præterea suadet, ne illam ad instar alicujus Planetæ, puta Jovis, aut Lunæ, & mobilem statuamus. Salviatus autem pro sua

fua humanitate sigillatim ad argumenta respondere dignabitur.

SIMPL. Ecce tibi principio validissimas duas demonstrationes ad probandum, Terram Cælestibus corporibus quàm maximè differre. Prima: Corpora generabilia, corruptibilia, alterabilia, &c. diversissima sunt ab ingenerabilibus, incorruptibilibus, inalterabilibus, &c. Atqui Terra est generabilis, corruptibilis, alterabilis, &c. & corpora Cælestia sunt ingenerabilia, incorruptibilia, inalterabilia, &c. Ergo Terra diversissima est à corporibus Cælestibus.

SAGR. In primo argumento, cibum hoc toto die appositum, & jam modò de mensa sublatum, denuò proponis.

SIMPL. Bona verba, domine: cognosce cetera, & videbis, quantum inter se differant. Nam in altero Minor probata fuit à priori: jam verò eandem probare volo à posteriori. Cave hæc eadem esse dixeris. Minoris ergo veritatem (nam Major est manifestissima) sensuum experientia demonstrat. Hoc modo in Terra fiunt continuæ generationes, corruptiones, alterationes, &c. quarum nulla unquam neque sensu nostro, nec traditione memoriave majorum in Cælo deprehensa fuit. Ergo Cælum est inalterabile, &c. Terra alterabilis, &c. proindeque à Cælo diversa.

*Cælum est immutabile, cum in eo nunquam observata sit ulla mutatio.*

Secundum argumentum à principali & essentiali accidente desumo, estque tale: Id corpus, quod sua natura est obscurum, & luce privatum, diversum est à corporibus luminosis & resplendentibus. Atqui corpora Cælestia sunt splendida, lucèque plena. Ergo, &c. Respondeatur ad hæc, ne nimis multa accumulentur: & postea plus argumentorum adducam.

*Corpora lucida per naturam diversum sunt à tenebrosis.*

SALV. Quod ad primum, cui valorem, ad experientia concilias, velim aliquanto distinctiùs mihi producas alterationes, quas in Terra, non item in Cælo fieri vides, ob quas Terram alterabilem, & Cælum contrà vocas.

SIMPL. Video in Terra continuè generari & corrumpi herbas, plantas, animalia: suscitari ventos, pluvias, tempestates, procellas: & in summa Terræ faciem hancce Metamorphosi perpetuâ mutari: quarum mutationum nullam unquam quisquam observavit in corporibus Cælestibus, quorum constitutio ac situs exactissimè conformis est omni retrò memoriæ; cum nulla unquam res ibi vel è veteribus corrupta fuerit.

SALV. Sed ut acquiescere possis hisce visibilibus, aut ut rectius dicam, visis experièntiis, necesse est, ut Chinam & Americam pro-

corporibus Cælestibus habeas. Nam & isthic profectò nullas unquam alterationes observasti, quales hîc in Italia conspicis: ita ut ex tua ratiocinatione illæ partes Orbis & ipsæ sint inalterabiles.

SIMP. Quamvis alterationes illas coràm ipse non senserim in istis locis: inde tamen illatæ narrationes dubio carent. Præterea, cum eadem sit ratio totius & partium, quandoquidem illæ regiones ipsius Terræ partes sunt non minus ac nostræ, necesse est, ut non minus etiam sint alterabiles ac istæ.

SALV. Et cur tu potius ad alienas narrationes credendas remet adstringis, quàm ut propriis illas terras oculis usurpes?

SIMP. Præterquam enim quod illæ non sunt oculis expositæ nostris, tanto etiam intervallo distant, ut visus noster ad similes mutationes observandas eò minimè pertingat.

SALV. Vides jam, accidisse forte fortuna, ut ipsemet fallaciam argumenti tui detegeres. Nam si te dicis alterationes, quæ in nostra Terræ parte conspiciuntur, in America propter nimiam distantiam observare non posse; multo minus illas videre poteris in Luna, tot centenis vicibus à nobis remotiore. Et si de Mexicanis alterationibus, isthinc venientibus nunciis fidem habes? quinam ad te nuncii è Luna descenderunt, ut significarent, nullas ibidem alterationes inveniri? Quapropter ex eo, quod alterationes in Cælo nullas conspicis, quas, si vel maximè isthic essent, ob nimiam distantiam conspiciere non posse; item ex eo, quod nihil indidem ad nos nuncii perveniat, cum nec pervenire possit, arguere non potes, nullas ibidem alterationes esse: quemadmodum ex eo, quod in Terra conspiciantur audianturque, rectè arguis; eas ibi exiltere,

*Mare Medi-  
terraneum  
natum Aby-  
la à Calpe  
diruptis.*

SIMPL. Ego verò tam insignes, quæ acciderunt in Terra mutationes adducam, ut, si tales essent in Luna factæ, facilè illas hinc observaturi fuerimus. Jam inde à profunda antiquitate traditum accepimus, ad fretum Herculeum, Abylam & Calpen, cum minoribus aliis montibus continuam concretamque terram fuisse, qua Oceanus excludebatur. Sed cum isti montes quacunque tandem de causa discederent ac separarentur invicem, admissas aperto aditu marinas aquas tanto impetu irrupisse, ut universo mari Mediterraneo terras inundarent: cujus si magnitudinem consideremus, sique speciei diversitatem, quam Aquæ Terræque superficies eminè inspecta præbet, non est dubium, talem mutationem à Lunæ, si qui essent, incolis observari facillimè potuisse: perinde ac à nobis Terræ inhabitato-

bitatoribus similes alterationes animadverti possent in Luna. Atqui nihil tale unquam accidisse memoratur. Ergo nullâ ratione dici potest, Cælestium corporum ullum esse alterabile, &c.

SALV. Non ausim quidem affirmare, mutationes in Luna tam vastas accidisse: sed interim neque certus sum, nullas accidere potuisse: cumque talis mutatio non possit aliam nobis exhibere speciem, quàm variationem aliquam inter partes Lunæ clariores & obscuriores haud scio, num qui extiterint in Terra tam curiosi Selenographi, qui per longissimam annorum seriem, tam exacta Selenographia nos instruxerint, ut inde certi simus, nullam unquam talem contigisse mutationem in facie Lunæ: cujus figuram non invenio tenuius descriptam, quàm quod aliqui dicunt, eam repræsentare vultum humanum, alii ricum leoninum, alii Cainum virgultorum fascem humeris bajulantem. Ex hoc ergo, quod in Luna vel aliis Cælestibus corporibus nullæ alterationes appareant, Cælum esse inalterabile, concludi minime potest.

SAGR. Me verò nescio quis alius in hoc primo Simplicii argumento scrupulus urget, quem eximi mihi cupio. Quæro igitur ex ipso, num Terra ante Mediterraneam inundationem generabilis & corruptibilis fuerit: an verò talis esse tum demum inceperit.

SIMP. Erat utique generabilis & corruptibilis etiam antè: sed ista mutatio tam fuit insignis, ut etiam in Luna notari potuerit.

SAGR. Quid audio? Si Terra etiam ante illam inundationem fuit generabilis & corruptibilis, quidni possit idem de Luna pariter, absque tali mutatione prædicari? Cur in Luna necessarium est id, quod in Terra nihil intererat.

SALV. Acutissima certè instantia. Sed mihi dubium est, annon Simplicius aliquantulum immutet mentem textuum Aristotelis & cæterorum Peripateticorum, qui dicunt, ideo se Cælum inalterabile statuere, cum in eo nemo generari corrumpive viderit ullam Stellam. Est autem Stella pars Cæli minor aliquanto, quàm sit respectu Terræ Civitas aliqua: quarum tamen innumeræ sic destructæ sunt, ut ne quidem earum vestigia remanserint.

SAGR. Ego verò diversum sentiebam, ac Simplicium ideo credebam hanc textûs expositionem dissimulare, ne Magistro suo condiscipulisque suis notam priore multò turpiorem impingeret. Ecquæ vanitas est, asserere, partem Cælestem esse inalterabilem, eo quod in ipsa non generentur corrumpanturve Stellæ? Quid igitur? estne,

*Non minus  
est impossibile,  
le, corrumpi  
Stellarum*

*aliquam ac  
totum glo-  
bum terra-  
strem.*

qui fortè corrumpi viderit aliquem globum terrestrem, & alium ejus loco regenerari? Nonne apud omnes Philosophos est in confesso, paucissimas in Cælo stellas, esse Terrâ minores; at multò majores plurimas? Unde: corrumpi Stellam in Cælo, non minoris momenti res est, quàm destrui totum globum terrenum. Itaque si ad generationem & corruptionem in Universo verè introducendam necessarium est, ut corpora tam vasta quàm sunt Stellæ, corrumpantur ac regenerentur, satius fuerit ut eam profus removeas. Nam confirmo tibi, nunquam visum iri corrumpi globum terrestrem, aut aliud Mundi corpus integrale, sic ut, cùm per tot seculorum decursum nobis apparuerit, nullo sui vestigio relicto dissolvatur.

*Aristoteles,  
si nostri se-  
culi nova re-  
perta vidis-  
set, opinio-  
nem fuisset  
mutaturus.*

SALV. Sed ut simplicio plusquam satisfaciamus, eique, si fieri potest, errorem eximamus; affirmo, nostro seculo haberi accidentia, observationes novas, ac tales, ut nihil dubitem, Aristotelem, si nostrâ viveret ætate, sententiam suam fuisse mutaturum. Id quod manifestè colligitur ex ejus ipsius modo philosophandi. Nam dum scribit, existimare se Cælum in alterabile, &c. eo quod nihil ibi aut novarum rerum generari, aut veterum dissolvi visum sit, eo ipso implicite nobis cogitandum relinquit, quod si talium accidentium unum ipse vidisset, contrariam sententiam amplexurus, & sensuum experientia ratiocinationi naturali, uti par est, antepositurus fuerit. Nisi enim sensuum rationem habere voluisset, ex eo utique, quod nullam mutationem sensu deprehendamus, de immutabilitate non fuisset argumentatus.

SIMP. Aristoteles ratiocinationis suæ principale fundamentum deduxit à priori, necessitatem inalterabilitatis Cæli per sua principia naturalia, manifesta & clara demonstrando: eademque postea confirmat à posteriori, per sensum scilicet, veterumque traditiones.

SALV. Ea quam tu dicis, Methodus est, quâ doctrinam suam conscripsit: sed non credo eandem & in investiganda doctrina ipsum adhibuisse: quin potius habeo persuasum, id ei curæ primò fuisse, ut beneficio sensuum, experientiæ & observationum, de conclusione, quoad fieri posset, certus redderetur: postea cogitaret de inveniendis mediis ad eam demonstrandam. Sic enim proceditur in plerisque scientiis demonstrativis, idque propterea, quia si conclusio vera est, adhibita Methodo resolutiva facile deducimur ad aliquam propositionem jam demonstratam, aut ad principium per se notum: si verò conclusio sit falsa, possumus in infinitum progredi, sic ut

*Certitudo  
conclusionis  
ope Methodi  
Analytica,  
demonstra-  
tionis inven-  
tionem adju-  
vat.*

non



non modò in nullam veritatem præcognitam, sed sæpe etiam in impossibile vel manifestum absurdum incidamus. Neque dubitare debes, quin Pythagoras diu ante, quàm demonstrationem invenisset, cujus gratia sacrificaverat Hecatomben, certo sciverit, in triangulo rectangulo quadratum lateris angulo recto oppositi, esse æquale quadratis reliquorum duorum laterum. Atque hæc certitudo conclusionis, ad inveniendam demonstrationem non parum conducit, intellige semper in scientiis demonstrativis. Verùm enim verò quacunque tandem ratione sit progressus Aristoteles, sive ut discursum à priori præcederet sensus à posteriori, sive contra; sufficit, quòd Aristoteles ipse, ut sæpe dictum est, omnibus discursibus sensuum experientiam anteposit. Adde quod jam ante fuit examinatum, argumentationibus illis tuis à priori quantula vis insit. Jam ut revertamur ad materiam propositam, ajo, res illas nostris temporibus in Cælo derectas, esse & fuisse tales, ut omnibus philosophis abunde satisfacere possint. Nam & in universali expansione Cæli, apparuerunt apparentque subinde similia illis accidentia, quæ nobis receptum est appellare generationes & corruptiones, cum excellentes Astronomi Cometas multos supra Lunarem orbem & generatos, & rursus abolitos observaverint: ne quid de stellis novis anni 1572. & 1604. dicam, quæ sine ulla contradictione planetarum omnium altitudinem excesserunt. Quid quod in facie Solis ipsius, beneficio Telescopii, produci dissolvique conspiciuntur materiæ densæ ac obscuræ, nubibus circumterrestribus persimiles, quarum multæ tanta vastitate sunt, ut non modo Sinum Mediterraneum, sed totam Africam, ipsamque Asiam longissimè superent. Jam si talia vidisset Aristoteles, quid eum fuisse dicturum facturumve, Simplici, putas?

SIMP. Nescio, quid Aristoteles fuerit dicturus aut facturum, qui summus scientiarum Dictator erat: sed id ex parte scio, quid sectatores ejus faciant ac dicant, quidque ad eò facere ac dicere debeant, nisi duce, antesignano, capite philosophiæ destitui velint. Quod ad cometas attinet, nonne recentes Astronomi, qui Cælestes illos constituunt, ab Antitychone convicti fuerunt, & quidem suis ipsorum armis? loquor de Parallaxibus, & de Calculo variè tentato; sic ut concluderetur denique pro Aristotele, Cometas omnes esse Elementares. Et everso illo, quod novatoribus præcipuum erat, fundamento, quid restat illis amplius, quo adhuc erecti sustineantur?

*Pythagoras ob inventam quandam demonstrationem geometricam, hecatomben sacrificat.*

*Stella nova in Cælo conspicua. Macule quæ generantur ac dissolvuntur in facie Solis. Macule Solis, tota Asia & Africa majores.*

*Astronomi ab Antitychone confutati.*

SALV. Parcius ista, Simplici; novus auctor ille quid habet de Stellis novis an. 1572. & 1604. itémque de maculis in Sole? Nam de Cometis, meo quidem iudicio, parum interest, an supra vel infra Lunam generatos eos statuas: nec illa quæ Tycho verbosius exsequitur, unquam fundamenti loco mihi fuerunt: neque verò inter se repugnare puto, si credas, materiam cometarum Elementarem esse, & nihilominus quantum velint eos elevari posse, non obstante impenetrabilitate Cæli Peripatetici, quod ego aère nostro multò tenuius, sequacius, subtilius esse statuo. Quod ad Parallaxium calculum attinet, primò quidem illa dubitatio, an Cometæ huic accidenti sint subjecti, deinde inconstantia observationum, quibus calculus innititur, mihi pariter & has & illas. opiniones suspectas reddunt, maximè cùm Antitycho, ut mihi videtur, observationes interdum aut ad suas rationes accommodet, aut instituto suo repugnantes, falsitatis nomine traducat.

*Antitycho  
suas observa-  
tiones Astro-  
nomicas ad  
suum insti-  
tutum ac-  
commodat.*

SIMP. Quod ad stellas novas, Antitycho tribus verbis optimè rem expedit dicendo, Stellas illas novas non esse certas partes corporis Cælestis, & adversariis incumbere, ut alterationem & generationem superiorum corporum probaturi, demonstrent mutationes factas in Stellis jam à tanto tempore descriptis, de quibus, res Cælestes eas esse, nemo dubitat. Atqui hoc nunquam ullâ ratione præstare illi poterunt. Deinde quod pertinet ad materias, quas aliqui generari atque dissolvi dicunt in facie Solis, Antitycho nullam earum mentionem facit; unde conjicio, quod illas aut fabulam existimaverit, aut illusiones Telescopii aut certè contingentes in aère quafdam affectiunculas, aut quidvis denique potius quàm materias Cælestes.

SALV. Tu verò, Simplici, quid censes ad objectionem de maculis illis, importunis Cæli, magisque Peripateticæ philosophiæ turbatricibus, esse respondendum? Non potest fieri, quin ceu defensor ejus intrepidus, effugium atque solutionem aliquam hîc inveneris, qua nos defraudare non debes.

*Opiniones  
diverse de  
maculis So-  
lis.*

SIMP. Audivi de peculiari hoc accidente diversas opiniones. Est  
 ,, qui dicat, illas esse Stellas, in propriis suis orbibus, ad modum  
 ,, Veneris & Mercurii, circa Solem comæantes, quæ cùm illum  
 ,, subeunt, obscuræ nobis apparent: & quia plurimæ sunt, sæ-  
 ,, pius accidit, ut pars earum in unum congregentur, deinde sepa-  
 ,, rentur. Alii esse censent impressiones aëris: alii, illusiones cry-  
 ,, stalli;

,, stalli, alii res alias. Ego pronior sum ad credendum, imo persua-  
 ,, sum habeo, esse illas aggregatum multorum & variorum corporum  
 ,, opacorum quasi casu inter se concurrentium. Qua ipsa de causa sa-  
 ,, pe videmus, in una macula numerari decem & plura ejusmodi mi-  
 ,, nuta corpuscula, quæ sunt irregulari figura, speciémque præbent  
 ,, aut floccorum nivis, aut lanæ, aut muscarum volantium: variant  
 ,, situm inter se, & modò disgregantur, modò congregantur, maxi-  
 ,, mè sub ipso Sole, circa quem ceu centrum suum moventur. Ne-  
 ,, que tamen propterea dicere necesse est, quod generentur & cor-  
 ,, rumpantur: sed interdum latitant post corpus Solis: interdum,  
 ,, etsi remotæ ab eo, non apparent tamen ob vicinitatem immensæ  
 ,, lucis Solaris. Nam in orbe eccentrico Solis constituta est quædam  
 ,, quasi cæpa, ex multis tunicis composita, quarum interior quæque  
 ,, sustinet exteriorem, & earum unaquæque maculis quibusdam exi-  
 ,, guis incitata movetur. Et quamvis earum motus à principio sit vi-  
 ,, sus inconstans & irregularis: nihilominus tamen ad extremum  
 ,, ajunt observatum fuisse, quod intra determinatum tempus eadem  
 ,, exactè maculæ revertuntur. Atque hæc responsio mihi videtur ac-  
 ,, commodata maximè esse ex hæctenus repertis ad reddendam hujus  
 ,, apparentiæ rationem, simulque defendendam incorruptibilitatem in-  
 ,, generabilitatémque Cæli. Quod si hæc ipsa non suffecerit, ingenia  
 ,, sublimia non deerunt, quæ de melioribus aliis inveniendis curam  
 ,, suscipient.

SALV. Si, de quo disputatur, esset aliquod aut legis caput, aut  
 aliarum artium humaniorum, in quibus neque veritas est, neque  
 falsitas, tum quidem acumen ingenii, dicendi promptitudo, scrip-  
 torumque varia lectio posset invenire locum, ut, qui his rebus præ-  
 staret, is suam quoque rationem probabiliorē ac plausibiliorē effi-  
 ceret: sed in scientiis naturalibus, quarum conclusiones sunt veræ  
 & necessariae, ubi nullus arbitrio humano locus est, cavendum, ne  
 fortè falsi defensionem suscipias. Nam ibi mille Demosthenes, mil-  
 léque Aristoteles, vel à mediocri ingenii homine unico, qui meli-  
 ori fortuna verum amplexus esset, prosternerentur. Ergo remove,  
 mi Simplici, conceptam illam spem tuam, inventum iri homines  
 doctiores, & auctororum lectione multiplici nobis exercitiores, qui  
 in ipsius naturæ contumeliam, efficere vera possint, quæ falsa sunt.  
 Et cum inter omnes illas opiniones, de macularum solarium essentia-  
 hucusque productas, eam quam modò exposuisti, veram, & proin-

*In scientiis  
 naturalibus  
 ars oratoris  
 nihil efficit.*

*Argumentum necessarium probans, maculas solares generari & dissolvi. Demonstratio evidens, maculas corpori solari contiguas esse. Motus macularum versus circumferentiam Solis tardus apparet.*

*Figura macularum arctissima versus circumferentiam disci solaris & cur talis apparent.*

*Maculae solares non constant figura spherica, sed explanata & subtiliter extensa.*

de ceteras omnes falsas arbitreris, age, ut etiam ista submoveatur animo tuo, quæ certè Chimæra falsissima est, ommissis sexcentis aliis quæ ei insunt absurdis, non nisi duplicem experientiam in contrarium adduco: prior est, quod ejusmodi maculæ multæ suboriri conspiciuntur in medio disci solaris, pariterque multæ dissolvi & evanescere, remotiores tamen à circumferentia solis: quod est argumentum necessarium, eas generari & dissolvi. Nam si citra generationem corruptionemque comparerent ibi solo motu locali, cunctæ per extremam circumferentiam & intrare & exire conspicerentur. Altera observatio pro illis, qui Opticæ non sunt imperitissimi, à mutatione apparentium figurarum, & ab apparente mutatione velocitatis motûs, necessariò concludit, maculas esse corpori solari contiguas, tangendoque superficiem ejus, cum ipsa aut supra ipsam moveri, nec ullo modo remotis à Sole orbitis circumgyrari. Arguit id motus, versus circumferentiam disci solaris apprensus tardissimus, & versus medium velocior: arguunt figuræ macularum, circa circumferentiam arctissimæ, respectu ejus speciei quam in disci medio habent: eò quod in mediis disci partibus, plena sese majestate, & quales revera sunt, conspiciendas exhibent: versus circumferentiam autem, propter convexitatem globi reductam sursum, compressæ magis apparent. Quæ utraque diminutio & figuræ & motûs, si quis eam accuratè cum observare, tum supputare noverit, præcise respondet maculis corpori solari contiguis; discrepat autem inexcusabiliter, si motum iisdem tribuamus in circulis quantumvis exiguo à Sole intervallo remotis, ut ab amico nostro in Epistolâ de maculis solaribus ad Marcum Welferum prolixè demonstratum est. Ex eadem figuræ mutatione colligitur, nullam earum esse Stellam, aut aliud sphericæ figuræ corpus: nam inter omnes figuras sola sphera nunquam compressa conspicitur, nec aliam speciem exhibere potest quàm perfectè rotundam. Unde, si qua macularum, esset corpus rotundum, quales esse censentur omnes stellæ, rotunditatem hanc tam in medio disci solaris, quàm versus extremitatem ostenderet. Cùm autem & tantopere comprimantur, & subtiles adeo appareant in illa extremitate: spatiosæ contra ac largæ versus medium; inde certi reddimur, illas esse dilatatum quippiam exiguæ profunditatis aut crassitie, respectu suæ longitudinis ac latitudinis. Denique quod observatum fuisse dicis, maculas, cum exegerunt determinatas suas periodos, easdem præcisè redire, noli id credere,

Sim-

Simplici: decipere te voluit, qui hoc tibi dixit: quod vel ex eo colligere potes, quia te celavit & illas quæ generantur, & istas quæ dissolvuntur in facie Solis, procul à circumferentia; itemque quia nec verbo monuit de illa figuræ compressione, argumento certo, contiguas easdem esse Soli. Quod attinet ad reditum earundem macularum, id nihil est aliud, quàm quod etiam in epistola supra dicta legitur, nimirum interdum evenire posse, ut earum aliquæ durabiles adeo sint, ne dissolvi possint unicâ circa Solem conversione, quæ minimùm uno mense absolvitur.

SIMPL. Ut verum fatear, neque tam diuturnæ, nec tam accuratæ sunt observationes meæ, ut mihi sufficiant ad sententiam meam in hac materia fidenter asserendam. Veruntamen illas habebō majori curæ, & postea experiar, an id quod experientia suppeditaverit, cum Aristotelis doctrina conciliari possit. Certum enim est, duas veritates sibi invicem contrarias esse non posse.

SALV. Ut experimenta sensuum, cum solidioribus Aristotelis dogmatibus concilies, nullo labore constabit: hoc atque hoc esse verum, num quid Aristotelis ipse profiteretur, quod de rebus Cælestibus, ob nimiam earum distantiam, exploratè tractari non possit?

SIMP. Profiretur hoc apertè.

SALV. Numquid idem absque ulla dubitatione vel titubatione affirmat, id quod experientiâ sensûque demonstratur, omni ratiocinationi quantumvis probabili ac speciosæ anteponendam esse?

SIMP. Affirmat.

SALV. Ergo ex his duabus propositionibus, quæ ambæ Aristotelem auctorum habent, altera hæc, quæ sensum ratiocinationi anteponendam dicit, multò firmitior ac certior est, quàm altera, quæ Cælum inalterabile putat. Et pròinde magis Aristotelicè philosophaberis, si Cælum dixeris alterabile, propterea quod sensus hoc doceat, quàm si Cælum dixeris inalterabile, quòd id Aristotelica ratiocinationi suadeat. Adde quod nos multò melius Aristotele possumus de rebus Cæli differere. Nam dum confitetur ille, cognitionem talem esse sibi difficilem, ob nimiam sensuum distantiam, eo ipso concedit, cum: cui talia ministerio sensuum præsentiora reddentur, majori quoque certitudine de iis philosophari posse. Jam autem nos, beneficio Telescopii, tricies aut quadragies propius quàm Aristoteles admovemur Cælo, fit ut in eo plurima possimus observare quæ non potuit Aristoteles, & inter alia maculas istas in Sole, quæ prorsus

*De Cælo's  
propter in-  
gentem ejus  
distantiam,  
exactè differi  
non posse  
statuit Ari-  
stoteles.*

*Sensuum rati-  
ocinationi  
præfert Ari-  
stoteles.*

*Cælum alte-  
rabile statue-  
re magis con-  
formis est  
Aristoteli  
doctrina,  
quàm ea, quæ  
idem inalter-  
rabile facit.*

*Telescopii be-  
neficio melius  
ipso Aristote-  
le de rebus*

sus

*Celestibus  
differere pos-  
sumus.*

fus ei fuerunt invisibiles. Ergo de Cælo, deque Sole, nos Aristotele certius tractare possumus.

*Simplicii de-  
clamatio.*

SAGR. Inter sum animo cogitationibusque Simplicii, ac video; persentiscere quidem eum argumentorum firmissimorum pondus: interim tamen ex altera parte, dum auctoritatem, quam apud universos Aristoteles acquisivit maximam, intuetur: dum respicit ad numerum celeberrimum interpretum, qui ad explicandam ejus mentem omne studium operamque contulerunt: dum considerat alias scientias publicè tam utiles ac necessarias, quarum pretium auctoritasque magnam partem fide nititur Aristotelis; exhorrescit non nihil atque percellitur: videorque mihi hæc dicentem audire. Et ad quem deinceps recurremus controversiarum nostrarum judicem, Aristotele cathedrâ submoto? Quem alium sectabimur in scholis, in Academiis & Gymnasiis auctorem? Quis Philosophorum omnes naturalis philosophiæ partes, tam concinno complexus est ordine, sic ut ne particularem quidem conclusionem ullam prætermiserit? Ergo desolandum erit hoc ædificium, in quo tot viatores perfugium invenerunt? destruendum illud Asylum, illud Prytaneum, in quo tantus Studioforum numerus tam commodum nactus est hospitium, ubi nullis æris injuriis expositi, non nisi paucis revolutis pagellis, plenam universæ naturæ cognitionem acquirerent? evertendum propugnaculum, quod adversus omnem inimicorum assaultum tutos præstat? Equidem haud minùs indolesco, quàm quisquis est ille, qui postquam longo tempore, maximis impensis, operâ plurimorum artificum extruxit egregium palatium, cum postea videt id ob malè jacta fundamenta ruinam minari, ne tanto cum cordolio subrutos venustissimis tot picturis insignes muros; subversas, superborum ampu-cum extruxit egregium palatium, cum postea videt id ob malè jacta fundamentæ ruinam minari, ne tanto cum cordolio subrutos venustissimis tot picturis insignes muros; subversas, superborum ampu-lacrorum sustentacula, columnas; inaurata laquearia dijecta; prostratos stipites, frontispica, coranos è marmore sumptiosas aspicere necesse habeat, objectis catenis, oppositis fulcimentis, antemuralibus ac retinaculis ruinam antevertere satagit.

*Philosophia  
Peripatetica  
est inaltera-  
bilis.*

SALV. Ego verò Simplicium de simili casu metuere veto, multò minori cum impensa præstiturus eum indemnem. Neque enim periculum est, ne tanta philosophorum solertium sagaciumque multitudo, ab uno alteroque non nihil strepitus excitante perculsa, vincit

se finat: imò non tam styli eorùm aciem rerundendo, quam solo silentio procacitatem talium in contemptum ac derisum universonum adduxerit. Vanissimè creditur, auctorem hunc illumve refutando, novam statim philosophiam introduci posse: quin opus est, ut prius quis discat concinnare de novo cerebrum hominum, aptumque reddere ad discernendum à falso verum. Quæ res in unius Dei potestate sita est. Sed nescio quomodo aut quo loco diversum à priore sermonem exerraverimus: ne possim in viam redire, nisi duce memoriâ tuâ.

SIMP. Ego probè memini. Versabamur in responsionibus Antitychonis ad objectiones contra immutabilitatem Cæli: quo loco interposuisti hanc de maculis solaribus, ab eò prætermittam: & credo, examinaturum re fuisse responsionem ejus ad instantiam de Stellis novis.

SALV. Sic est. Ut ergo propositis insistamus, videntur mihi, responsioni Antitychonis inesse nonnulla reprehensione digna. Primò: si duæ Stellæ novæ, quas in altissimis Cæli partibus collocatas & durasse diu, & evanuisse denique, non potest negare, nihil ei negotiū faceffunt in asserenda in alterabilitate Cæli: eò quod illæ non sint certæ Cæli partes, nec in Stellis antiquis aliqua mutatio contigerit; cur ergo tam anxie sese, tam operose Cometis opponit, eosque Cælestibus regionibus undique proscribit? Annon ei suffecisset, id ipsum de iisdem prædicare, quod de Stellis novis, hoc est, cum Cometæ, certæ Cæli partes non sint, neque mutatum quicquam fuerit in Stellis ejus, ideòque nec Cælum illos, nec Aristotelis doctrinam ullo præjudicio gravare? Deinde non satis perspicio, quid tandem intimo animo conceperit, dum confitetur quidem; alterationes, si quæ in Stellis acciderent, ipsius prærogativæ Cæli, hoc est, inalterabilitatis &c. fore destructrices, idque propterea cum Stellæ, concordi omnium consensu sint res Cælestes: contra verò nihil eum hoc turbat, si eadem alterationes extra Stellas, in reliqua expansione Cæli, fieri dicantur. Quid enim? an existimat ille, Cælum non esse rem cælestem? Quod ad me, credebam, Stellas appellari res Cælestes, propterea quod essent in Cælo, aut materiâ Cæli constarent, adeoque Cælum plus illis esse Cæleste, eà ratione quâ nulla res magis terrestris aut ignea dici potest, quàm ipsa Terra, ipse Ignis. Quod præterea nullam macularum Solarium facit mentionem, quas & produci, & dissolvi, & corpori solari proximas esse,

esse, & cum ipso, vel circa ipsum rotari, necessariâ demonstratione probatum fuit, id mihi præcipuo indicio est, fieri posse, ut Auctor ille, potius aliis placendi quàm sibi ipsi satis faciendi studio scribat. Cùm enim peritus mathematicarum disciplinarum haberi velit, fieri non potest, quin demonstrationibus persuasus fuerit, ejusmodi materias esse necessariò corpori solari contignas, & esse generationes atque corruptiones aded magnas, ut nulla tanta unquam in terra fiat. Cùmque tales ac tantæ tamque frequentes fiant in ipso globo Solis, qui dubio procul nobilissima Cæli pars haberi potest; quæ ratio tam potens erit, quæ non etiam in aliis globis tales accidere posse persuadeat?

*Generabilitas & alterabilitas, majorem corporibus mundanis perfectionem conciliant, quam affectiones opposita.*

*Terra nobilissima est ob tot mutationes qua in ea fiunt.*

*Terra, sublatis alterationibus, inutile quid & inertis orii plena.*

*Terra vel auro gemmifera nobilior.*

SAGR. Non possum absque summa admiratione, atque etiam abominante intellectu audire, pro insigni nobilitate atque perfectione corporibus naturalibus & integrantibus Universi tribui, quod sint impatibiles, immutabiles, inalterabiles &c. contrà vero pro magna imperfectione haberi, esse alterabile, generabile, mutabile, &c. Meo quidem judicio, Terra hoc præcipuè nomine nobilissima & admiranda censi debet, quia tantæ & multitudinis & varietatis alterationes, mutationes, generationes, &c. incessabiliter in ea fiunt. Quod si mutationis omnis expers, non nisi vasta solitudo esset arena; aut solida ex jaspide massa; aut post Diluvium, dilapsis quibus operiebatur aquis, globus exstitisset immensus crystallinus, in quo neque nasceretur, nec alteraretur, nec mutaretur denique res ulla; certè dixerim illam, inutile Mundo pondus, iners, ignavum, & ut verbo dicam, superfluum, tanquam si nec extaret in rerum natura: faceremque hîc eandem differentiam, quæ est inter animal vivum & mortuum. Idemque dico de Luna, Jove, ceterisque globis mundanis omnibus. Sed quantò vanitatem discursuum popularium attentius considero, tantò magis eos leves stultosque deprehendo. Quid stultius, quæso, dici fingive posset, quàm quod gemmas, argentum, aurum, res pretiosas appellamus: vilissimam contrà Terram & lutum? Ecquare his talibus rerum æstimatoribus non venit in mentem, si tanta Terræ raritas esset, quanta gemmarum aut metallorum pretiosorum est, neminem fore Principem, qui non ultrò adamantum, chrysolithorumque sarcinam, & vel quatuor onusta auro plaustra commutaturus sit cum tantula Terræ particula, quanta sufficeret plantandæ in exiguo vasculo apiariæ, aut ibi seminandæ malo Medicæ, ut ejus ortum, incrementum, pulchras frondes, odora-



ros flores, bellos adeo fructus intueri liceret? Ergo penuria est & abundantia, quæ rebus aut pretii aut vilitatis opinionem in animis vulgi conciliat: qui cum illum demum adamantem selectissimum perhibeat, qui aquæ puræ speciem habet, interim eum ipsum ne cum pluribus quidem aquæ doliis permutaverint. Equidem existimo, eos qui tantopere incorruptibilitatem, inalterabilitatem &c. extollunt, id facere nimio vitæ desiderio, mortisque formidine, dum non cogitant, quod, si homines essent immortales, ad ipsos ordo nascendi, Mundumque visendi nunquam perventurus fuerit. Digni profectò qui incidant in aliquod Medusæ caput, à quo transmuentur in statuas jaspidis aut adamantis, quò perfectiores, quàm sunt, evadant.

SALV. Forsan etiam ejusmodi metamorphosis cum ipsorum aliquo commodo conjuncta foret. Melius enim opinor est, omittere discursum, quàm discurrere sinistrè.

SIMP. Minimè dubitandum est, multo perfectiorem esse Terram, cum est, qualem esse videmus, alterabilis, mutabilis &c. quàm si massa lapidea esset, ac vel solido adamante durissimo & impatibili constaret. Verumtamen istæ conditiones quantum nobilitatis Terræ conciliant, tanto imperfectiora reddunt corpora Cælestia, in quibus essent omnino superflua. Nam corpora Cælestia, hoc est, Sol, Luna, & ceteræ Stellæ, non alium in usum, nisi ad Terræ servitium ordinatæ, ad consequendum hunc finem suum alia re nulla, nisi motu & lumine, indigent.

SAGR. Ergo natura vastissima, perfectissima, nobilissima tot corpora Cælestia, impatibilia, immortalia, divina, non alium in usum condidit atque direxit, quàm ad servitium Terræ patibilis, caducæ, mortalis? ad servitium ejus quam tu Mundi facem, omnis immunditiæ sentinam appellas? Eccur erat opus, corpora Cælestia immortalia constituere, servitura caduco? Sublato hoc usu serviendi Terræ, innumerabilis illa multitudo corporum Cælestium omnium, inutilis omnino & superflua relinquatur, sic ut mutuam aliquam operationem inter sese nec habeant, nec habere possint, cum omnia sint inalterabilia, immutabilia impatibilia, &c. Verbi causa, si Luna est impatibilis, quid Solem, aut aliam Stellam operaturam in ea putes? sine dubio minus efficax erit operatio, quàm si quis intuitu cogitationeque magnam auri massam liquefacere velit. Præterea mihi videtur esse necesse, ut corpora Cælestia, dum concurrunt ad generatio-

*Penuria & copia, rebus pretium vilitatemve conciliant. Incorruptibilitas vulgo celebrata metum moris. Vituperatores corruptibilitatis in statuas converti merentur.*

*Corpora Cælestia, usibus Terræ servientia, non nisi motu & lumine opus habent.*

*Corpora Cælestia mutua inter sese operatione concurrunt.*

rationem & alterationem Terræ, ipsa quoque sint alterabilia: aliàs videre non possum, applicatio Lunæ vel Solis ad Terram generationum producendarum causâ, quid sit aliud, quàm si marmoream statuam lateri sponsæ jungas, & ex tali conjunctione prolem expectes.

*Alterabilitas non toti Globo terrestri, sed aliquibus tantum partibus ejus competit.*

*Corpora Cælestia in partibus externis alterabilia.*

SIMP. Corruptibilitas, alteratio, mutatio, &c. non sunt in integro globo terrestri, qui ratione suæ integritatis non minus est æternus, quam Sol aut Luna: sed est generabilis & corruptibilis quoad partes externas. Id quidem verum est, in ipsis partibus generationem & corruptionem esse perpetuas, & quatenus tales, requirere operationes Cælestes æternas: ac proinde necessarium esse, ut corpora Cælestia sint æterna.

SAGR. Omnia bene habent. Atqui si æternitati integri globi terreni nihil prorsus obstat corruptibilitas partium superficialium, imò si hæc generabilitas, corruptibilitas, alterabilitas &c. ei magnum decus & perfectionem conciliat; quidni possis ac debeas alterationem, generationem &c. admittere pariter in partibus externis globorum Cælestium, cum hinc illis accedat ornamentum, nihil autem perfectioni decedat, neque tollantur actiones, imo potius augeantur, dum hoc modo sit, ut non modo in terram, sed etiam omnes inter sese mutuo operentur, ac ipsa Terra etiam in eosdem?

SIMP. Hoc fieri non potest. Nam generationes, mutationes, &c. quæ acciderent, verbi gratia, in Luna, forent inutiles ac vanæ. Natura verò nihil frustra facit.

SAGR. Et quare forent inutiles & vanæ?

*Generationes & mutationes in Terra contingentes, omnes humanis usibus inserviunt.*

*Luna generationes nostris similes non habet, nec ab hominibus inhabitatur.*

SIMP. Clarè namque videmus, & manu palpamus, omnes generationes, mutationes, &c. quæ fiunt in Terra omnes, aut mediate, aut immediate directas esse ad usum, ad commodum, ad beneficium hominis. Hominum gratia generantur equi: ad nutrimentum equorum producit Terra fœnum, idque nubibus irrigantibus. In hominum commodum ac nutrimentum nascuntur herbæ, fruges, fructus, feræ, aves, pisces: & in summa, si diligenter ista perlustremus & examinemus, omnia in hunc directam finem animadvertemus, ut hominum necessitati, utilitati, commodo, voluptatique serviant. Jam autem quem usum. quæso, generi humano præberent illæ generationes in Luna, aut alio Planeta? nisi forte dicas, etiam in Luna homines esse, qui fructibus ejus gaudeant, quod cogitare, aut fabulosum, aut impium est.

SAGR. An in luna vel alio Planeta generentur aut herbæ, aut plantæ

plantæ aut animalia similia nostris, an pluvix isthic, venti, fulmina &c. qualia circa Terram, producantur, neque scio, neque credo, multo minùs, homines ibidem habitare. Sed interim non video, quomodo ex eo, quod nihil ibi simile nostris rebus generetur, inferri necessariò possit, nullam alterationem ibidem accidere, nec esse posse res alias, quæ mutantur, generentur, & dissolvantur, non solum à nostris diversas, verùm etiam ab imaginatione nostra longissimè remotas, & in summa prorsus nobis inexcogitabiles? Et quemadmodum haud ambigo, si quis in vasta sylva, feras inter avesque natus esset & educatus, nec unquam quicquam de elemento Aquæ cognovisset, hunc talem nunquam imaginando concepturum, in natura esse mundum à Terra diversum, plenum animalibus, quæ sine cruribus, sine alis velociter incedant, nec in superficiem modò, sicuti feræ supra Terram, sed penitus in ipsa profunditate: nec solum incedant, verùm quocunque placet in loco subsistant immobiles, id quod aves in aëre præstare non possunt: adhæc ibidem homines etiam habitare, ibi extruere palatia civitatesque, tanto autem itinerum uti compendio, ut sine ullo labore, cum omni familia ac domo, integrisque civitatibus, in remotissimas sese regiones conferant: quemadmodum, inquam, certò scio, talem, etiam perspicacissimâ præditum imaginatione, nunquam cogitaturum fuisse de Piscibus, de Oceano, de navibus Classibusque: sic æquè, imò multo magis accidere potest, ut in Luna, tanto à nobis intervallo remota, materiàmque forsitan à Terra diversissimam habente, substantiæ quædam existant, & operationes edant ab imaginatione nostra non modò remotas, sed prorsus alienas: quippe quæ nullam cum nostris similitudinem habeant, & proinde omnino sint à nostra cogitatione discrepantes. Nam quidquid sub nostram imaginationem cadit, id aut jam antè viderimus oportet, aut ex rebus rerumve partibus jam ante visis compositum sit, quales sunt Sphinges, Sirenes, Chimææ, Centauri, &c.

SALV. Sæpenumero phantasiæ ac speculationibus de hisce rebus indulsi: tandemque visum est mihi, posse quidem excogitari nonnulla quæ in Luna neque sunt, neque esse possunt: nihil autem, ut opinor, eorum quæ ibi sunt aut esse possunt, nisi largissima generalitate, nimirum eas res, quæ Lunam exornent operando, movendo, vivendo, & fortasse per modum à nostro diversissimum contemplantando & admirando magnitudinem & pulchritudinem Mundi, ejusque Conditoris & Rectoris, encomiisque celebrando gloriam

*In Luna possunt esse generationes à nostris diversa.*  
*Si quis Elementi aquæ cognitione destitueretur, is nil de navibus, deque piscibus imaginari sibi posset.*

*In Luna pos-  
sunt esse sub-  
stantia à no-  
stris diversa.*

ejus; & in summa (quò præcipuè spectat oratio mea) faciendo id, quod frequenter ad eò sacri scriptores affirmant, omnes creaturas perpetuò esse occupatas in laudando Deo.

SAGR. Hæc talia sunt, quæ generalissimè loquendo, isthic esse possunt; ego verò de illis cognoscere percipio, quæ ibi nec esse, nec esse posse credas, quæ distinctius exprimi nominarique possint oportet.

SALV. Adverte Sagrede, tertiam hanc esse vicem, qua pedetentim, nec sentientes à principali nostro instituto declinamus. Eiusmodi digressionibus tardè veniemus ad colloquii nostri finem. Rectius ergo fortasse fecerimus, si discursum hunc cum ceteris, quos peculiari sessioni reservare conventum inter nos est, adhuc differamus.

SAGR. Quæso, potius hoc tempore, dum in Luna sumus, à rebus ad illam pertinentibus nos expediamus, ne alio tempore longum ad eò sit iter emetiendum.

SALV. Volo, ut vis. Et ut à generalioribus exordiar, persuasum habeo, globum lunarem haud parum à terrestri differre, licet aliqua communia etiam habere conspiciantur. Communionem primò, deinde diversitatem explicabo. Conformis absque dubio Luna Terræ est ratione figuræ, quam rotundam esse, necessariò concluditur ex aspectu disci ejus perfectè circularis, & è modo recipiendi lumen solare. Nam si Lunæ superficies plana esset, in eodem momento, tota pariter illuminaretur, pariterque tota, in eodem momento lumine privaretur; non autem primò partes Solem respicientes, & successivè sequentes, sic ut ad oppositionem progressa, non autem antè, totus apparens discus illustretur. Cui contrarium profus eveniret, si visibilis ejus superficies esset concava: hoc est, illuminatio inciperet à partibus a versis à Sole. Deinde non minus ac Terra, per se obscura est & opaca, per quam opacitatem apta est ad recipiendum & repercutiendum lumen Solis, quod facere, nisi talis esset, non posset. Tertio materiam ejus densissimam solidissimamque judico, non minus ac Terræ. Claro satis argumento superficies ejus est, magnam partem inæqualis, ob multas eminentias atque cavitates, ope Telescopii detectas: quarum eminentiarum multæ per omnia respondent asperrimis & præruptis apud nos montibus: multæ longocentum circiter milliarium tractu continuantur: aliquæ in nodum quasi & cumulum arctantur. Apparent etiam ibi multi scopuli avulsi ac solitarii, confragosi satis & abrupti, Maximè verò frequentes ibi con-

*Prima Luna  
Terraque  
conformitas  
ratione Fig-  
ura, probatur  
à modo illu-  
minationis  
Solaris.  
Secunda con-  
formitas,  
quod Luna  
pariter ac  
Terra tene-  
brosa est.*

*Tertia. Ma-  
teria Lune  
densa est at-  
que montosa,  
sicut & Ter-  
ra. Quarta.  
Luna ratione  
claritatis &  
obscuritatis,  
distinctas*

conspiciuntur aggeres (utar enim hoc nomine, cum ad rem exprimendam aptius aliud haud occurrat) iique satis eminentes, qui diversæ magnitudinis areas includunt ac circumdant, formantque varias figuras, præcipuè circulares, quarum multæ habent in medio montem satis altum: pauciores materiâ nonnihil obscurâ explentur, tali scilicet, qualis est magnarum macularum, quæ libero oculo videntur. Atque hæ sunt majores areæ: numerus dein earum, quæ minus minúsque spatii occupant, circularium ferè omnium, est maximus.

*duas partes habet, sicut & Globus terrestris respectu superficiei maritima & terrena.*

Quartò, quemadmodum superficies nostri globi distincta est in duas maximas partes, hoc est, terrestrem & aquaticam: sic in disco Lunari quoque videmus insignem spatiorum diversitatem, quorum alia magis, minus alia splendent. Quorum quidem aspectui, valde similis esset aspectus faciei Terræ, si quis è Luna, vel ex alia simili distantia eam à Sole illustratam intueri posset. Nam superficies Maris obscurior apparet, clarior autem illa Terræ.

*Superficies maris è longinquo inventibus, terrestri obscurior apparet.*

Quintò sicuti nos è Terra Lunam nunc videmus orbe pleno luce, modò æquâ portione dividi, mox in falcem curvari, nonnuncquam omnino conspectui nostro subtrahi, quando nimirum radii solaribus occultatur, immersa tenebris eâ parte quæ Terram respicit: ita præcisè conspiceremus etiam è Luna, eadem periodo, eademque phasibus illuminatam à Sole faciem Terræ. Sextò,

*Quinta. Phases seu mutationes figurarum in Terra, simili modo, eademque periodo fiunt ut in Luna.*

SAGR. Subsiste parum, Salviate. Quod illuminatio Terræ, ratione phasium, apparitura sit è Luna per omnia similis huic, quam è Terra nos observamus in Luna, id quidem intelligo: sed non bene capio, quomodo illa fiat eadem periodo: siquidem illuminatio Solis in superficie lunari fit uno mense, verum in terrestri vigintiquatuor horis.

SALV. Verum est, quod effectus Solis, in illuminandis illis duobus corporibus, obeundâque splendore suo totâ illorum superficie, absolvatur in Terra quidem, unico die naturali, in Luna verò, mense: sed non ex hoc solo pendet variatio figurarum seu phasium, quibus terrestris superficiei partes illuminatæ conspicerentur è Luna: verum ex diversis aspectibus, quæ Lunæ cum Sole intercedunt. Hinc si, verbi gratia, Luna Solis motum exactè sequeretur, & aliquo casu semper in ea linea, quæ Terram inter ac Solem describitur, hæret eo aspectu quem nos conjunctionem appellamus, tunc Luna semper idem Terræ hæmisphærium Soli objectum intueretur, idque

perpetuâ luce undique perfusum. Sicuti contrâ, si Luna semper esset in oppositione Solis, nunquam Terram videret, quippe parte sui tenebrosâ, & proinde invisibili, Lunæ semper objectam. Sed quando Luna est in quadratura Solis, tunc hæmisphærii terrestris, Lunæ objecti medietas illa, quæ Solem respicit, luminosa est: & altera à Sole averfa, est obscura, & proinde pars Terræ illuminata, circuli dimidii figuram Lunæ exhiberet.

SAGR. Omnia rectissimè capio, & jam satis intelligo, Lunam digredientem ab oppositione Solis, ubi nihil de illuminata terrestri superficie videbat, atque indes accedentem ad Solem, paulatim conspiciere particulam aliquam faciei Terræ illuminatæ, eamque in forma tenuis falcis, cùm Terra sit rotunda: deinde dum Luna suo motu, de die in diem Soli sit vicinior, plus plûsque semper ei de illuminato hæmisphærio terrestri aperitur, sic ut ad quadraturam progressæ exactè medietas objiciatur, sicuti nos vicissim tantundem de Luna conspiciamus. Continuato postmodum accessu versus conjunctionem, successivè pars major de illuminata superficie sese ostendit: tandem in conjunctione, totum hæmisphærium luminosum apparet. Et in summa, rectissimè percipio, quod id, quod accidit habitatoribus Terræ, etiam Lunæ, si qui essent, incolis accideret, intuentibus Terram, sed ordine contrario; nimirum quando Luna nobis plena est, & in oppositione Solis, tunc Lunaribus Tera esset in conjunctione Solis, obscura prorsus & invisibilis. Contrâ status ille, qui nobis est conjunctio Lunæ cum Sole, & proinde Luna silens & obscura, foret illis oppositio Terræ & Solis, & ut ita dicam, Terra plena, hoc est, tota luminosa. Et tandem quanta pars superficiei lunaris illuminatæ de die in diem sese nobis exhibet, tanta quoque pars obscuræ Terræ, eodem tempore, Lunæ objicitur: & quantum obscuræ Lunæ nobis obversatur, tantundem illuminatæ Terræ obversatur Lunæ: sic ut solùm in quadraturis illi medium orbem illuminatæ Lunæ, & hi tantundem Terræ conspiciant. Una in re actiones illæ mutuæ differre mihi videntur. Nimirum posito, non autem concessio, quod in Luna sit, qui Terram indè contueatur, is quotidie videret totam superficiem terrestrem, mediante motu Lunæ circa Terram, 24. aut 25. horis: nos autem nihil videmus aliud, nisi medietatem Lunæ, cum ea non revolvatur in seipsam: quod fieri necesse esset, si se nobis totam ostenderet.

SALV. Dummodo id non accidat contrarii gratiâ, hoc est, ut re-

volu-

Volutio Terræ in seipsam, causa fit, ob quam, alteram medietatem nunquam videamus: id quod ita necessario fieret, si illa haberet Epicyclum. Sed ubi manet altera differentia, quæ alteri isti à te observatæ ex adverso respondeat?

SAGR. Ecquæ illa? jam enim alia mihi non occurrit.

SALV. Ea est, cum Terra (ut rectè notasti) non nisi medietatem Lunæ conspiciat, è Luna verò conspiciatur tota Terra, quòd contra tota Terra videt Lunam, sed Lunæ medietatem solum videt Terra. Nam habitatores ut ita dicam, hemisphærii Lunaris superioris, quod nobis est invisibile, carent omnino conspectu Terræ: atque isti fortè sunt Antichthones. Occurrit jam hoc loco mihi certum quoddam phænomenon, ab Academico nostro nuper observatum in Luna, unde duæ necessariæ consequentiæ deducuntur: una, quod de Lunæ paulò plus medietate videamus: altera, quod motus Lunæ præcisè Terræ centrum observet. Et Phænomenon & observatio sic habet. Quandoquidem Lunæ, commercium quoddam, ac sympathia naturalis intercedit cum Terra, versus quam illa, tali determinata sui parte spectat, necessarium est, ut linea recta, quæ centra illorum conjungit, semper transeat per idem punctum superficiei Lunaris: unde is, qui è centro Terræ Lunam intueretur, videret semper eundem Lunæ discum præcisè terminatum ab eadem circumferentia. Si quis verò superficiei terrestri insistit, radius ab ejus oculo usque ad centrum Lunaris globi progressus, non transiret per idem punctum superficiei Lunaris, per quod transit linea centrum Terræ Lunæque committens, nisi cum ei Luna verticalis esset: Lunâ vero positâ in Oriente vel Occidente, punctum incidentiæ radii visivi superius est puncto lineæ, centra committentis: & proinde detegitur aliqua pars hemisphærii Lunaris versus circumferentiam superiorem, & absconditur tantundem de parte inferiore: detegitur inquam & absconditur respectu hemisphærii, quod conspiceretur ex centro Terræ: & quia pars circumferentiæ Lunaris, orienti Lunæ superior, occidenti inferior est, satis ergo notabilis erit facienda differentia aspectus istarum partium superioris & inferioris, sic ut jam aperiantur, mox abscondantur maculæ, vel aliæ illarum partium res notabiles. Similis variatio observari quoque debebat versus extremitatem borealem & australem ejusdem disci, prout Luna in hoc aut illo ventre sui Draconis invenitur, Nam si est septentrionalis, aliquæ partium ejus septentrionalium absconduntur, & australium dete-

*Tota terra  
solummodo  
medietatem  
Luna, &  
medietas  
Luna solum-  
modo totam  
Terram con-  
spicit.  
E Terra  
plusquam  
medietas  
Luna con-  
spicitur.*

*Due macule  
in Luna ob-  
servata, qua  
argumento  
sunt, eam  
in suo motu  
tenere re-  
spectum ad  
Terram.*

deteguntur, & è contra. Jam hæcæ consequentias revera ita sese habere, Telescopii fide certiores reddimur. Sunt enim in Luna duæ certæ maculæ, quarum una, Lunâ meridianum attingente, Corum spectat; altera ei quasi diametraliter opponitur. Prior etiam absque Telescopio conspicua est, non item altera. Prior (Corida illa) macula est exigua, ovali figura, à maximis aliis divisa: opposita, minor est, pariterque à grandioribus intersecta, in campo satis claro sita. In ambabus hisce dictæ variationes manifestè observantur, ut appareat, eas contrario inter se modo jam esse vicinas limbo disci lunaris, jam ab eo remotas, ea cum differentia, ut intervallum inter Coricam maculam & disci circumferentiam plusquam duplo majus sit una quàm alia vice: in altera verò macula, quippe circumferentiæ vicinior, hæc differentia, unâ quam aliâ vice triplo major apparet. Hinc manifestum est, Lunam veluti magneticâ virtute instinctam, constanter una sui facie terrestrem globum respicere, nec unquam inde diverti.

SAGR. Ecquando tandem ope hujus admirabilis instrumenti factatum observationum inventionumque finis statuetur.

SALV. Si, qui fuit hæctenus, idem quoque deinceps erit admirandarum inventionum progressus, est quod speremus, nos procedente tempore visuros ea, quæ jam ne quidem imaginatione concipere possumus. Sed ut ad institutum sermonem redeamus, ajo, sextam Lunæ cum Terra convenientiam hæc esse, quod, quemadmodum Luna, magna temporis parte supplet defectum luminis solaris, & reflexione sui luminis noctes nobis satis claras efficit: ita Terra vicem ipsi Lunæ reponens, refundit ipsi lumen, quod magis ei necessarium est, radios solares illuminatione fortissima reflectendo: quæ illuminatio Lunarem, opinione mea, tanto magis superat, quanto Terrena superficies Lunarem excedit.

SAGR. Antequàm ultrâ, Salviate, pergas, sine ostendam tibi, ut ad primum quasi nutum tuum penetraverim in causam accidentis cujusdam, de quo sexcenties cum cogitasset, eam tamen excogitare non potui. Vis hoc dicere, lumen quoddam subobscurum, in Luna, maximè cum est falcata, conspectum, proficisci ex reflexione luminis solaris in superficie Terræ & Maris: quod quidem lumen tanto clarius appareat, quanto falx est acutior, tum enim pars Terræ luminosa, Lunæ objecta, major est, juxta id quod paullo ante fuit conclusum: quod nimirum semper pars Terræ Lunæ objecta, tam  
sit

*Sexta. Terra  
& Luna mu-  
tuo lumina  
clarefcunt.*

*Lumen è Ter-  
ra in Lunam  
reflexione  
projectum.*



fit luminosa, quàm est obscura pars Lunæ, objecta Terræ. Unde quando Luna tenuiter est falcata, & consequenter ejus pars tenebrosa grandior, tunc grãdis etiam erit illuminata pars Terræ è Lunã conspecta, tantoque potentius lumen reflectet.

SALV. Hæc ipsissima est eorum quæ dixi sententia. In summa, per jucunda res est, colloqui cum hominibus judicio & apprehensiva facultate valentibus, maxime cum in asserenda veritate dissertatio consumitur. Incidi sæpenumero in homines adeo duri cerebri, ut à me sexcenties inculcata ista quæ tu subito, tuo pte ingenio penetraſti, percipere tamen haud potuerint.

SIMP. Si hoc dicis, non potuisse te ita hæc illis ob oculos constituere ut intelligerent, equidem valde miror; neque dubito, si ex tua explicatione rem non perceperunt, ex nulla cujusquam alterius esse percepturos; cum omnia clarè adeo dilucidaveris. Sin autem hoc inuis, illis te persuadere non potuisse ut crederent, id minimè miror, nam me ipsum in eorum esse numero profiteor, qui sermones tuos intelligant potiùs quàm probent: cum & in hac, & partim in ceteris sex congruentiis multæ sese difficultates offerant, quas promam, ubi tua absolveris.

SALV. Veritatis investigandæ desiderium, quam ad rem sapientum hominum, hoc est, tui similibus objectiones multum conferent, in iis quæ restant absolvendis me brevissimum faciet. Esto itaque septima congruentia, quod ut beneficii, sic etiam offensionis mutuas vices exercent. Unde Luna, sicuti sæpenumero in illuminationis suæ fastigio, Terræ inter se ac Solem interpositione, patitur Eclipsin, ac lumine privatur: sic ipsa vicissim interposito suo Terram inter ac Solem, illam hujus lumine privat. Etsi verò hæc vindicta magnitudinem offensæ non æquat; cum Luna & frequenter, & satis longè tempore umbræ terrenæ totaliter immersa maneat, nunquam autem tota Terra, nec longo spatio temporis, obumbretur à Luna: si tamen hujus parvitas corporis cum illius magnitudine comparetur, omnino dicendum est, animi fortitudinem, ut ita loquar, in Luna maximam esse.

Hactenus de congruentia: nunc disparitas etiam explicanda veniret: cum autem Simplicius in nostri gratiam aliqua dubia velit allatis opponere, operæ pretium fuerit, audire illa prius & excutere, quàm ad ulteriora progrediamur.

SAGR. Ita, nam est credibile, Simplicium nihil contradicturum esse

esse disparitatibus atque differentiis inter Terram & Lunam, ut quarum substantias ipse pro diversissimis habet.

SIMPL. E congruentiis à te recitatis, cum Terræ Lunam compares, non possum sine contradictione, nisi primam & duas sequentes admittere. Admitto primam, hoc est, figuram sphericam: quam etiam in hoc nescio quid dubii subest: existimo namque, Lunæ superficiem esse politissimam, & instar speculi tersam: cum contra vel manu palpemus, Terram esse scabrosissimam & asperam. Verum ista superficiem inæqualitas in alia quadam allatarum à te congruentiarum expendenda veniet, quod eam reservo.

Deinde quod Luna, juxta secundam tuam congruentiam, opaca sit & obscura sicuti Terra, ibi non nisi primum attributum, scilicet opacitatem admitto, eclipsium solarium experimentis edoctus. Nam si Luna esset transparentis, aër in totali obscuracione Solis non esset adeo tenebrosus ut esse solet, sed per transparentiam corporis lunaris trajiceretur lux refracta, ut per densiores nubes fieri videmus. Sed quod attinet obscuritatem, non credo, Lunam omnino privatam esse Luce, sicuti Terra: imò claritatem illam, quæ in reliquo ejus disco, ultra tenuia cornua à Sole illustrata conspicitur, existimo esse proprium ejus ac naturale lumen, non autem reflexum à Terra, ut quæ propter summam asperitatem & obscuritatem suam, radios solares reflectendi facultate destituitur.

*Lux secundaria, Luna propria censetur.*

*Terra impotens ad reflectendos radios solares.*

*Substantiam Cælestem impenetrabilem judicat Aristoteles.*

In tertia congruentia partim consentio tecum, partim etiam dissentio: consentio indicando corpus Lunæ solidissimum ac durum, ad instar Terræ, & plus aliquanto. Nam si credimus Aristoteli, Cæli duritiem impenetrabilem, & Stellæ densiores Cæli partes esse; necessarium est & ipsas esse solidissimas ac impenetrabiles.

SAGR. Egregiam verò palatiis extruendis materiam suppeditaret Cælum, si quis inde promere posset, utpote adeò duram ac transparentem.

SALV. Imò verò pessimam. Cum enim propter summam transparentiam omnino sit invisibilis, non sine summo periculo impingendi in stipites, & capitis vulnerandi, per talem domum incedere quis posset.

SAGR. Id verò periculi metuendum non foret, si verum est, quod aliqui Peripateticorum asserunt, Cælum esse intangibile. Si ergo materiam Cælestem tangere non possemus, non possemus etiam in eam impingere.

SALV. Id verò nihil juvaret. Nam etsi Cælestis materia tangi non potest,

*Materia Cælestis intangibilis.*

potest, ut qualitate tangibili destituta: ipsa tamen potest elementaria corpora tangere: Jam autem ad lædendum, perinde, atque etiam pejus est, si ipsa impingat in nos, quàm si nos impingamus in illam. Sed relinquamus ista palatia, vel ut rectius dicam, extracta in aëre castella, neque Simplicium impediamus.

SIMPL. Quæstio, quàm obiter attigisti, difficiliorum una est quæ in philosophia tractantur: & ego de eo pulcherrimas cathedrarii cujusdam doctoris Paravini mediationes habeo: quas nunc tamen attingere, tempus non permittit. Ut igitur ad propositum nostrum redeamus, respondeo, putare me Lunam Terrâ solidiorem: sed non argumentor, uti tu facis, ab asperitate scabritieque superficiæ ipsius sed potius à contrario, hoc est, ab aptitudine ad recipiendum (ut videmus apud nos in gemmis durioribus accidere) splendorem lævorémque quovis tersissimo speculo superiorem: nam talem superficiem ejus esse necesse est, ut fortiter adeo solares radios ad nos reflectere possit. Illæ deinde quas dicis apparentiæ montium, scopulorum, aggerum, vallorum &c. meræ sunt illusiones. Audivi nonnunquam in publicis disputationibus contra novatores illos animosè propugnari, tales apparentias non aliunde provenire, quàm à partibus inæqualiter opacis & perspicuis, è qualibus interiores exterioresque partes Lunæ compositæ sunt: ut sæpenumero videmus accidere in crystallo, in succino, & in multis lapidibus pretiosis perfectè expolitiss, ubi propter opacitatem aliquarum partium, aliarumque transparentiam, variæ concavitates & prominentiæ apparent.

In quarta congruentia concedo, terrestri globi superficiem è longinquo conspectam, facturam duas diversas apparentias; hoc est, clariorem unam, alteram obscuriorem: sed existimo, diversitates hæcè contrario modo quàm tu dicis, eventuras, nimirum Aquæ superficiem apparituram lucidam: est enim polita & transparentis; Terræ verò, obscuram, propter suam opacitatem & scabritiem ad reverberandum lumen solare minus idoneam.

Quintam congruentiam admitto totam, & rectè capio, si Terra splenderet instar Lunæ, supernè eam contuentibus exhibituram esse phasès conformes illis quas nos observamus in Luna. Intellego quoque periodum illuminationis Terræ variationisque phasium fore mensuram, etsi Sol eam totam obeat. 24. horis. Denique non invitus admitto, solam Lunæ medietatem ab universa Terra conspici, & universam Terram conspici solum à medietate Lunæ. De cætero

*Superficiis  
Luna plusquam speculi  
tersa.*

*Eminentia  
& cavitates  
in Luna sunt  
illusiones opaci  
& perspicui.*

falissimum arbitror, à Luna lumen Terræ recipi posse, cum sit obscurissima, opaca, & ineptissima ad reflectendum solare lumen, quomodo Luna nobis illud benè reflectit. Et, ut dixi, credo, lumen illud, quod in reliqua Lunari facie supra cornua Solis illuminatione splendentia, Lunæ proprium sit ac naturale. Rem magnam præstiteris, si aliud mihi persuaseris.

Septima congruentia de mutuis eclipsibus, itidem admitti potest: quanquam ea quam tu Terræ vocas Eclipsin, propriè Solis Eclipsis appellari solet. Atque hæc sunt, quæ septem congruentiis tuis opponenda in hoc tempore occurrerebant: quas ad instantias si quid respondere tibi placuerit, lubens audiam.

SALV. Si responsa tua rectè sum assecutus, videntur, adhuc aliquæ conditiones, quas Lunæ ac Terræ communes faciebam, inter nos esse controversæ. Tu putas Lunam tersam ac levem instar speculi, proindeque ad reflectendum nobis solare lumen aptam: Terram contra ratione suæ asperitatis, simili reflexioni faciendæ imparem. Lunam concedis esse solidam ac duram, atque id arguis ex eo, quod sit polita ac tersa, non autem ex eo, quod montosa. Cur verò montosa videatur, ejus rei causam assignas, quod partibus plus aut minus opacis perspicuisque constet. Tandem existimas, secundariam illam lucem propriam esse Lunæ, nec reflexione Terræ productam: quanquam ex mari, ob superficiem ejus æquabilem, reflexionis aliquid fieri non negas. Quod ad errorem tuum attinet, quasi reflexio Lunæ tanquam à speculo fiat, ut eximam eum tibi, parum spei superest, cum videam, ea quæ hæc materia in *Exploratore, & Literis Solaribus* communis amici nostri leguntur, nihil in animo tuo profecisse: si tamen illa quæ ibi perscripta sunt, attente legisti.

SIMP. Legi cursim & persurfusè, pro ratione temporis exigui, quod à studiis solidioribus mihi reliquum est. Si tamen adductis aut istarum rationum nonnullis, aut aliis, eximere mihi dubia, cogitas; eas auscultabo attentissimè.

SALV. Dicam quicquid ad præsens in mentem mihi venerit. Ac fieri sanè potest, ut inter se commisceam & cogitationes meas proprias, & ea quæ dictis libris mihi lectitata sunt: quibus quidem abunde mihi satisfactum probe memini, quanquam conclusiones aspectu primo magna paradoxa mihi viderentur. Hoc est in quæstione, Simplicij, num ad faciendam reflexionem, talem, qualis nos è Luna perstringit, requiratur, ut superficies, ex qua fit reflexio, tam tersa  
lævis

Il Saggiatore.  
re. Lettere  
Solari.

lævisque sit quàm est speculi: an verò magis sit accomodata superfici-  
 cies non tersa, nec lævis, sed aspera malèque polita. Quod si jam ex  
 duplici nobis opposita superficie duæ reflexiones nos ferirent, una  
 lucidior, altera minùs lucida; quæritur, ex his duabus superficie-  
 bus, utra clarior, & utra obscurior oculis nostris apparebit?

SIMPL. Ea, sine dubio, quæ fortius mihi lumen reflectet, adspe-  
 ctu clarior erit, & altera obscurior.

SALV. Accipe, si placet, istud speculum, quod ex illo muto  
 pendet, & excamus in atrium. Venito, Sagrede, speculum illi mu-  
 ro, qui à Sole feritur, adfigito. Discedamus, & unbram isthic  
 subeamus. Ecce duas superficies à Sole percussas, & muri scilicet,  
 & speculi. Dic mihi jam, utra harum tibi clarior appareat, muri,  
 an speculi? nîlne respondes?

*Luna super-  
 ficiem aspe-  
 ram esse,  
 prolixè de-  
 monstratur.*

SAGR. Respondendi partes Simplicio committo, de hac re dubi-  
 tanti: nam quod ad me, levi isto experientiæ principio persuasum  
 habeo, necessariò Lunam valde impolitâ superficie esse.

SALV. Dic Simplici, si tibi depingendus esset iste cum affixo spe-  
 culo murus, utrùm in depingendo muro, an verò speculo, colo-  
 res obscuriores adhiberes?

SIMP. Utique in speculo.

SALV. Jam si de superficie, quæ clarior apparet, fortior exit re-  
 flexio luminis; fortius quoque solares radios reflectet murus, quàm  
 speculum.

SIMP. Optimè: numquid hisce meliora habes experimenta? Tu  
 nos eo loco statuisti, quo reverberatio speculi non pertingit. Ve-  
 rum huc mecum transi: veni modò.

SAGR. Fortè specularis reflexionis locum quæris.

SIMP. Ita domine.

SAGR. Vide tibi illam in opposito muro, magnitudine speculi  
 exactè respondentem, & claritati Solis proximam.

SIMP. Veni ergo huc: & hinc aspice speculi superficiem, pote-  
 risque dicere, num illa muri superficiem sit obscurior.

SAGR. Tu modò eam aspice: nam ego nolo cæcari; quam nec-  
 visam, hoc in loco splendidissimam, & solari lumini aut parem,  
 aut æmulam esse, bene novi.

SIMP. Quare dicis ergo speculi reflexionem esse obrusorem illâ  
 muri? ego video, in opposito illo muro, cui alterius illuminati pa-  
 rietis, & unâ speculi reflexio impingitur, illam speculi multò cla-  
 rio-

riorem esse: paritérque video, quod ex hoc loco idem speculum haud paulò clarius appareat ipso muro.

SALV. Antevertisti solertia tuâ, nam hac ipsa observatione mihi opus erat ad aliqua declaranda. Vides ergo differentiam inter duas reflexiones, emanantes à duplici superficie, unâ muri, alterâ speculi, utrâque eodem exactè modo solaribus radiis istâ: vides quoque, muri reflexionem in omnes partes ei oppositas undique diffundi: sed illam speculi, in unam solummodo partes extendi, non ampliorem ipso speculo. Vides denique, muri superficiem ex quo tandem cunque loco conspectam, semper æqualem sibi ipsi claritatem obtinere, splendidiorem ubique quàm sit illa speculi, excepto solùm exiguo illo loco, speculi reflexione percusso: nam isthinc speculum muro multò clarius apparet. Ex hisce sensu ipso & quasi palpando perceptis experimentis, meo quidem iudicio satis expeditè quis potest in cognitionem venire, num è Luna reflexio, tanquam è speculo, an verò tanquam è muro, hoc est, num è lævi an aspera superficie ad nos trajiciatur.

SAGR. Si Lunæ ipsi præsens adessem, non possem opinor asperitatem ejus superficiem, vel ipso contactu magis, quam ex hoc sermone percipere. Luna quocunque posita visa, respectu Solis ac nostri, superficiem suam radiis solaribus perfusam, semper æquabili claritate nobis exhibet: effectus, qui exactè congruit cum illo muri, quem quocunque loco contuearis, æquabiliter ubique clarum animadvertes: discrepat autem à speculo, quod ex uno solo loco luminosum, è cæteris omnibus obscurum apparet. Præterea lux ad nos è muro reflexa, tolerabilis est, ac debilis in comparatione luminis specularis, quod vehementissimum est, ac paulò minùs primariâ è Sole progressâ luce visum offendit. Haud Secus amabilis ad spectu Lunæ facies est; quæ si esset instar speculi, præsertim cum propter vicinitatem ad Solis magnitudinem accedere videatur, fulgor ejus absolute esset intolerabilis, putaremúsque nos alterum quasi Solem intueri.

SALV. Noli, quæso, Sagrede, demonstrationi meæ plus tribuere quàm ex ea sequitur. Contrà movebo tibi instantiam, quæ nescio an ita facilè solvi possit. Habes hoc pro magna diversitate Lunam inter & speculum, quod illa reflexionem in omnes partes emittit æqualiter, ut facit murus: at speculum in unum solummodo determinatum locum: atque inde concludis, Lunam esse muro similem, non speculo. Ego verò tibi dico, speculum hoc emittere reflexionem  
in

In unum tantum locum, ideo, quia superficies ejus plana est: & cum angulus reflexionis radiorum semper sit æqualis angulo incidentiæ; necesse est, ut radii è superficie plana junctim reflectantur versus eundem locum. Cum autem superficies Lunæ non sit plana, sed spherica, & verò radii talem in superficiem incidentes, ad angulos æquales angulis incidentiæ, mediante infinitate inclinationum superficiem sphericam componentium in omnes partes reflectantur; ideòque & Luna quaquaversum reflexionem projicit, non autem in unum tantum locum, ut fit in speculo plano.

*Specula plana reflexionem in unum tantum locum, spherica vero quaquaversum projiciunt.*

SIMP. Hæc ipsa objectionum illarum est una, quas in contrarium adducere volebam.

SAGR. Si hæc est una, necesse est ut earum habeas plures: explica igitur illas. Nam hæc prima plus obsutura tibi quàm profutura videtur.

SIMP. Tu pronunciaisti ceu rem manifestam, quod reflexio muri istius, tam clara sit & illuminans, quàm illa Lunaris. Ego verò istam cum hac comparatam, quasi nullius momenti puto. Nam in hoc negotio illuminationis respicienda est ac distinguenda spherica activitatis. Ecquis verò dubitat, corpora Cælestia habere majorem spheram activitatis, quàm hæc nostra Elementaria, caduca & mortalia? Et iste denique murus quid aliud est, quàm obscura Terræ nonnihil, ad illuminandum ineptæ.

*Sphæra activitatis in corporibus Cælestibus est major quàm in elementaribus.*

SAGR. Credo, te hic quoque valde decipi. Sed venio ad primam instantiam à Salviato motam, & considero, ad efficiendum ut objectum aliquod nobis luminosum appareat, non sufficere, ut id radiis corporis illuminantis perstringatur: sed etiam opus esse, ut reflexi radii perveniant ad oculum nostrum: quod manifestum est exemplo speculi illius, absque dubio luminosis Solis radiis verberati quidem, nec tamen ullum lumen aut claritatem exhibentis, nisi oculum certo illi loco, quæ reflexio incidit, admoveamus. Consideremus jam, quid sit futurum, si speculum spherica superficie tumeret: ubi sine dubio deprehendemus, reflexionis illius, à tota superficie illuminata factæ minimam partem in oculum certi spectatoris incidere, cum minima particula totius superficie spherice sit illa, cujus inclinatio rupercutit radium ad certum oculi locum: unde minimam convenit esse partem superficie spherice, quæ oculo sese splendentem exhibet, omnibus aliis manentibus obscuris. Quod si ergo Luna speculi levorem haberet, ejus pars minima Solis splendorem oculis certi spectato-

*Luna si Speculi spherici formam ha-*

*beret, invi-  
sibilis esset.*

Statoris ingereret, quamvis totum hemisphærium radiis solaribus esset expositum: reliqua vero pars spectatoris oculo tanquam non illuminata, & proinde nec visibilis, ac ipsa denique Luna prorsus invisibilis apparet, cum illam particulam, unde reflexio procederet, propter suam parvitatem nimiamque distantiam evanescere sit necesse. Et quemadmodum oculo illa esset invisibilis: ita ejus illuminatio nulla evaderet. Est enim impossibile, ut corpus aliquod luminosum splendore suo tenebras nostras amoveat, & nos tamen illud non videamus.

SALV. Fige, quæso Sagrede, pedem in hoc loco. [Nam in ore vultuque Simplicii non obscura comparent indicia, quod aut non bene capiat, aut non satis probet id quod evidentissimè verissimeque dixisti. Et tamen in mentem jam mihi venit, etiam alio experimento scrupulum ei omnem eximi posse. Vidi in camera superiore magnum speculum sphericum: curemus illud afferi, & interea Simplicius consideratum eat quanta sit amplitudine claritas illa, quam inferioris ambulacri parieti reflexio plani speculi impegit.

SIMP. Video claritatem paulò minorem, quàm si rectis solis radiis ille locus percuteretur.

SALV. Sic est revera. Jam dicito mihi, si remoto parvo isto speculo plano, in locum ejus substituamus magnum illud sphericum, quem reflexionis ejus effectum in eodem pariete futurum putas?

SIMP. Credo, multo majorem amplioemque lucem illud esse sparsurum.

SALV. Quod si verò illuminatio, aut nulla, aut ita erit exigua, ut vix sentiri possit, quid tum dices?

SIMP. Cum effectum videro, de responsione cogitabo.

SALV. Ecce speculum, quod juxta alterum collocari volo. Sed prius huc concedamus in illius è plano speculo reflexionis viciniam. Observa quanta loci percussi claritas sit, & quàm distinctè omnes muri minutiae cernantur.

SIMP. Vidi, & observavi optimè. Nunc alterum speculum juxta primum colloca.

SALV. Ecce tibi illud: nam ut primum minutias observare cepisti, hic collocatum fuit te non animadvertente: tantum scilicet in reliquo pariete, luminis erat incrementum. Ecce jam ibi sublatam omnem reflexionem, quamvis ibidem magnum speculum convexum remanserit. Amoveatur hoc etiam, & postea reponatur si placet, nec ullam



ullam lucis mutationem in toto muro senties. Igitur ad oculum tibi demonstravi, reflexionem Solis in speculo sphaerico convexo factam, non illuminare vicina loca sensibiliter. Quid jam ad hanc respondebis experientiam?

SIMP. Metuo, ne hic praestigiarum aliquid interveniat. Utrique video ex isto speculo magnum exire splendorem, qui quasi aciem oculorum habet; & quod plus est, semper eum video, ex quocunque loco speculum intuear: & video eum mutare situm in superficie speculi, prout illud ex hoc aut illo loco respicio. Unde necessario concluditur, lumen satis fortiter in omnes partes reflecti, & per consequens non minus potenter in illum parietem, ac in meum oculum.

SALV. Vides ergo, quam oporteat esse cautum ac circumspectum in assentiendo his, quae sola ratiocinatione nobis ingeruntur. Ea quae tu differis, habere magnam speciem non dubito: nihilominus sensuum experientiam contrarium ostendi, tute modò vidisti.

SIMP. Quomodo igitur cum re ista comparatum est?

SALV. Dicam tibi meam sententiam, quae nescio an tibi satisfactura sit. Ac initio splendor ille tam fortis, quem cernis in speculo, quique non exiguum ejus partem occupare tibi videtur, non est adeo magnus, imo satis exiguus; nisi quod vigor ejus, in oculo tuo, mediante reflexione facta in humido extremarum palpebrarum, & per pupillam sparsa, producit irradiationem adventitiam, isti capillamento similem, quod nobis videre videmur circa flammulam candelae aliquanto remotioris: nisi quis eandem comparare malit cum splendore adventitio Stellae. Ut, si tenue corpusculum, verbi gratia, Caniculæ, Telescopio per diem observatæ, & irradiatione destitutæ, cum eadem, libero oculo noctu visâ compares, absque ullo dubio deprehendes, irradiatum longe majus apparere nudo & reali corpusculo. Simile aut majus incrementum capit imago Solis, quam in isto speculo vides, dico majus, cum ea sit fortior imagine Stellae: quod ex hoc manifestum est, quia Stella potest aspici longe minori visus offensione, quam ista speculi reflexio. Reverberatio igitur, quae toti huic parieti communicanda est ab exigua parte, illa verò reverberatio quae modò è toto speculo plano promanabat, cum ejusdem parietis parte minimâ communicabatur, ad eamque restringebatur. Quid miramur ergo, quod prima reflexio fortiter illuminat, altera verò tanquam imperceptibilis manet.

*Corpusculum  
Stella cir-  
cumfusa ra-  
diis, multo  
majus appa-  
ret nudo eo  
ac puro.*

SIMP. Sum, si unquam, perplexus, alia etiam accedente difficultate, quomodo fieri possit, ut ille murus, sic-obscura materiâ, superficieque malè polita constans, repercutere possit majus lumen, quàm speculum bene tersum & politum.

*Lumen ex asperis reflexum corporibus, universalius est eo, quod à tersis reflectitur, & quare.*

SALV. Non dixerò majus id lumen, sed magis universale. Nam quoad vigorem luminis, ipse vides, illius parvi speculi plani reflexionem, inferioris ambulacri parieti impactam, illuminare fortiter: reliquum autem parietem, qui muri, de quo speculum pendet, reflexionem recipit, multo minus illuminari, quàm exigua pars illa, speculi reflexione percussa. Et si rem penitus intelligere satagis, oportet consideres, quod, cum ejus muri superficiis aspera sit, eo ipso quoque composita sit ex innumerabilibus superficiebus minimis dispositis secundum innumerabilem diversitatem inclinationum, in quibus necessario evenit, ut earum multæ dispositæ sint ad emittendos ex se radios reflexos in hunc locum, multæ aliæ in alium: & in summa nullus locus est, ad quem non pertingant plurimi radii reflexi à plurimis superficie culis per omnem corporis scabri, radiis luminosis percussis superficiem dispersis. Unde necessario sequitur, quod ad quamcunque partem cujuscunque superficiis, quæ radios incidentes primarios recipienti opponitur, perveniant radii reflexi, & per consequens etiam illuminatio. Sequitur etiam inde, quod ipsum corpus, in quod incidunt illuminantes radii, ex quocunque loco visum, totum illuminatum & clarum appareat: & proinde Luna, ut asperam nec tersam habens superficiem, lucem Solis quaquaversum diffundat, omnibusque spectantibus suis æqualiter sese lucidam exhibeat. Quod si superficies ejus, ut est spherica, sic esset etiam instar speculi lævigata, prorsus invisibilis maneret. Nam illa minima pars, ex qua Solis imago reflecti posset, oculo certi spectatoris, ob nimiam distantiam invisibilis redderetur, ut jam diximus.

*Luna si tersa esset & exposita, prorsus esset invisibilis.*

SIMP. Etsi rectè capio à te dicta: tamen exiguo labore solvi ea posse videntur, optimèque defendi, quod Luna sit rotunda & politissima, quodque ea lumen Solis instar speculi ad nos reflectat. Neque verò propterea necesse est, ut imago Solis in ejus medio conspiciatur. Non enim per species eiusdem Solis, exigua Solis figura in tanta distantia videri potest: sed illuminatio totius corporis Lunaris percipitur à nobis per lumen productum à Sole. Cujus rei nobis exemplum præbet lamina inaurata & bene levigata, quæ à cor-

,, pore

poro luminoso percussa, procul intuentibus totam sese splendens exhibet: ac tantum ex propinquo parva imago luminosi corporis in ejus medio conspicitur.

SALV. Ut ingenuè fatear imbecillitatem meam, ex illo tuo sermone nihil aliud intelligo, quàm de lamina illa inaurata. Quod si tuâ pace liberè loqui mihi licet, vake pronus sum ad credendum, te ipsum à te dicta non intelligere, sed memoriæ mandasse verba illa ab aliquo scripta studio contradicendi, utque sapientior adversario videretur, & quidem illis videretur, qui ut & ipsi pro sapientibus habeantur, ea quæ non intelligunt, plausu excipiunt: tantòque magnificentius de scriptore sentiunt, quantò minùs mentem ejus assentiuntur. Est etiam credibile, scriptorem ipsum ex eorum hominum esse genere (quales haud pauci reperiuntur) qui de rebus nec intellectis scribunt: ut proinde nec intelligi possit quod scribunt.

Sed omissis cæteris, de lamina deaurata tibi respondeo, eam, si plana sit, nec immodicè magna, posse è longinquo totam lumine perfusam apparere, dummodo fortiter illuminetur: sed nimirum talis apparebit oculo in linea certa constituto, hoc est, in ea, qua radii reflectuntur: ac proprius ad flammæ speciem accedet, quàm si argento constaret? idque adeo cum sit colorata, & propter summam metalli densitatem apta ad recipiendam lævigationem perfectissimam. Quod si vel maximè superficies esset in splendorem data, nec tamen exactè plana, sed varias inclinationes haberet; tunc etiam è pluribus locis, splendor ejus conspiceretur, tot nimirum, ad quot pervenirent variæ reflexiones à diversis superficiebus factæ. Quæ etiam causa est, cur adamantes, artificum ingenio, multis faciebus angulosi fiant, ut amabilis eorum fulgor in plura loca diffundatur. Si verò lamina modum excederet, quantumvis tota plana, non tamen è longinquo tota splendere videretur. Et ut clariùs rem exponam, fingamus laminam deauratam planam & amplissimam, expositam Soli; & remotior oculus observabit, imaginem Solis occupare solummodo partem illius laminæ, eam nimirum, undè reflexio radiorum solarium incidentium emanat. Verum quidem est, ob vigorem luminis, eandem imaginem visum iri circumdari multis radiis, & proinde multò majorem laminæ partem occupare quàm revera occupat. Id ita esse deprehendes, si certum illum laminæ locum, unde prodit reflexio, notaveris, simulque descripseris magnitudinem spatii splendidis; texeris deinde majorem ejusdem spatii partem, sic ut

*Quidam scribunt quod non intelligunt: & proinde non intelligitur id quod ipsi scribunt.*

*Adamantes in multiplices facies explanantur: & quare?*

pars media tantummodo pateat. Non enim propterea quicquam de splendoris apparentis magnitudine diminutum procul intuenti videtur: imò splendor ille sese non minùs largè in pannum, aut quicquid id tegumenti est, effundet. Si ergo è longinquo visâ exiguâ laminâ deauratâ totâ splendente quis putaverit idem etiam eventurum in lamina Lunæ magnitudinem æquante, is non minùs decipitur, ac si Lunam doli fundo non majorem credat. Quod si deinde lamina rotundaretur in sphæram, una solummodo sui particula fortem exhiberet reflectionem, utut ejusdem vigore multis radiis circâ coruscantibus: reliqua verò sphæra videretur tanquam colorata, idque solummodo si non esset in summo gradu polita: nam si perfectè lævigata esset, appareret obscura.

*Argentum lævigatum non lævigatè obscurius apparet; & quare.*

*Chalybs pro aspectus diversitate modo clarissimus, modo obscurissimus apparet.*

Exemplum rei quotidie præbent argentea vasa, quæ dum ferventi dealbamento excoquantur, tota nivis instar candescunt, ac nihil imaginis exhibent, sin qua sui parte lævigantur, in eâ subito fiunt obscura, & speculorum instar imagines ibi reddunt. Et hæc obscuritas non aliunde provenit, quàm ex complanatione purissimorum granorum, quæ superficiem argenti faciebant scabram, & proinde lumen quaquaversum diffundentem, ut ex omnibus locis æqualiter illuminata appareret. Si postea lævigando minimæ istæ inæqualitates exquisitè complanantur, sic ut reflexio radiorum incidentium, in certum locum tota dirigatur, tunc ex eo loco lævigata pars multò clarior ac lucidior apparet, quàm reliqua, quæ dealbata solum est: ex cæteris verò locis omnibus obscura valde videtur. Et observo, diversitatem aspectûs in intuenda superficie lævigata producere talem apparentiarum differentiam, ut ad imitandum ac repræsentandum in pictura, verbi gratiâ, thoracem ferreum, ex lævigatione splendentem, opus sit merè nigra & alba copulare, ac alterum alteri opponere in iis partibus armorum, quæ lumine perstringuntur æqualiter.

SAGR. Si ergo isti Domini Philosophi acquiescerent hoc concessio, quod Luna, Venus, cæterique planetæ superficie constent, non ita quidem polita tersaque ut speculi est, sed aliquantulo minùs, qualis argenti lamina candefacta solummodo, non lævigata; numquid hoc sufficeret ad faciendam eam visibilem, accommodatamque repercutiendo lumini Solari?

SALV. Sufficeret ex parte: sed non redderet ita forte lumen, ut facit, cum est montosa, & in summa eminentiis cavitatibusque magnis

magnis plena. Sed illi Domini Philosophi nunquam concesserint, Lunam speculo minùs, sed multò magis politam, si modò quid speculo politius est. Nam cùm existiment, corporibus perfectissimis convenire figuras quoque perfectissimas; necesse est, ut sphaericitas illorum globorum cælestium absolutissima sit. Adde, quod, si mihi concederent aliquam inæqualitatem, utur minimam, statim absque ulla hæsitatione multò majorem aliam arriperem: nam cùm talis perfectio in indivisibili consistat, tantundem de ea vel pilo, quantum monte deperditur.

SAGR. Hæc duplex mihi dubitatio suboritur: prior, quare superficies major inæqualitas reflexionem luminis fortiolem efficiat: altera, quo sine illi Domini Peripatetici figuram illam exactam requirant.

SALV. Ad primam ego respondebo: ad alteram respondendi partes Simplicio committam. Advertendum igitur est, easdem superficies ab eodem lumine plus vel minus illuminari, prout illuminantes radii plus illas minùsve perstringunt, sic ut illuminatio maxima tum fiat, quando radii sunt perpendiculares. Et ut ad oculum hoc tibi demonstrarem, en tibi chartam hanc in angulum fractam: quæ si reflexioni luminis ex opposito muro excipiendæ objicitur, vides, eam chartæ faciem, quæ obliquè radios excipit, minus claram esse alterâ, in quam reflexio incidit ad angulos rectos: & observa, prout magis ac magis obliquè radios excipio, etiam illuminationem magis magisque debilem effici.


SAGR. Effectum video: sed causam non satis perspicio.

SALV. Si de causa centesimam horæ partem cogitares, excogitares. Sed ut tempori parcamus, en tibi rei demonstrationem in hac figura.

SAGR. Primus figuræ intuitus mihi rem omnem explanavit. Perge A igitur.

SIMPL. Explica, quæso, mihi quod reliquum est, qui non ita celebri captu sum.

SALV. Cogita, omnes lineas parallelas, quas terminis AB, exeuntes cernis, esse radios in lineam CD, perpendiculariter incidentes. Inclina jam eandem lineam CD, ut obliquetur ad formam DO. Numquid vides, bonam partem illorum



Radii quo obliquiores, hoc minus illuminant, & quare.

rum

Superficies magis scabra, fortius reflectit lumen, quam quæ scabredinis minus habet. Radii perpendiculares obliquis plus illuminant, & quare.

rum radorum, qui lineam CD, feriebant, lineam D  $\odot$ , intactam relinquare? si ergo DO, illuminatur paucioribus radiis, consentaneum est, lumen ab ea receptum etiam esse debilius.

Nunc ad Lunam redeamus, quæ cum sphaerica constet figura, si superficiem ad instar illius chartæ politam haberet, hemisphaerii ejus à Sole illuminati partes extremitati propiores, haud paulo minus lumen reciperent quàm partes mediæ: cum radii illas obliquissimè perstringant: in has vero ad angulos rectos incidant. Unde in plenilunio, cum totum quasi videmus hemisphaerium illuminatum, partes mediæ splendoribus sese nobis exhibere deberent, quàm cæteræ versùs circumferentiam, atqui secus accidit. Jam mihi fingito faciem Lunæ sat altis undique montibus tumentem: nonne vides, ut eorum tractus ac dorfa, supra perfectæ superficiei sphaericæ convexitatem eminendo, Soli ex adverso opponantur; ac proinde multò minori obliquitate radios excipiant, tantundemque luminis, quantum reliquæ partes exhibeant?

SAGR. Rectè omnia. Sed si tales tibi sunt montes, verum quidem est, eos rectioribus radiis ferri quàm fieret in inclinatione superficiei politæ; interim tamen & illud verum est, quod montibus interjectæ valles omnes essent obscuræ, idque propter umbras vastissimas à montibus in tali tempore projectas: ubi mediæ tamen Lunæ partes, utut vallibus montibusque refertæ, propter Solem exaltatum, umbrâ vacarent, ac proinde multò lucidiores essent extremis partibus, non minus umbrâ quàm lumine perfusus: & tamen isthic ejusmodi differentia non animadvertitur.

SIMP. Simili objectione me quoque meditatio diligentior involvebat.

SALV. Quanto promptior est Simplicius in rimandis objectionibus opinioni Aristotelicæ faventibus, quàm in solutionibus earum invenientis? Sed mihi suspicio aliqua suboritur, ipsum easdem data nonnunquam opera dissimulare. Et quidem in præsentī negotio, cum per se potuerit objectionem satis ingeniosam videre; non possum persuadere mihi, quod non etiam adverterit responsionem. Eam igitur ipsius quasi labiis hærentem depromere conabor. Dic ergo mihi, Simplicius, credisne umbram eo loci esse posse, quem Solis radii feriunt?

SIMPL. Certo credo, non posse. Cum enim Sol sit luminare maximum, radiis suis tenebras submovens; impossibile est, tenebrosum

Tum esse quod ab ipso visitur. Adhæc habemus definitionem, quod Tenebræ sint privatio luminis.

SALV. Sol ergo contuendo Terram, aut Lunam, aut aliud opacum corpus, nullas unquam eorum partes umbrosas videt, cum non aliis ad videndum oculis, quàm suis radiis, luminis traducibus, utatur: & per consequens, in ipso Sole constitutus aliquis nihil quicquam opertum umbrâ cerneret: nam ejus radii visivi semper unâ cum solaribus radiis illuminantibus incederent.

SIMP. Hoc sine ulla contradictione verissimum est.

SALV. Cum verò Luna Soli opponitur, ane diversâ viâ incedunt radii tui visivi, & radii solares?

SIMP. Jam intellexi. Nimirum hoc vis dicere, cum radii visivi & solares eandem viam easdemque lineas observent; non posse nobis ullam umbrosarum vallium in Luna detegi. Desine, quæso, me simulationis dissimulationisve suspectare. Nam affirmo tibi fide nobilis hominis, hanc responsionem in mentem mihi non venisse, nec forte sine ope tua, longâve meditatione meâ venturam fuisse.

SAGR. Objectionis ultimæ solutio, quam nostrum utrique suppeditasti, revera satisfecit & mihi. Verùm eodem tempore consideratio hæc de conjuncto radiorum visivorum ac solarium itinere, scrupulum alium de altera parte mihi injecit, quem an commodè satis explicare possim nescio: cum enim sub manu mihi natus sit, nondum eum ad rationem meam accommodavi: videbimus tamen ante omnia, num possimus eum ad liquidum perducere.

Dubium nullum est, quod partes versus circumferentiam hemisphærii politi, sed non lævigati, illuminati autem à Sole, radios obliquos multò infirmiores excipiat, quàm partes mediæ, quæ rectis Solis radiis feriuntur. Unde fieri potest, ut tractus aliquis, verbi gratiâ, 20. graduum latitudine versus extremitatem hæmisphærii, non recipiat plus radiorum, quam alius tractus versus partes medias, latus gradibus non amplius quatuor: unde certe tractus ille hoc altero multò erit obscurior: atque talis etiam apparebit, quisquis utrumque ex opposito & in faciem, ut ita dicam, intuebitur. Si tamen oculus intuentis in tali loco constitueretur, ut latitudo 20. graduum obscuri tractûs, non appareret major latitudine 4. graduum in medio hæmisphærii, non putarim impossibile, ut æquè clara ac luminosa sicut altera, videretur: nam sub duobus angulis æqualibus, hoc est, quaternorum graduum, ad oculum deferuntur reflexiones

duæ, æquali multitudine radiorum constantes, quarum altera scilicet exit è medio illo tractu latitudinis quatuor graduum, altera è tractu viginti quidem gradus lato, sed per compressionem viso sub quantitate quatuor graduum. Talem vero situm tenebit oculus, inter dictum hemisphærium & corpus quod illud illuminat, collocatus: tunc enim visus & radii per easdem lineas incedunt. Ergo non impossibile videtur, ut Luna superficiem satis æquabilem habeat, & nihilominus in plenilunio extremitatem æque ac medias partes luminosam exhibeat.

SALV. Ingeniosa dubitatio hæc est, & consideratione digna: quæ sicuti subito tibi nata fuit, ita respondebo & ego, quicquid in mentem ex improvviso venerit: & fieri fortè potest, ut rem attentius expendenti mihi responsio aliqua melior occurrat. Sed antequam in medium aliquid producam, experiri libet, an, quod objectio tua ratiocinando probabile fecit, id etiam cum re ipsa consentiat. Eadem ergo resumptâ chartâ, & plicando sic inclinâtâ, ut pars exigua supra reliquam emineat, experiamur, sic chartam lumini sic objiciamus, ut minor pars rectos, altera major obliquos radios excipiat, num ea, quæ rectos radios excipit, clarior etiam appareat. Et ecce tibi manifestum experimentum: vides enim illam insigniter esse luminosior. Jam si tua objectio vera sit, necesse erit, ut oculo eousque demisso, donec altera major at minus illuminata pars, per \* figuræ compressionem seu contractionem inspecta, nobis non appareat amplior alterâ luminosiore, & per consequens non videatur sub majore angulo quàm illa; necesse erit, inquam, ut ejus lumen crescat, sic ut tam lucida videatur ac altera. Vide, ut illam intuear, & ita quidem obliquè, ut hîc aliquanto angustior appareat alterâ: nihilo tamen plus claritatis obscuritati ejus accedit. Nunc observa, num idem accidat & tibi.

SAGR. Vidi: neque tamen, utut oculo demisso, dictam superficiem, ullo modo clariorem factam animadverto: potius in fuscum colorem tendere videtur.

SALV. Hactenus ergo certi sumus de objectionis inefficacia. Quod postea solutionem attinet, habeo persuasum, quia superficies hujus chartæ aliquantulo minus quàm tersa est, esse paucos radios qui reflectuntur versus incidentes, respectu multitudinis, quæ reflectitur versus partes oppositas: & de paucis istis tanto plures interciderent, quanto magis radii visi ipsi radiis luminosis incidentibus copulantur.

\* In i. Cor.  
cio.



tur. Cùmque non radii incidentes, sed illi potiùs qui ad oculum reflectuntur, objectum luminosum apparere faciant, ideòque demittendo oculum, plùs de splendore perditur, quàm acquiritur: sicuti tu ipse dicis, chartam obscuriorem factam tibi videri.

SAGR. Ego hac & experientia & ratione acquiesco. Superest, ut Simplicius ad alteram quæstionem meam respondeat, mihi que declaret, ecqua de causa Peripatetici rotunditatem Cælestium corporum tam exactam requirant.

SIMP. Cum corpora Cælestia sint ingenerabilia, incorruptibilia, inalterabilia, impatibilia, immortalia &c. erunt etiam absolute perfecta; & per consequens, omne perfectionis genus, proindeque figuram etiam perfectam, hoc est, sphæricam habebunt, & quidem absolute perfecteque sphæricam, non autem asperam & irregularem.

SALV. Illam autem incorruptibilitatem unde probas?

SIMP. Immediatè quidem ex eo, quia contrariis carent: mediatè verò è motu simplici circulari.

SALV. Quantum igitur è tuo sermone colligo, ad constituendam essentiam corporum Cælestium incorruptibilem, inalterabilem, &c. rotunditas non tanquam causa aut necessarium requisitum assumitur. Si enim à rotunditate dependeret inalterabilitas, possemus etiam arbitrato nostro facere incorruptibile lignum, ceram, aut materiam Elementarem aliam, dummodo illam reduceremus ad figuram sphæricam.

SIMP. Nonne manifestum est, sphæram ligneam meliorem ac durabiliorem esse obelisco, aut aliâ angulosâ figurâ tantundem ejusdem ligni complectente?

SALV. Verissimum hoc est: non tamen ideo ex corruptibili incorruptibilis, quanquam longè durabilior, efficietur. Itaque notandum est, corruptibile recipere magis & minus, sic ut unum altero minus corruptibile dicere possimus. Exempli causa, jaspis saxo vel arenâ minus corruptibilis est. Incorruptibile verò magis & minus non recipit, neque dicere possumus hoc esse incorruptibilius illo, si utrumque sit incorruptibile & æternum. Diversitas ergo figuræ non potest operari nisi in illis materiis, quæ durabilitatis majoris minorive capaces sunt: in æternis autem, quæ non nisi æqualiter æternæ esse possunt, operatio figuræ cessat. Et proinde, cum Cælestis materia non figuræ beneficio, sed alia de causa sit incorruptibilis; de perfecta ista sphæricitate non tantopere sollicita esse videtur. Nam

*Perfecta  
Sphæricitas  
quare Cæle-  
stibus corpo-  
ribus tribua-  
tur à Peripa-  
teticis.*

*Figura non  
incorruptibi-  
liatis, sed  
longioris du-  
rationis caus-  
sa est.*

*Corruptibile  
recipit magis  
& minus, non  
item incorru-  
ptibile.*

*Figura per-  
fectio vim  
habet operan-  
di tantum in  
corporibus  
corruptibili-  
bus, non au-  
tem in æter-  
nis.*

dummodo materia sit incorruptibilis, qualem tandem cunquē figuram habeat, semper ea talis erit.

*Si figura  
sphærica con-  
ferret æter-  
nitatem, om-  
nia corpora  
forent æter-  
na.*

SAGR. Ego vero quid amplius considero, & affirmo, si concedatur, figuram sphæricam conferendæ incorruptibilitatis habere facultatem, inde sequi, quod omnia corpora, quacunque tandem figurâ prædita, sint æterna & incorruptibilia. Nam si corpus propter rotunditatem esset incorruptibile, corruptibilitas consisteret in illis partibus, quæ perfectam rotunditatem alterant. Exempli causa, cubo inest sphæra perfectè rotunda, & quatenus talis, incorruptibilis; superest igitur, ut corruptibiles sint illi anguli, qui rotunditatem cooperiunt & abscondunt. Nihil igitur hic amplius aut majus accidere posset, quàm ut illi anguli, & ut ita dicam extrescentiæ corrumpentur. Sed si penitus rem consideremus, in illis quoque partibus versus angulos insunt aliæ sphærae minores ejusdem materiæ, ac proinde & ipsæ propter rotunditatem suam incorruptibiles: atque ita in reliquis, quæ circumdant istas octo minores sphærulas, intelligi possunt inesse & aliæ. Quo pacto denique totum cubum, in sphæras innumerabiles resolutum, incorruptibilem esse concedendum erit. Quæ eadem ratiocinatio, similisque resolutio in omnibus aliis figuris locum habet.

SALV. Ratio concludendi procedit optimè. Quare, si, verbi gratia, crystallum sphæricum figuræ suæ beneficio esset incorruptibile, seu præditum facultate resistendi omnibus alterationibus internis & externis, haud video, quidnam adjuncto ad hanc sphæram alio crystallo, eâque reductâ, v. g. in cubum, quid inquam ea de causa exterius aut interius alteretur: nec puto, propterea crystallum reddi minus aptum ad resistendum ambienti novo, ex eâdem materiâ factò, quàm alii alicui è materiâ diversâ: maximè si verum est, quod corruptio fiat à contrariis, ut Aristoteles ait. Quid autem aliud isti sphærae crystallinæ circumdare possunt, quod ei minus sit contrarium ipso crystallo?

Sed nos non advertimus interea tempus effugere. Quod si de singulis propositæ materiæ particulis adeo prolixè differendum erit, tardè pervenimus ad finem; præterquam quod memoria multitudinis rerum ita confunditur, ut propositionum quas ordine Simplicius ad considerandum adduxit, vix recordari possim.

SIMP. Ego verò bene recordor: Et quod ad hanc specialem quaestionem.

tionem de montositate Lunæ attinet, inconcussa adhuc est, quam adduxi, causa illius apparentiæ, quæ potest optimè salvari dicendo, eam esse illusionem procedentem ex eo, quod Lunæ partes inæqualiter opacæ sunt atque perspicuæ.

SAGR. Paulò ante Simplicius apparentem Lunæ inæqualitatem, juxta Peripatetici cujusdam amici sui sententiam, attribuit partibus Lunæ diverse opacis & perspicuis: cujus generis illusiones videmus in crystallis diversisque gemmis. Mihi materia quædam in mentem venit ad repræsentandum hunc effectum haud paulò accommodatior, & omnino talis, ut mihi persuadeam, istum philosophum comparationem hancce quantovis pretio redempturum. Eæ sunt conchæ margaritifera (vulgo matres perlarum) quas variis figuris induit artificum ingenium: & quamvis expoliantur accuratissimè: tamen adeo variè, diversis in partibus, dehiscere vel extuberare videntur oculis, ut earum de æqualitate tactus ipse vix fidem faciat.

SALV. Pulcherrima profectò speculatio hæc est: & id quod factum non est hæctenus, alio tempore effectum dari posset: & si productæ sunt aliæ gemmæ atque crystallæ, quibus cum illusionibus conchærum margaritarum nihil est negotii, producentur etiam hæ ipsæ, Interim ne cuiquam occasionem præripiam, responsionem huc pertinentem tacebo, atque id modò curabo, ut jam objectionibus allatis à Simplicio: satisfiat. Ajo igitur, hanc rationem tuam nimis esse generalem: quam uti tu non applicas omnibus figillatim apparentiis, in Luna conspectis, quibus ego & alii movemur, ut eam montosam credamus: ita non arbitror inventurum te quenquam cui hæc doctrina satisficiat, habeoque persuasum, neque te, nec auctorem ipsum in ea plus acquieturum, quàm in re quavis alia à proposito aliena.

E multivariis apparentiis, quas Lunæ cursus de vespera in vesperam exhibet, tu ne quidem unicam imitari posses efformatâ tuo arbitrio spherâ è partibus magis aut minus opacis ac perspicuis, exactè politam superficiem habente: cum è contrâ ex quacunque materia solida, nec transparente, spheræ construi queant, quæ solummodo per eminentias atque cavitates, & variè recepta illuminatione, repræsentabunt easdem ad unguem apparentias & mutationes, quæ in Luna singulas in horas observantur. Isthic videbis eminentiarum, lumini Solis expositarum dorfa satis clara, umbram de sese spargentia densissimam; eamque majorem minoremve, prout eminentiæ ipsæ

*Conchæ margaritarum ad apparentem superficiem Lunæ inæqualitatem imitantem apta.*

*Apparentes inæqualitates Lunæ, magis ac minus opacis & perspicuis rebus imitari non possumus.*

*Aspectus Lunæ variè quacunque opacis materiam sunt imitabiles.*

*Apparentiæ variæ, quibus montosam Lunam esse probatur.*

magis minusve distant à confinio, quod illuminatam Lunæ partem à tenebrosa determinat. Videbis, eum ipsum terminum atque confinium non esse, sicut in spherâ fieret, æqualiter extensum, sed anfractuosum laciniatumque vibebis, ultra dictum terminum, in tenebrosa Lunæ parte, multas cuspides lucidas, à luminosa plaga omnino sejunctas: videbis, umbras supradictas, prout illuminatio augetur, ipsas imminui, donec prorsus evanescant, ac toto jam illuminato hemisphærio, nusquam earum ulla compareat. Cum verò deinde lumen in alterum hemisphærium lunare transit, eadem illæ cuspides, quas in priore observasti, denuo in conspectum tibi venient, & umbras, sed in contrarium ac incrementum projicient. Quarum rerum (nam iterum hoc dicendum est) tu mihi nec unicam cum opaco & perspicuo tuo repræsentabis.

SAGR. Imò unam certe licebit imitari, scilicet plenilunium, in quo propter illuminationem totalem nec umbra amplius, nec alia ulla ex eminentiis & cavitatibus orta variatio observabitur. Sed quæso te, Salviatè, noli plus temporis in hoc argumento perdere. Si quis enim unam alteramque modò lunationem observare sustineret, & hanc tamen ipsi sensui manifestissimam veritatem capere non posset, is omni privatus iudicio meritò censeretur. Cum talibus vero tempus & verba frustra consumere quid attinet?

SIMP. Ego profecto tales observationes haud institui? nec enim curiositas eò me stimulavit: multo verò minus idoneum ad illas instrumentum in promptu fuit. Eisdem tamen omnino suscipiam: interea quæstionem hanc in suspenso relinquere possumus, & ad sequens progredi caput, adducendo rationes, ob quas Terra lumen Solare non minus fortiter ac Luna reflectere tibi videtur: nam me iudice, propter obscuritatem opacitatemque Terræ, impossibile prorsus hoc apparet.

SALV. Causa ob quam tu censes ineptam illuminationi Terram, contrarium potius evincit. Nonne vero pulchrum foret, si te ipso melius disputationes tuas penetrarem?

SIMP. An bene vel secus disputem, fieri sane possit, ut melius quàm ego perspicias: sed sive bene seu male disputem nunquam tamen credidero, te me ipso rectius disputationem meam penetrare posse.

SALV. Imò statim id ut credas effecero. Dico mihi, quando Luna pleno propemodum orbe lucet, sic ut & interdiu, & mediâ nocte

ete conspicui possit, quo tempore splendidior tibi videtur, diene vel nocte?

SIMP. Nocte utique: ac videtur mihi Luna æmulari columnam illam nubis & ignis quæ filiis Israelis ducem sese præstans, præsentem quidem Sole nubeculæ speciem gerebat: noctu verò splendidissima erat. Sic observavi nonnunquam interdum Lunam inter aliquas nubeculas ad earundem instar albicantem, sed noctu deinde splendidissimam.

*Luna noctu quam interdum splendidior apparet*

SALV. Ergo si nunquam nisi interdum Lunam videre tibi contingisset, non judicaturus eam fueras nubecularum istarum aliquam splendidior.

*Luna interdum visa, nubecula similis.*

SIMP. Ita persuasum habeo.

SALV. Jam dic mihi: credisne, Lunam reipsa noctu quam interdum lucidior: an verò per aliquod accidens talem apparere?

SIMP. Credo, Lunam revera in seipsa, tantundem interdum, quantum & noctu lucere: sed lumen tamen ejus noctu magis esse conspicuum, idque propterea, quia noctu videmus illam in plaga Cæli obscura: interdum verò, cum ambientis ætheris claritatem suo splendore non multum excedat, multò nobis debiliore sese luce conspiciendam præbet.

SALV. Dic mihi porro, unquamne mediâ nocte globum terrestrem illuminatum à Sole vidisti?

SIMP. Quæstio ista non nisi per jocum, vel homini certè planè stupido proponenda videtur.

SALV. Minimè verò: quin tu mihi sapientissimus haberis: & quæstio mea solida seriâque, nec ludicra est: itaque responde modò: quod si aliena à proposito dicere videbor, ego ipse stupidus haberi non recuso. Haud paulò enim, is qui stultè interrogat, stultior est eo qui interrogatur.

SIMP. Nisi igitur oppidò simplex tibi videor, dictum à me puta, fieri non posse, ut incola terræ, quales nos sumus, illam Terræ partem noctu videat, ubi dies est, hoc est, quæ à Sole illustratur.

SALV. Nunquam ergo Terram illuminatam, nisi interdum, videre tibi contingit: Lunam verò etiam profunda nocte cernis in Cælo splendentem. Atque hæc ipsa, Simplici, ratio est, quâ persuasus Terram non perinde ut Lunam splendere credis. Quod si Terram è loco aliquo, nostræ noctis ad instar tenebroso videre posses, Lunam multo splendidior eam animadverteres. Jam si vis, ut compara-

tio

tio bene procedat, oportet ut lumen Terræ cum lumine Lunæ, interdiu non autem noctu visæ conferas, eò quod non nisi interdiu nobis detur illuminatam videre Terram. Numquid res ita habet?

SIMP. Ita profectò.

*Nubes apte illustrantur à Sole, non minus ac ipsa Luna.*

SALV. Cum ergo jam ipse sis confessus, interdiu te vidisse Lunam inter albicantes nubeculas, uni earum, quoad aspectum, simillimam, eo ipso concedis initio, nubeculas illas, quæ utique materia Elementari constant, aptas esse ad recipiendam illuminationem tantam, quanta Lunæ est, atque etiam majorem, si tibi in imaginationem revocaveris aliquando visas à te nubes aliquas maximas, & nivis modo candidissimas: neque dubitandum est, si talium aliqua tanto prædita lumine conservari posset in multam usque noctem, quin loca vicina vel centum Lunis plus sit illuminata. Itaque si certi essemus, Terram à Sole pariter ac istarum nubecularum aliquam illuminari, nullo modo dubitarem, eam non minus Luna splendere. Verùm de hoc omnis dubitatio cessat, cum videamus, easdem nubes, absente Sole, noctu tam obscuras esse quàm est Terra: & quod plus est, nemo nostrum invenitur, cui non sæpius videre contigerit ejusmodi nubes humiles atque remotas, sic ut dubitaverit nubefne eæ, an verò montes essent: id quod evidens signum est montes illis nubibus non minus esse luminosos.

*Illuvius illustratus à Sole, Lunaque comparatus, non minus illa splendet. Tertia reflexio muri plusquam prima Luna illuminat. Lumen Luna debilius quam crepusculi.*

SAGR. Sed ulteriori disputatione quid opus est? Ecce supra non Lunam bisecta majorem: ecce murum isthuc altum à Sole percussum. Jam huc concedito, ut Lunam juxta murum intueri liceat: observa nunc, uter clarior appareat. Nonne vides, quanto murus illustrior sit? Sol ferit illud parietem: hinc in parietem atrii reverberatur: isthinc tertiâ reflexione in illud cœnaculum trajicitur, ubi tamen absque ullo dubio plus luminis est, quàm si Lunæ lumen isthuc directè petveniret.

SIMP. Id verò ego non crediderim. Nam illuminatio Lunæ, præsertim pleno lucentis orbe, maxima est.

SAGR. Videtur maxima propter obscuritatem umbrosæ vicinæ: sed absolutè tanta non est, imò debilior est illuminatione crepusculi dimidiâ horâ post occasum Solem: id quod indè manifestum est, quia non antequàm tum demum umbras corporum à Luna illuminatorum in Terra distingui videbis.

Quod deinde tertia illa reflexio cœnaculi, primâ Lunæ plus illuminet, id inde cognosces, si huc progressus aliquid libri leges, &

hac

hac postea nocte ad Lunæ lumen experiaris an sit facilior difficilioreve lectio: difficiliorem enim fore nullus dubitat.

SALV. Jam verò, Simplici, ( dummodo tibi satisfactum est ) animadvertere potes, per te ipsum te revera scivisse, quod Terra non minus ac Luna splendeat: & recordationem solummodo rerum quarundam ultrò tibi cognitarum, non à me traditarum, de hoc te certum reddidisse. Non enim ego te docui, Lunam noctu quàm interdiu splendidiorem apparere, sed id ipse noveras: noveras item, nubeculæ claritatem Lunari claritate non minorem videri: noveras denique Terræ illuminationem noctu conspici non posse: & in summa, ultrò scivisti omnia, nisi quod ea scire te nescivisti. Hinc ratio non est ut ægrè concedas, reflexionem Terræ non minori luce tenebrosam Lunæ partem perfundere posse, quàm Luna nostræ noctis tenebras illustrat, imò tanto majore, quod Terræ magnitudo Lunam quadrages excedit.

SIMP. Existimabam profectò, secundarium illud Lunæ lumen ei proprium esse.

SALV. Hoc ipsum etiam per te scis, nec te scire attendis. Dic mihi, numquid ex te noveras, Lunam noctu quàm interdiu clariorem apparere respectu obscuritatis oræ ambientis? & nonne per consequens in genere perspectum habes, omne corpus lucidum tanto clarius apparere, quanto ambiens est obscurius?

*Corpora illuminata clariora videntur obscuritate circumdata.*

SIMP. Utique

SALV. Quando Luna falcata est, & lumen illud secundarium satis clarum apparet, nonne semper illa Soli vicinior, & per consequens in lumine crepusculi est?

SIMP. Est, & optavi sapius, ut aliquanto magis infuscaretur aër, quò lumen illud clariùs cernere possem: sed Luna noctis obscuritatem occasu maturato prævertit.

SALV. Scis igitur optimè, lumen illud in profunda nocte magis conspicuum futurum?

SIMP. Omnino, & quidem plus adhuc, si insuper amoveri posset illustratorum à Sole cornuum lumen, cujus præsentia minus alterum haud parum offuscat.

SALV. Numquid verò nonnunquam accidit, ut obscurissimâ nocte, totum Lunæ discum, nequaquam illuminatum à Sole, cernere possimus?

SIMPL. Nescio an hoc eveniat, nisi in totalibus Eclipsibus Lunæ.

L

SALV.

SALV. Tunc ergo Luna secundariam illam suam lucem exhibere clarissimam debebat, quippe in obscurissimo constitutam loco, nec claritate luminosorum cornuum obfuscatam. Tu verò Lunam in eo statu, quali perfusam lumine vidisti?

SIMP. Vidi quandoque colore cupreo, nonnihil albicante: sed alio tempore sic obscurata fuit, ut è conspectu penitus eam amiserim.

SALV. Quomodo ergo propria hæc ei lux esse queat, quæ quidem in albore crepusculi, non obstante impedimento magni & contigui splendoris cornuum, adeo clara videtur: postea verò, nocte obscura, remota omni alia luce, nusquam apparet?

SIMP. Audio fuisse, qui crediderit, id lumen ab aliis Stellis communicari Lunæ, maximè à Venere ei vicina.

SALV. Hoc ipsum quoque vanum est: quia tempore suæ totalis obscurationis lucidior quàm unquam aliàs apparere deberet, cum dici non possit, conspectum Veneris aliarumve stellarum ei subtrahi per umbram terrenam. Atqui tum vel maximè lumine privatur. Nam hemisphærium terrestre, cum eo tempore Lunam respiciat, nocturnum, hoc est, totali privatione luminis solaris involvitur. Et si diligenter observes, ipso sensu deprehendes, quod, sicuti Luna in tenuem adhuc falcem curvata, Terram tenuiter admodum illuminat, & pro ratione incrementi solaris illuminationis, incrementum æquè splendor, inde reflectendo ad nos transmissus: ita quoque Luna, dum tenuiter est falcata, Solémque inter ac Terram posita, maximam hemisphærii terreni illuminati partem aperit, clara satis appareat, & à Sole discedens, quadraturæque appropinquans, lumen etiam illud paulatim elanguescat: ultra quadraturam autem omnino debile videatur, eò quod indies magis ac magis aspectu luminosæ partis Terræ privetur. Atqui contrarium oportebat accidere, si id lumen Lunæ proprium, aut à Stellis ei communicatum esset. Tum enim eam profunda nocte, & ambiente multum tenebroso videre possumus.

*Lux Luna  
secundaria  
producitur a  
Sole, secundum  
aliquos.*

SIMP. Subsiste, quæso. Recordor enim jam modò, legisse novitium nuperæque fœturæ libellum Conclusionum, qui præter alia multa nova tradit hoc quoque, lumen illud secundarium non à Stellis produci, neque Lunæ proprium, omnium verò minimè communicatum ei esse à Terra: sed ab eadem derivari Solis illuminatione, quæ propter substantiam globi lunaris nonnihil transparentem, totum ejus corpus penetret: efficacissimè autem illuminet



„minet superficiem hemisphærii radiis expositi: unde profunditas,  
 „imbibendo, & ut ita dicam, exorbendo lucem illam, ad modum  
 „nubis aut crystalli, transmittat eam, visibilitérque lucida redda-  
 „tur. Idque, si rectè memini, probat auctoritate, experientiâ,  
 „& ratione, adducendo Cleomedem, Vitelliônem, Macro-  
 „bium, & non neminem hujus temporis auctorem alium: sub-  
 „jungendo deinde, constare per experientiam, quòd Luna diebus  
 „conjunctiōni proximis, hoc est, dum in falcem sinuatur, mul-  
 „tum lucis habeat, maximè verò splendeat circa limbum suum. Ad-  
 „dit præterea, Lunam in Eclipsibus solaribus, cùm disco Solis  
 „est subjecta, translucere, præcipuè circa extremum orbem suum.  
 „Præterea quod ad rationes videtur mihi dicere, quandoquidem id  
 „nec à Terra, nec à Stellis, nec ab ipsa Luna proficiscatur, neces-  
 „sariò relinquì, ut derivetur à Sole. Insuper, ex his præsuppositis,  
 „omnium specialium accidentium rationes perbellè redduntur.  
 „Quod enim illa secundaria lux circa limbum extremum fortior ap-  
 „paret, ejus rei causa est brevis spatii à radiis solaribus, penetran-  
 „di; siquidem earum linearum, quæ circulum pertranseunt, illa  
 „maxima est, quæ per centrum ducitur: cæterarum autem eæ, quæ  
 „magis ab illa distant, vicinioribus semper sunt minores. Ex eo-  
 „dem illo principio deducit, quod id lumen parum minuat. Eo-  
 „dem denique modo causa redditur, quæ fiat, quod lucidior orbis  
 „ille circa Lunæ marginem extremum, in Eclipsi Solari conspiciatur  
 „in illa parte, quæ disco Solis est subjecta, non autem in ea quæ  
 „discum excedit: ideo nimirum id accidere, quia radii Solis rectà  
 „per sibi subjectas Lunæ partes transeunt ad oculum nostrum: sed  
 „per partes quæ extra sunt, extra oculum cadunt.

SALV. Si philosophus ille, primus istius opinionis auctor exitif-  
 set, non mirarer, eam ab ipso sic amari, ut ceu verum amplectere-  
 tur: sed cùm eandem acceperit aliunde, nulla ratio sufficit ad eum  
 excusandum, quod fallaciam non deprehenderit, maximè postquam  
 effectus illius veram causam audivit, atque sexcentis experimentis,  
 inter sese manifestè congruentibus discere potuit, id non aliunde  
 quàm è reflexione Terræ provenire. Et sanè quantum hæc doctrina  
 facit, ut aliquid in judicio auctoris aliorumque omnium, diversum  
 ab ea sentientium, desideretur, tantundem ignoratio ejus, aut quod  
 eadem in mentem ipsis non venerit, excusabiles mihi reddit anti-  
 quissimos illos, qui si jam talia tradentes audirent, quin pronis ea sint

auribus admissuri, nihil ambigo. Et si syncerè dicendum est quod sentio, non possum persuadere mihi, novitium illum scriptorem ferriò & animitus improbare doctrinam illam: credo potius, cùm se primum ejus auctorem jactare non possit, inde stimulis æmulationis actum tentare, ut eam supprimat, aut saltem invisam faciat apud rudiores, quorum numerum scimus esse maximum: ac multi sunt, qui magis applausu lætentur adfluentis populi, quàm paucorum non de vulgo hominum assensu.

SAGR. Pace tua, Salviate: non videtur mihi sermo tuus acu rem tangere. Nam illi \* qui parietes in publicum, quod ajunt, extendunt, norunt etiam inventionum alienarum auctores sese facere, modò non antiquæ nimis, & per cathedras circuloſque publicatæ, adeoque cunctis plusquam notoriæ illæ sunt.

*Perinde est, seu opinionones, novas hominibus; seu homines novos opinionibus constitutas.*

SALV. Hem, ego te sum improbior aliquanto: quid ais de publicis atque notoriis? Nunquid enim idem est, opinionones inventionesque novas esse hominibus, ac iisdem novos ipsos esse homines? Quod si contentus es existimatione apud scientiarum tyrones indies suborientes acquisitâ, licebit ut ipsius etiam alphabeti te facias inventorem, ac imperitos illos in admirationem tui pertrahas: & quamvis deinde temporis progressu sagacitas tua palàm fiat, parum tamen id oberit consilio tuo: nam alii subinde succedunt ad servandum fautorum numerum.

*Lux, Lune secundaria formam annuli referi, quippe clarior ad orbem extremam quam in medio: & quare.*

Sed pergamus ostendere Simplicio, quàm nihil solidi habeat illius auctoris novitii disputatio, quàmque & falsis, & asyllogistis, & paradoxis abundet. Ac initio falsum est, lucem illam secundariam clariorem esse circa marginem extremum, quàm in partibus medijs, sic ut inde velut annulus aut circulus reliquo tractu splendidior efformetur. Verum quidem est, si quis Lunam in crepusculo constitutam adspiciat, apparere primo intuitu talem circulum, sed hallucinatio hæc est, quæ oritur è diversitate confinium terminantium discum lunarem, illâ luce secundariâ perfusum. Nam ex parte Solem respiciente, cornuum Lunæ lucidissimorum fines lux secundaria stringit: ex altera parte, crepusculi tractum obscurum pro confinii termino habet, cujus relatio facit, ut nobis candor disci lunaris, in opposita parte à majori splendore cornuum obsuscata, clarior esse videatur. Quod si novitius auctor, obstaculo quodam, puta tecto domus alicujus, aut quâ aliâ re interjectâ, primarium splendorem ab oculo removere didicisset, ita ut exclusis cornibus, reli-

*Modus observandi lucem Luna secundariam.*

quus

quus solummodo Lunæ tractus visibilis relinqueretur, eum totum æqualiter luminosum vidisset.

SIMP. Memini tamen eum scribere, tale artificium ad falsam lucidam abscondendam adhibitum à se fuisse.

SALV. Ita sanè, quam credidi negligentiam, efficitur pari conjunctum cum temeritate mendacium. cum frequenter id redarguere nemini non in proclivi sit.

Quod deinde in Eclipsibus Solis, discus Lunæ conspiciatur alio modo quàm per privationem, mihi non fit verisimile, præcipuè cum eclipsis non est totalis, quales observatas ab auctore fuisse necesse est. Si tamen etiam aliquid luminis ibi deprehendas, hoc non adversatur, favet quin potiùs opinioni nostræ. Tum enim opponitur Lunæ totum hemisphærium terrestre à Sole illuminatum; cujus etsi partem umbra lunaris abscondit: ea tamen respectu illuminatæ reliquæ, perexigua est,

*Discus Lunæ in eclipsi Solaris non nisi per privationem videri potest.*

Quod addit præterea, in illo casu partem marginis, Soli subjectam, satis lucidam apparere, non item illam, quæ extra est; ejusque rei causam esse, quia radii Solis directè per hanc partem illabuntur oculo nostro, non autem per illam; ea verò fabula est ex illarum numero, quæ narratoris alia quoque figmenta manifestè produnt. Si enim ad discum lunarem luce secundaria visibilem efficiendum opus est, ut radii Solis directè delabantur in oculum nostrum: nonne advertit misellus, hac ratione nos nunquam, nisi Solis in eclipsibus, lucem hanc secundariam esse visuros? Et si solummodo partis Lunæ remotio à disco solari multò minor dimidio gradu, deflectere potest radios Solis, quo minus incidant in oculum nostrum; quid fiet si Luna viginti tringintave gradibus à Sole removeatur, ut accidit in ejus apparitione prima? & quam tum inibunt viam radii Solis, corpus Lunæ pertransituri, ut oculum nostrum inveniant? Homo iste subinde res ita fingit, quales esse conveniebat, ut proposito suo servirent; non autem deinceps accommodat proposita sua rebus, quales ipsæ sunt. Ecce, confecturus ut splendor Solis substantiam Lunæ penetrare possit, eam facit in parte pellucidam, qualis est, exempli gratia, transparentia nubis aut crystalli: sed nescio, quid postea de tali transparentia judicaturus sit, si radii solaribus trajicienda esset profunditas nubis plusquam bis mille milliarium.

*Auctor libelli conclusionem accommodat res proposito suo, non autem propositum rebus ipsis.*

Verùm concedamus, ut audacter ille respondeat, hoc facillimè posse in corporibus cælestibus, ut quæ multò nobilioris naturæ sint, quàm

quàm nostra hæc Elementaria, impura, sæculenta: eúmque convincamus erroris: iis mediis, quæ responſionem, aut ut rectius dicam, effugia non admittunt. Si defendere volet, ſubſtantiam Lunæ pellucidam eſſe, neceſſe eſt ut dicat, eam eſſe talem, dum tota Lunæ profunditas, (hoc eſt, pluſquam duo millia milliarium) à radiis Solis eſt penetranda: ſed ſi Soli miliare unicum, aut eo minus opponatur, non magis id quàm montium noſtrorum aliquem, ipſius radios eſſe penetraturos.

*Cujusdam  
irriſio ven-  
ditantis ar-  
tem per mille  
milliarium  
intervallum  
invicem col-  
loquendi.*

SAGR. Tu facis ut meminerim alicujus, qui mihi venditabat occultam artem, qua per acús magneticæ ſympathiam quandam, ex intervallo duorum triumve millium milliariorum, invicem colloqui liceret. Cúmque dicerem, libenter empturum eſſe me, dummodo prius experimentum artis caperem, eámque ad rem ſufficere, ſi ego in uno, ipſe in alio cubiculi angulo conſiſtamus? reſpondit mihi, operationem in tam exigua diſtancia cerni vix poſſe, quare dimiſi hominem, ac dixi, mihi commodum non eſſe hoc tempore in Ægyptum aut Moſcoviam illius experimenti capiendi cauſã tendere: ſi tamen ipſe eò ire velit, me Venetiis manentem partes alteras obiturum.

Sed videamus, quò tendat auctoris conſequentia, & quomodo neceſſe ſit, eum concedere, materiam Lunæ radiis ſolaribus eſſe permeabiliſſimam in profunditate duorum millium milliariorum: ſed interim in craſſitie unius ſolummodo milliariis, quovis monte noſtro opacior.

SALV. Illi ipſi montes in Luna, rei fidem faciunt, qui ex una parte percuſi à Sole, ex oppoſita altera jaciunt umbras nigerrimas, terminatas, multóque diſtinctiores umbris noſtrorum montium. Quod ſi montes iſti eſſent pellucidi: nunquam potuiſſemus ullam aſperitatem in ſuperficie Lunæ cognoscere, neque videre cuspides luminofas, ſejunctas à termino diſtinguente partem illuminatam à tenebroſa: imò illum ipſum terminum haudquaquam ita diſtinctum videremus, ſi verum eſſet, lumen Solis penetrare profunditatem Lunæ: imo per eandem auctoris aſſertionem neceſſe eſſet videre tranſitum & conſinium partis à Sole viſæ & non viſæ ſatis confulum, & luce tenebrisque miſtum: quia neceſſarium eſt, illam materiam, quæ radiis ſolaribus in 2000. milliariorum profunditate tranſitum præbet, adeò transparentem eſſe, ut minimum eis obſiſtat in centeſima aut mimori talis craſſitie parte: nihilominus terminus, qui partem

partem illuminatam ab obscura separat, incidens est, atque ita distinctus, quantum est à nigredine distincta albedo, maximè ubi incisura transit per partem Lunæ naturaliter clariorem asperioemque: ubi autem fecat maculas antiquas, quæ planities quædem sunt, cum illæ sphericè inclinentur, sic ut radios solares obliquissimos excipiant, ibi terminus non adedè est incidens, propter illuminationem languidiorem.

Quod ait denique, lucem secundariam non imminui, nec elanguescere prout Luna crescit, sed continuè in eodem vigore seruari, id vero falsissimum est: imò in quadratura parum illius luminis conspicitur, cum tamen contrà multo majus id validiusque conspici deberet, cum extra crepusculum in profunda nocte cernatur.

Concludamus ergo, Terræ reflexionem in Luna potentissimam esse: & quod multo pluris æstimare debes, inde promamus adhuc aliam pulcherrimam Lunæ Terræque congruentiam; scilicet si verum est, planetas in Terra per motum & lumen suum operari, quod fortasse Terra mutuam in planetis operationem eodem illo lumine, quid si etiam motu suo? non minus potenter exerceat. Quod si etiam immobilis illa sit, eandem tamen operationem retinere potest: quia, ut jam vidimus, actio luminis eadem prorsus est, scilicet luminis reflexionis solaris: & motus nihil aliud præstat, quàm aspectuum variationem, quæ tamen eodem modo procedit, sive moveri Terram immoto Sole, seu contrà faciamus.

SIMP. Non inuenietur ullus Philosophorum, qui dixerit, corpora hæc inferiora operari in Cælestia: quin Aristoteles disertè contrarium affirmat.

SALV. Aristoteles alique, qui nescierunt mutuam inter Terram Lunamque luminis commercium, excusatione digni sunt: essent autem reprehensione dignissimi, si, dum sibi concedi & à nobis credi volunt, Lunam per lumen operari in Terram, postea à nobis de Terra Lunam illuminante edocti, nollent nobis vicissim actionem Terræ in Lunam concedere.

SIMP. In summa, toto animo abhorreo à concedenda illa, Terram inter ac Lunam societate mutuâ, quam persuadere mihi conaris, dum Terram in stellarum quasi numero censûque reponis. Quod si nulla res alia, saltem ingens separatio atque distantia inter ipsam & corpora cælestia, meo quidem iudicio, necessariò maximam inter ea dissimilitudinem inferret.

SALV.

*Terra lumine suo reciprocant in corporibus Cælestibus operationem edere potest.*

*Affinitas  
Terram inter  
ac Lunam,  
respectu vi-  
cinitatis.*

SALV. Vide, Simplici, quantam vim habeat inveteratus affectus, & radicitus hærens opinio. Tam enim ea valida est, ut eadem illa, quæ contra te ipsemet adduxisti, ablandiri tibi faciat. Quod si separatio atque distantia magnam naturæ diversitatem persuadere tibi possunt, partim ex contrario vicinitas contiguitasque similitudinem importent. Jam quanto vicinior est Luna Terræ quàm cuius alii globorum cælestium igitur ex tuapte concessione, fatearis oportet, & alios quoque Philosophos habebis assentientes, Terræ cum Luna maximam affinitatem intercedere.

Nunc pergamus ulteriùs, & proponito si quid præterea restat considerandum illis objectionibus, quæ contra congruentiam istorum duorum corporum adduxisti.

SIMP. Restaret nescio quid in capite de Lunæ soliditate, quam ex hoc ego concludebam, quod Luna summè polita esset & complanata; tu verò quia montosa. Nascebatur & alia mihi difficultas, quod crederem, reflexionem Maris, propter æquabilitatem superficiei ejus, esse fortiolem quàm Terræ, cujus superficies adeò scabra est & opaca.

*Soliditas glo-  
bi Lunaris  
probatur ex  
eo, cum sit  
montosus.*

SALV. Quod ad primum dubium, dico; quemadmodum in partibus Terræ, quæ omnes ob gravitatem suam, certatim ad centrum Terræ, quoad possunt, contendunt, nihilominus tamen aliæ aliis inde remotiores manent, scilicet montes locis planis, idque propter soliditatem eorum ac duritiem: (si enim fluidâ materiâ constarent; in planum diffunderentur) ita, quod videmus aliquas Lunæ partes supra sphericitatem humiliorum partium efferri, ex eo durities earundem arguitur. Credibile enim est, materiam Lunæ, concordii partium suarum omnium ad idem centrum contentione sphericam formam induere.

*Reflexio lu-  
minis à mari  
debilior  
quam à Ter-  
ra.*

Quod ad alterum dubium, videtur mihi, per ea, quæ in speculis accidere consideravimus, optimè intelligi posse, reflexionem luminis maritimam terrestri longè debiliorem esse, sic tamen ut id accipiamus de reflexione universali. Nam de particulari, quam aqua quiescens in locum determinatum eum ejaculatur, dubium non est, si quis isto loco consistat, ibi visurum in aqua reflexionem potentissimam: ex aliis autem omnibus locis, aquæ superficies superficie Terræ videbitur obscurior. Et ut ad oculum hoc demonstrarem, age concedamus in hoc atrium, & aquæ nonnihil in pavementum effundamus. Dic mihi jam, nonne perfusus ille later, aliis siccis multò

*Experimento  
probatur,  
aqua reflexionem ter-  
restri debilio-  
rem esse.*

appa-